



Library

University of Pittsburgh

*Darlington Memorial Library*

Class.....  
Dar  
1570

Book.....  
I88523



1-1-0

2744

~~all~~

m

di

net

1951

the

One of the earliest  
books on the  
art of painting  
by Aldus

This beautiful new Edition con-  
tains the whole of his Pastoral works  
Vogt, speaking of his "Lamentatio  
de Morte Christi", says, "Omnes  
operum Sannasarii Editiones  
antiquiores non solum in Ita-  
lia exarsa, verum etiam in  
Gallia a Rob. Stephano praecipue  
et Joh. Grypho typis mandata,  
varioribus locis, sunt adume-  
randa."

His Portrait on Wood and  
various poems upon him,  
(cum Elogiis, variis, lat.) will  
be found in "Recessus Icones".

The handwriting is extremely faint and illegible. The text appears to be a list or a series of entries, possibly names or titles, written in a cursive script. The ink is very light, making it difficult to discern specific words or characters. The overall appearance is that of a historical document or a manuscript page.







*Mergillina procul quâ Tethyos inspicit vndas,  
Audit ab Aëtiacâ munera blanda domo:  
Arrectusq; diu modulamine carminis hæsit:  
Inde sacro tales fundit ab ore sonos:  
Huc ades ô genitrix, illasi virgo pudoris:  
Arte pius vates dum tua facta nouat:  
Anne iterum arcano compleri viscera motu,  
Conceptumq; polo reddere credis onus?  
Certè ego mi videor primis irrepere cunis;  
Rursus & horrifera mortis obire vicem.  
Dum mea sæpe tamè sic mors cantetur, & ortus:  
Nec graue sit nasci, nec mihi sæpe mori.*

BASILII ZANCHII.

*Has nassas, hæc lina tibi Syncere sepulto,  
Piscator tenui dedicat arte Mycen.  
Hos calamos, myrtumq; tibi, viridemq; coronam  
Arcadiâ pastor ponit ab arte Lycon.  
Has lacrymas, vulsamq; à vertice Mergillina  
Cesariem, & vicias spargit & ammineum.  
Parthenope patria ipsa tibi de marmore bustum  
Condit, & extentis funera temporibus.*

PETRI BEMBI.

*Quid moror? aeterni te suspicit vmbra Maronis,  
Et tibi vicinum donat habere locum.*

---

IOAN.

T V M V L V S.

DA SACRO CINERI FLORES: HIC ILLE  
MARONI:  
SINCERVS, MVSA PROXIMVS, VT TV-  
MVLO.

---

M. ANT. FLAMINII.

*Quantum Virgilio debebit sylua Maroni,  
Et pastor, donec Musa Maronis erit:  
Tantum penè tibi debent piscator, & acta,  
ACTI, diuino proxime Virgilio.*

ANT. TIBALDEI.

*Virginis intactæ partum, partumq; videbis,  
Actia quem docto pectore Musa dedit.  
Admirandi ambo: humanae fuit ille saluti  
Vtilis; humanis hic fuit ingenijs.*

PETRI GRAVINAE.

*Qui diuina legis Synceri carmina vatis;  
Magnaq; virginæ sacra puerperij:  
Non hæc humano credas procedere sensu:  
Auctori mentem mouit, & ora Deus.  
Hunc sibi delegit, quo non cœlestia quisquam  
Grandius, aut pleno cultius ore sonet.*

N. NIC. GRVDII.

*Nuper ad Oenotrias actem cùm flecteret arces  
Christus, & Euboicæ mœnia Parthenopes.*

---

IACOBVS SANNAZARIVS EQVE-  
STRIS ordinis Poeta:

NEAPOLI natus, atque edu-  
catus:

Ob præclarum fœcundi atque felicis ingenij spe-  
cimen, repudiato auito gentilitioq; no-  
mine, ACTIVS SYNCERVS  
appellatus:

FERDINANDI Aragonum Regis Aulæ  
familiaris & assiduus:

Quem ipse constanti studio, atque integrâ fide,  
exulem Regno pulsum in vltio-  
rem Galliam secutus  
est:

Latini æquè ac Hetrusci carminis  
princeps:


Pari lepore saleque Musis vtrinque  
aridentibus:

Sed in primis tamen graui & sacro Poëmate, de  
partu Virginis xx. annorum limâ  
perpolito cele-  
bratus:

Obiit annum agens

LXXII.

Sepultus cum suâ CASSANDRA, summæ virtutis  
& eruditionis muliere, iuxta villam Mer-  
gillinam, in templo Deiparæ  
Virgini ab se de-  
dicato.



IACOBVS SANNAZARIVS  
EQVES & POETA.




*Aemula suspexit magnum mea Musa Maronem:  
Proxima nunc cineres umbra Maronis amat.*

IACOBI SANNAZARII

OPERA OMNIA,


LATINE SCRIPTA.



EX BIBLIOTHECA ALDINA.

VENETIIS. M. D. LXX.

THE UNIVERSITY OF CHICAGO  
LIBRARY



EXHIBITION OF ARTS AND CRAFTS  
WASHINGTON, D. C.

# DILECTO FILIO

ACTIO SYNCERO

SANNAZARIO.

LEO PAPA DECIMVS.

DILECTE fili salutem & Apostolicam benedictionem. Cum forte de claris ingeniis ætatis nostræ apud nos uerba fierent, affuere qui cum te, tum opus tuum de partu Virginis diuinis propè laudibus cum admiratione attollerent, atque prædicarent. Quæ res expectata quidem diu nobis (nihil enim non excultum, non elaboratum, non singulari tuo ingenio dignum proficisci à te posse arbitramur) uerum eo nunc carior & iucundior uisa est, tū quod quæ futura expectabamus, accepimus iam facta esse, & quæ superent omnem expectationem, tū quod & si nullo non tempore fuissent acceptissima, hac præcipue tēpestate erunt longe gratiora. Qua quidem, quo doctiores uideantur, ecclesiam stilo iniquo petant, qui exactissima eruditione cōmendent, non desiderentur. dici non potest, cum hæc audiremus, quantū uoluptatis acceperimus, & cum ipsi legemus, accepturi simus: quod persuasimus, diuina factum prouidentia, ut diuina sponsa tot impiis oppuglatorib. laceratoribusq; lacesita talem, tantumq; nacta sit propugnatore,

& cum illi impia facundia abusi frangant in rem  
sacram genuinum, tu unus opus edideris, quo re  
sacram omnibus (ut dici solet) nervis attollendâ,  
excolendamq; procuraueris sancto consilio, eue-  
tu feliciore, cum dictitent, qui legere, si rem qua  
ramus, nihil nisi Christû, atque eius Sponsam so-  
nare, si pietatem, undique religionis enitere stu-  
dium, si iudicium nihil ungue signandum relin-  
quere, si figuras artisq; conatus, ueterum uatum  
nulli cedere, multos anteire. gratulamur itaque  
tibi, quod tantum unus praestes, quantum antea  
nemo, ecclesiae, quod cum uexetur lancineturq;  
ab aliis, à te uno in cælû efferatur, nostro saeculo,  
quod fiet tui carminis luce celeberrimum, nobis  
denique ipsis, quibus imminente hinc Goliade ar-  
mato, hinc Saule a furiis agitato, affuerit pius Da-  
uid illum funda à temeritate, hunc lyra à furore  
compescens. Hortamur itaque te, iam opus edas,  
ut qui dolent, cû illa legunt, quæ aduersus pieta-  
tem uenena ficti Christiani euomere, ad tua cõ-  
ferant se se, quæ ueluti praesens antidotum sint op-  
posituri. Tu ita tibi persuadeas uolumus, nos te &  
tua omnia perinde ac nostra complexuros esse,  
nec nos, nec hanc sanctam sedem unquam tui uel  
affectus uel operæ immemores futuros. Datum  
Romæ apud Sanctum Petrum sub annulo Pesca-  
toris Die VI. Augusti. M. D. XXI. Pontifi-  
catus nostri Anno nono.

B E M B V S.

Per Fauonium De mandato.



DILECTO FILIO

ACTIO SYNCERO

SANNAZARIO.

CLEMENS PAPA VII.

**D**ILECTE fili salutem & Apostolicam benedictionem. Accipimus librum gratisimo munere, quem tu ad nos de Dei, & domini nostri Iesu Christi reb. scriptum misisti, cuius argumentum præclarum, atque nobile cum in te parem ostendat animi pietatem, atque ingenii gloriam, sitq; in eo nomē quoque nostrum ad memoriā eorū qui lecturi sunt, qui quidem innumerabiles futuri sunt in lōga posteritate, immortalitati quasi commendatū, muneris tui magnitudinē hoc magis sentimus, quod quomodo parem referamus gratiam, habere nos non arbitramur. Si enim immortalitas optata, & grata est omnib. qui præsertim animo uegetiore atq; erectiore sint, permagnæ sunt illius partes nobis à te tributæ. Quāquā. n. ea est appetēda maxime, illiq; elaborandum præcipue, quæ post discessum ex hac uita, in illa altera uita felici & sempiterna nos cum Deo ipso collocat, Tamē ne hæc quidem nō libenter adsciscenda, quæ producit ad posteros nostri nominis perpetuitatem. pro qua; qui illā cælestem & diuinam immortalitatē non

planè cognouerunt, maximis sæpe tamen contentionibus, & acerbissimis discriminibus uitã, & caput suum obiecere, quod profecto non fecissent, nisi à natura ipsa admoniti, summum quidam bonum existera coniectati fuissent, cuius in imagine, & simulacro tam multas partes experirentur esse delectationis, & gloriæ. Est enim profecto hæc famæ & laudis ad commemorationem hominum celebritas, imago illius ueræ immortalitatis, quæ eximio dono omnipotētis Dei, uni christiano generi, per dominum nostrum Iesum Christum proposita est, ad quam potissimum aspirare debemus, hanc uero ita charã, iucundamq; ducere, si proborum & prudentium testimonium nobis deferatur, quod quidem in te nobis egregie contigit. Non enim ingenio solum tuo honorati, illustratiq; sumus, sed (quod nobis etiam gratius est) iuditio comprobati, & si enim ingenii gloria concedis nemini, uel omnibus potius præstas, qui in hoc scribendi genere cum laude uersati sunt, tamen cum ipso scriptionis argumento ostendas, qua sis pietate, sapientia, religione præditus, iucundius etiam accepimus testimonium optimi, & religiosissimi uiri, quam studium doctissimi. Quapropter maxtè uirtute, tu quidem, id enim es consecutus: quo nullum maius homini bonum in hac uita existere posse uideatur. maximorum enim donorum, quibus te affecerat Deus, gratia illi (quo ad mortali homini licuit) relata, illud iam summum, & incom

parabile ueræ immortalitatis donum es promeritus, cui deinde iam gratia nulla esse par potest. qui talentum acceptum multiplicatis mercedibus, eidem domino reddidisti à quo acceperas. Ex quo cum fructum quoque non mediocrem tui libri dicatione, ad nominis nostri laudem, ac memoriam redundare uolueris, tantam tibi habemus gratiam, quantam capere grati, & memoris Pontificis tanto deuincta officio mens potest; sicut & re ipsa tibi ostendere parati sumus, & ut experiare etiam adhortamur. Datum Romæ apud Sanctum Petrum sub annulo Piscatoris Die V. Augusti. M. D. XXVII. Pontificatus nostri anno tertio.

**IA. SADOLETVS.**

**A** iiii

ÆGIDIUS TIT. S.

MATTHÆI S. R. E.

PRESBYTER CARDINALIS

ACTIO SYNCERO

SANNAZARIO S.

IVINVM de Partu Virginis  
poema mihi tuo nomine redditū

D cum legissem, uelut attonitus ac  
lucis impatiens, statim ad te ne-  
scio quid, sed quale ab iis, qui lo-  
lio (ut aiunt) uictitant, proficisci potest. Neque  
enim de eo posse arbitror quenquam iudicare,  
præter eum, qui ad eruditionem tuam proxime  
accedat, quiq; (quod fieri uix pōssēt) tui sit quàm  
maxime similis. Verum cum absurda quædam  
& ἀμυστα scripserim, meæ tamen litteræ (quæ tua  
est humanitas) undiq; expetitæ, lectæ, exscriptæ  
istic à plerisque omnibus sunt. Cumq; (ut audie-  
bam) earum literarum exemplum in tuorum fe-  
rè omnium ciuium manibus esset, ecce à te mihi  
litteræ redduntur, demissa cælo Ancyliæ mihi uisa  
sunt, nullum enim ornandi me locum prætermi-  
tis. Nam dum mea probas Neapoli cum admira-  
tione legor, & item Romæ, dum rescribis, quo  
munere beasti me Syncere, diis hominibusq; in-  
uidentibus. Sed ut ad poema redeam, diuina qui-  
dem illa omnia, uerum hæctenus ita omni orna-

5  
tu caruerunt, ut humanis inferiora, nunc à te ita  
omnium musarum muneribus exulta, ut diui-  
nis, (si dicere fas sit) uel portiora esse uideantur.  
Nam cum à præscripta linea digrederis uelut li-  
berum dicendi genus nactus ita ingenii uires  
explicas, ut antiquorum nemini sit tibi conce-  
dendum. rursus cum ea narras, unde ne trans-  
uersum quidem ungem, quod aiunt, quæq; ma-  
iores nostri diuinarum rerum scriptores Lati-  
nis literis ornari haud posse arbitrabantur, ita  
oratione illustras, ut omnium argumenta, cum  
Græcorum, tum Latinorum Poetarum, lon-  
go post se interuallo relinquunt. Quid enim  
immortalis Deus (ut ordiar ab initio) inuoca-  
tione elegantius? quid conceptu altius? quid cæ-  
lo, terra, inferis rei nouitate obstupescens mi-  
rabilius? quid læto Simeone iucundius? quid in-  
fantum internitione fæuius? quid deo moriente  
horribilius? quid ab Orco redeunte gratius? quid  
spolia referente beatius? quid agente in cælum  
triumpho te canente felicius? Adde alterius li-  
bri Musas certatim diuina carmina modulan-  
tes, adde pictum Orbem, adde Specum. De  
partu uero quid ipse loquar? cum ea de re de-  
inceps uel tacendum, uel tuis duntaxat uerbis  
loquendum sit. Prætereo qua oratione Heros  
ille tuus è somno excitus, diuinaq; adflatus aura  
Deum natum adoret. Nec referam è tertio il-  
lustrata puerperia, non diuorum cantus, non  
carmina, non pastorum uaticinia, non felicitas

fluuii oracula, non urnā, non columbæ alas argen-  
teas, non deniq; Protei uatis miracula recēsebo.

*- Non si mihi ferrea centum*

*Ora sonent, totidemq; arato è gutture lingua*

*Carminis Aëtiaci laudes percurrere possem.*

Verum cum tu solum pietate, non humanarum  
laudum cupiditate accensus, tantum studii, labo-  
ris, diligentix ad scribendum contuleris, ea tibi  
summa laus censeatur, quæ uno omnium ore præ-  
dicabitur, tatum esse laudum tuarum cumulum,  
ut ne ipsi quidem eloquentix, qua mirabiliter ex-  
celsis, locus ad te laudandum relinquatur. Nam  
de laboris præmio, ad nos idest mortales, nihil ad-  
tinet cogitare. Quid enim tibi tribuere homines  
possent, & si omnia simul congefserint, quo tuū  
meritum expleretur? Deus ille Deus, cuius nu-  
mine adflatus, tam doctum, tam sanctum, tam  
pium carmen cecinisti, te digno munere remune-  
rabitur. Non quidem Elysiarum aut piorum cam-  
pis, insulis ue fortunatorum, quas Lino, Or-  
pheo, Musæo, ceterisq; deorum filiis sedes anti-  
quitas falso statuit, sed cælo, digna quidem tanta-  
rum uigiliarum mercede. Reliquum est, ut tibi  
gratias agam, quod Augustini personam inserue-  
ris, quæ reliquis tam apte, tantaq; harmonia co-  
hæret, quanta Philosophi aiunt in cælo sidera.  
proinde recte ad te pertinet Homericum illud.

Ο Δ' ὄλβιος ὄντινα μοῦσαι φίλωνται.

Γλυκερὴ οἱ ἀπὸ σώματος ῥέει αὐδὴ.

# PETRVS GRAVINA.

**ON** sine prouidentia deligunt si  
 bi immortales quandoq; ex morta  
**N** libus nōnullos, quorum opera, ad  
 uenerandam diuinam dignitatem,  
 decentius utantur. hinc nostra  
 Christiana ueritas, tot sanctorum uirorum, san-  
 ctarumq; uirginum testimonia, ac ministeria in  
 sui gloriam agnoscit. an fortuito igitur euenisse  
 existimabimus, ut temporibus nostris, nascentis  
 diuini celestisq; operis de partu Virginis impri-  
 mendi, ac promulgandi curam, Virgo ipsa Dei-  
 para, quasi ex destinatu, primariæ feminæ Cas-  
 sandræ Marchesiæ, nobilitate, facundia, pudici-  
 tia insigni demandauerit: quæ quidem alumna tã  
 tum sibi placet docta Neapolis, ut cum Gratiis  
 Gratiam, cum Musis Musam esse affirmet. Hac  
 itaque ueluti quadam honestissima obstetrice cu-  
 rante, diuinus hic noui carminis partus ueterem  
 nostram salutem, ac lucem, tanquam renascen-  
 tem nobis expectantibus repræsentauit.

# ACTII SYNCERI

SANNAZARII

## QUADAM EPIGRAMMATA.

Tractabat clypeum Marti placitura Dione :

Sæuaq; feminea sumpserat arma manu .

Pone Dea exclamat petulanti uoce priapus :

Pone : decent istas hæc magis arma manus .

Eiusdem

Dum Venus armatum complectitur obuia Martem :

Distinxit teneram fibula adunci manu .

Sensit , & ante Iouem ridens ait amula Pallas ,

Bella iterum gessit cum Diomede soror .

Eiusdem

Viderat Adriacam medijs Neptunus in undis

Stare urbem , & toto ponere iura mari .

Nunc mihi tarpeias quantumuis Iuppiter arces

Obijce , & illa tui mœnia Martis : ait .

Si pelago tybrim præfers : urbem aspice utranq; :

Illam homines dices , hanc posuisse deos .

Eiusdem

Flebat adhuc marens ceruo Cyparissus adempto :

Cum sua conspexit cortice membra regi .

Delius exclamat , quid nostro silua dolore

Crescis ? tu Daphnem , tu Cyparisson habes .

Eiusdem

Iuppiter infractos iactat dum sæpe gigantas :

Et sibi seruati dat decus omne poli :

Sic est inquit Amor , namq; hoc mugire solebas



7  
Tunc quoq; : cum torua fronte iuuenens eras .

Eiusdem

De Veneris nato quæsta est Dycinna Tonanti :

Quod nimis ille puer promptus ad arma foret :

Tum pater adciro , ostendens graue fulmen amori :

Hoc tibi sæue puer spicula frangæ : ait .

Cui lasciuus Amor motis hæc reddidit alis .

Quid si iterum posito fulmine cycnus eris ?

Eiusdem

Spreuerat hirsutas pascentem Pana capellas :

Candida nocturnis quæ Dea fertur equis .

At postquam niuæ conspexit munera lanæ :

Post habuit furuas Endimionis opes .

Ille autem tristi demittens lumina somno :

More hæc : mors : inquit : non mihi sonus erit .

Eiusdem

Effudit longas Tegæa in rupe querelas

Pancaptus forma candida Luna tua :

Cumq; breui calamos cera coniungeret , inquit .

Prædata es sensus tu quoq; canna meos .

Eiusdem .

Excitat obstrictas tumulis Summontius umbras :

Impleat ut sanctæ munus amicitie .

Vtq; prius uiuos : sic & post fata sodales

Observat : tristes & sedet ante rogos .

Nec tantum uiolas cineri : ac bene olentia ponit

Serta : sed & lacrymis irrigat ossa pijs .

Parua loquor . culti reparat monumenta libellis :

Cum possint longam saxa timere diem .

At tu uiuaci quæ fulcis nomina fama :

Poscenti gratas Musa repende uices :  
Vt quoniam dulces optat sic uiuere amicos :  
Viuar : & in libris sit sacer ille meis .

Eiusdem

Parthenope mihi culta uale : blandissima Syren :

Atque horti ualeant : Hesperidesq; tuæ .

Mergillina uale nostri memor : & mea flentis

Serta cape : heu : domini munera auara tuæ .

Maternæ saluete umbræ : saluete paternæ :

Accipite & uestris thurea dona focis .

Ne ue nega optatos uirgo Sebethias amnis .

Absentiq; tuas det mihi somnus aquas :

Det fesso æstiuas umbras sopor : & leuis aura :

Fluminaq; ipsa suo lene sonent strepitu .

Exilium nam sponde sequor . Fors ipsa fauebit :

Fortibus hæc solita est sæpe & adesse uiris :

Et mihi sunt comites . Musæ : sunt numina uatum :

Et mens læta suis gaudet ab auspicijs .

Blanditurq; animi constans sententia : quamuis

Exilij meritum sit satis ipsa fides .

## CLEMENTI SEPTIMO

PONTIFICI MAXIMO

ACTIVS SYNCERVS.

Magne parens, custosq; hominum, cui ius datur uni  
 Claudere celestes, & reserare fores.

Occurrent si qua nostris male firma libellis  
 Deleat errores æqua litura meos.

Imperijs uenerande tuis submittimus illos,  
 Nam sine te recta non licet ire uia.

Ipsè manu, sacrisq; potens Podalyrius herbis  
 Vlcera Pæonia nostra leuabis ope.

Quippe mihi toto nullus te præter in orbe  
 Triste salutifera leniet arte malum.

Rarus honor, summo se præside posse tueri,  
 Rarior à summo præside posse legi.

# ACTII SYNCERI

SANNAZARII, NEAPOLITA-

NI, VIRI PATRICII,

DE PARTU VIRGINIS

LIBER PRIMVS.

VIRGINEI partus, magnôq; æ-  
quæua parenti

V Progenies, superas celi quæmissa per-  
auras

Antiquã generis labē mortalibus ægris

Abluit, obstructiq; uiam pate fecit olympi,  
Sit mihi Calicolæ primus labor: Hoc mihi primum  
Surgat opus. Vos audiat ab origine causas,  
Et tanti seriem (si fas) eoluite facti.

Nec minus ò musæ uatum decus, hic ego uestros  
Optarim fontes, uestras nemora ardua rupes:  
Quando quidem genus è celo deducitis: & uos  
Virginitas, sanctæq; iuuat reuerentia famæ.  
Vos igitur, seu cura poli, seu uirginis huius  
Tangite honos: monstrate uiam, qua nubila uincam:  
Et mecum immensi portas recludite celi.

Magna quidem, magna Aonides, sed debita posco,  
Nec uobis ignota: etenim potuistis & antrum  
Adspicere, & choreas: nec uos orientia celo  
Signa, nec Eoos Reges latuisse putandum est.

Tuq; adeo spes fida hominum, spes fida deorum  
Alma parens, quam mille acies, quæq; ætheris alti

Milicia

Militia est, totidem currus, tot signa, tubæq;  
 Tot litui comitantur, ouantiq; agmina gyro  
 Adglomerant: niues tibi si solennia templis  
 Serta damus: si mansuras tibi ponimus aras  
 Exciso in scopulo, fluctus unde aurea canos  
 Despiciens, celfo se culmine Mergilline  
 Adtollit, nautisq; procul uenientibus offert:  
 Si laudes de more tuas, si sacra, diemq;  
 Ac coetus late insignes, ritusq; dicamus,  
 Annua felix colimus dum gaudia partus:  
 Tu uatem ignarumq; uia, insuetumq; labori  
 Diua mone, & pavidis iam læta adlabere cœptis.

Viderat ætherea superum regnator ab arce,  
 Vndiq; collectas uectari in tartara prædas:  
 Tisiphonemq; imo conantem cuncta profundo  
 Vertere, & immanes stimulantem ad dira sorores;  
 Nec iam homini prodesse, alto quod semina celo  
 Duceret, aut uarios animum excoluisset ad usus:  
 Tantum lethifera poterant contagia culpa.

Tum pectus pater æterno succensus amore,  
 Sic secum. Ecquis erit finis? tantis ne parentum  
 Prisca luent pœnis seri commissa nepotes?  
 Ut quos uicturos semper, superisq; crearam  
 Penè pares, tristi patiar succumbere letho,  
 Informesq; domos, obscuraq; regna subire?  
 Non ita: sed diuum potius reuocentur ad oras,  
 Ut decet, & manuum poscunt opera alta mearum:  
 Desertosq; foros, uacuiq; sedilia cali  
 Aētutum complere parent: legio unde, nefandis  
 Acta odijs, trepidas ruit exturbata per auras.

- „ Quumq; caput fuerit, tantorumq; una malorum  
 „ Femina principium, lacrymasq;, & funera terris  
 „ Intulerit: nunc auxilium ferat ipsa, modumq;  
 „ (Quà licet) afflictis imponat femina rebus.  
 Hæc ait: & celerem stellata in ueste ministrum,  
 Qui castæ diuina ferat mandata puellæ,  
 Ad loquitur, facie insignem, & fulgentibus alis.  
 „ Te, quem certa uocant magnarum exordia rerum,  
 „ Fide uigil, pars militia fortissima nostræ,  
 „ Te decet ire, nouumq; in sæcula iungere fœdus:  
 „ Nunc animû huc aduerte: atq; hæc sub pectore serua.  
 „ Est urbes Phœnicum inter, latèq; fluentem  
 „ Iordanem, regio nostris sat cognita sacris,  
 „ Iudæam appellant, armisq;, & lege potentem.  
 „ Hic claris exorta ac uis, uatumq; ducumq;  
 „ Amicum genus, & dignis licet auetæ hymenais,  
 „ Pectoris inlæsum Virgo mihi casta pudorem  
 „ Seruat adhuc, nullos non seruatura per annos:  
 „ (Mirus amor) seniumq; sui uenerata mariti  
 „ Exiguus degit thalamis, & paupere tecto,  
 „ Digna polo regnare, altoq; effulgere diuum  
 „ Concilio, & nostros æternum habitare penates.  
 „ Hanc mihi uirginibus iam pridem ex omnibus unam  
 „ Delegi, prudensq; animo interiore locaui:  
 „ Ut foret, intacta sanctum quæ numen in aluo  
 „ Conciperet, ferretq; pios sine semine partus.  
 „ Ergo age, nubiuagos molire per æra gressus:  
 „ Deueniensq; locum, castas hæc iussus ad aures  
 „ Effare: & pulchris cunctantem hortatibus imple:  
 „ Quando quidem genus è stygijs mortale tenebris

12 Eripere est animus, sæuosq; arcere labores.

Dixerat: Ille altum zephyris per inane uocatis  
 Carpit iter, scindit nebulas, atque aera tranat  
 Inna petens: pronusq; leues uix commouet alas.  
 Qualis, ubi ex alto notis Mæandria ripis  
 Prospexit uada, seu placidi stagna ampla Caystri.  
 Præcipitem sese candenti corpore cygnus  
 Mittit agens: iamq; implumis: segnisq; uidetur  
 Ipse sibi: donec tandem potiatur amatis  
 Victor aquis: sic ille auræ, nubesq; secabat.  
 Ast ubi palmiferæ tractu stetit altus Idumes:  
 Reginam haud humiles uoluentem pectore curas  
 Adspicit: Atq; illi ueteres de more Sibyllæ  
 In manibus: tum si qua æuo reseranda nepotum  
 Fatidici casto cecinerunt pectore uates.  
 Ipsam autem securam animi letamq; uideres  
 Auctorem sperare suum: Namq; adfore tempus,  
 Quo sacer æthereis delapsus spiritus astris  
 Incorrupta piæ completeret uiscera matris,  
 Audierat. Proh quanta alti reuerentia cæli  
 Virgineo in uultu est. oculos deiecta modestos  
 Suspirat: matremq; Dei uenientis adorat:  
 Felicemq; illam, humana nec lege creatam  
 Sæpe uocat: nec dum ipsa suos iam sentit honores:  
 Cum subito ex alto iuuenis demissus olympo,  
 Purpureos retegite uultus: numenq; professus  
 Incessuq; habituq; ingentes explicat alas:  
 Ac testis late insuerum diffundit odorem.  
 Mox prior hæc. Oculis salue lux debita nostris,  
 Iam pridem notum cælo iubar, optima Virgo:

Cui se se tot dona tot explicuere merenti  
 Diuitiæ superum : quidquid recti q; , probi q;  
 Aeterna de mente fluit : purissima quidquid  
 Ad terras summo ueniens sapientia celo  
 Fert secum , & plenis exundans gratia riuus .  
 Te genitor stabili firmam sibi lege sacrauit ,  
 Perpetuos genitor cursus qui dirigit astris :  
 Mansuram q; tuo fixit sub pectore sedem .  
 Idcirco cœtus inter ueneranda pudicos  
 Vna es , quam laeis cali in regionibus olim  
 Tot diuum celebrent uoces . proh gaudia terris  
 Quanta dabis ? quantis hominum succurrere uotis  
 Incipies ? Stupuit confestim exterrita Virgo :  
 Demisit q; oculos : totos q; expalluit artus .  
 Non secus , ac conchis si quando intenta legendis  
 Seu Micone parua , scopulis seu forte Seriphi  
 Nuda pedem Virgo , lætæ noua gloria matris ,  
 Veliferam aduertit uicina ad litora puppim  
 Aduentare , timet : nec iam subducere uestem  
 Audet , nec tuto ad socios se reddere cursu :  
 Sed trepidans silet , obtutuq; immobilis hæret .  
 Illa Arabum merces , & fortunata Canopi  
 Dona ferens , nullis bellum mortalibus inferi :  
 Sed pelago innocuis arcum nitet armamentis .  
 Tum rutilus cali alipotens , cui lactea fandi  
 Copia , diuiniq; fluunt è pectore rores  
 Ambrosiæ , quibus ille acres mulcere procellas  
 Possit , & iratos pelago depellere uentos .  
 Exue Dia metus animo , paritura uerendum  
 Caluibus numen , sperata q; gaudia terris ,



Aeternamq; datura uenis per secula pacem.  
 Hæc ego sydereâ missus tibi nunciûs arce,  
 Sublimis celeres uexit quem penna per auras,  
 Vaticinor, non insidias, non neçtere fraudes  
 Edoctus: longe à nostris fraus exulat oris.  
 Quippe tui magnum magna incrementa per orbem  
 Ipsa olim parius Virgo, sobolisq; beatæ  
 Adspicies. uincet proauos: proauitaq; longo  
 Extendit iura imperio: populisq; uocatis  
 Ad solium, late ingentes moderabitur urbes:  
 Nec sceperi iam finis erit, nec terminus æui.  
 Quin iustus paulatim animis pulcherrima surget  
 Relligio. Non monstra pijs, sed numina templis  
 Placabunt castæ diris sine cædibus aræ.

Dixerat: illa animum sedato pectore firmans,  
 Subsistit, & placido breuiter sic ore locuta est.  
 Conceptus ne mihi tandem, pariusq; futuros  
 Sancte refers? me ne attactus perferre uiriles  
 Posse putas? cui uel nitenti matris ab alio  
 Protinus inconcussum, & ineluctabile uotum  
 Virginitas fuit unâ: nec est, cur soluere amata  
 Iura pudicitie cupiam, aut hæc fœdera rumpam.  
 Immo istas, quod tu minime iam rere, per aures.  
 Excipit interpres, secundam spiritus aluum  
 Influet, implebitq; potenti uiscera partu,  
 Flammiifero ueniens celo, atq; micantibus astris.  
 At tu uirgineum mirata tu mescere uentrem,  
 Herebis pauitans: demum formidine pulsa  
 Gaudia seruati capies inopina pudoris.  
 Ne ut hæc uanâ putes, dictis aut territa nostris

Indubites : feræ dudum concessa senecta  
 Dona oculos pone ante tuos : Nam sanguine auito  
 Iuncta tibi mulier (sterilis licet illa , graniq;  
 Pressa æuo ) haud quaquã speratũ hoc tempore pignus  
 Fere utero , & felix sexto sub mense laborat .  
 Vsq; adeo magno nil non superabile cælo est .

His dictis , Regina oculos ad sydera tollens ,  
 Cælestiumq; domos superas , atque aurea tecta ,  
 Admit , & tales emisit pectore uoces .  
 Iam iam uince fides , uince obsequiosa uoluntas :  
 En adsum : accipio uenerans tua iussa , tuumq;  
 Dulce sacrum pater omnipotens : nec fallere uestrũ est  
 Calicola . nosco crines , nosco ora , manusq; ,  
 Verbaq; , & aligerum cæli haud uariantis alũnum .  
 Tantum effata , repente noua micuisse penates  
 Luce uidet : nitor ecce domum complebat : ibi illa ,  
 Ardentum haud paciens radiorum , ignisq; corusca ,  
 Extimuit magis . At uenter ( mirabile dictu )  
 ( Non ignota cano ) sine ui , sine labe pudoris ,  
 Arcano intumuit uerbo . Vigor actus ab alto  
 Irradians , Vigor omnipotens , Vigor omnia complens  
 Descendit , Deus ille , Deus : totosq; per artus  
 Dat se se , miscetq; utero . quo tacta repente  
 Viscera contremuere : silet natura , pauetq;  
 Adtonitæ similis confusaq; turbine rerum  
 Insolito occultas conatur quærere causas .  
 Sed longe uires alias , maiorãq; sentit  
 Numina . succutitur tellus : laeuumq; sereno  
 Intonuit cælo rerum cui summa potestas ,  
 Aduentum nati genitor testatus : ut omnes

Audirent late populi, quos maximus ambit  
Oceanus, Tethysq; & raucifona Amphitrite.

Hos inter medios cæli, terræq; fragores  
Aequatis properans uolucer pulcherrimus alis  
(Omnia dum trepidant) discesserat: altaq; nabat  
Per loca: cum Virgo celsis in nubibus illum  
Alternantem humeros uidet, aëq; immensa secantem  
Ventorum spatia, & iam uersicolore per auras  
Fulgentem pluma, ac cali conuexa petentem.  
Quem denuum tali adspēctans sermone secuta est.

Magne ales, celsi decus ætheris, inuia rerum  
Qui penetras, longeq; & nubila linquis, & euros  
Anteuolans, læto seu te felicia tractu.

Sidera. quæq; suos uoluuntur signa per orbis  
Expectant redeuntem: alii seu certa reposcis.

Crystalli domus, & uitrei plaga lucida regni:  
Seu propria uocant supremo te cæta tonanti,

Qua patet in summum regio flammantis olympi,  
Teq; amor, & liquidis flagrans alit ignibus aura:

I precor, i nostrum testis defende pudorem.  
Nec plura his: Tum uero cæci defleat, & omnes,

Haud mora, sollicito percurrit lumine montes:  
Agnatamq; animo, conceptaq; pignora uersat,

Multa putans: serumq; uteri miratur honorem.  
Interea manes descendit fama sub imos:

Pallentesq; domos ueris rumoribus implet:  
Optatum aduentare diem, quo tristia linqunt

Tartara, & euictis fugiant Acheronta tenebris,  
Immanemq; ululatum, & non lætabile murmur

Tergemini canis? aduerso qui carceris antro

Excubat in somnis semper, rictusq; trifauci  
 Horrendum, stimulantem famam, sub nocte profunda  
 Personat, & morsu uenientes adpetit umbras.  
 Tum uero Heroes lætati, animamq; piorum  
 Ad calum erectas cœperunt tendere palmas  
 Atq; hic insignis funda, citharaq; decorus,  
 Insignis scepro senior, per opaca locorum  
 Dum graditur, neſcitq; sacros diademate crines:  
 Dum legit effœtos Lethæo in gramine flores,  
 Quæ tacite labuntur aquæ, nuſq; uolucres  
 Ducunt per steriles æterna silentia ramos:  
 Adtonita subitò concepit mente furores,  
 Diuinamq; animam: & consueto numine plenus,  
 Intorquens oculos, uenientia fata recenseſ.

Nascere magne puer: nostros quem soluere nexus,  
 Et tantos genitor uoluit perferre labores.  
 Magne puer, cui se hæc tandem spolianda reſeruant  
 Regna, tot heu miseris hominum ditata ruinis:  
 Nascere, uenturum si te mortalibus olim  
 Pectore ueridico promissimus: igneus ut nos  
 Viribus adflatos cœlestibus ardor agebat.  
 Insinuans: si sacra peregrinus, & tua late  
 Iussa per immensum fama uulgauimus orbem.  
 En ridet pax alma tibi: simul ecce potentes  
 Impulsi cœlo, diuſq; autoribus acti,  
 Orbe alio properant Reges. Saluete beati  
 Aethiopes, hominum sanctum genus, astra secuti:  
 Scilicet huc ueſtris adfertis munera regnis.  
 Accipe dona puer: tuq; ò sanctissima mater  
 Sume animos: iam te populiq; ducemq; frequentant.

Litore ab extremo, & odoriferis Nabathæis.  
 Ille autem aurata fulgens in ueste sacerdos  
 Iam canus, iam maturo uenerabilis æuo,  
 Quid sibi uult? sacras puerum qui sistit ad aras,  
 Sic uenerans? latoq; inspectans æthera uultu?  
 Seq; dehinc facili clausurum lumina factu,  
 Exclamat: quòd speratum per sæcula munus,  
 Promissamq; diu pacem, certamq; salutem  
 Terrarum, exorta liceat sibi luce tueri  
 Optanti, seniumq; ideo, parcasq; trahenti.  
 Sed quid ego heu dira conspersos cade penates  
 Infantum, & subito currentes sanguine riuos  
 Adspicio? tristiq; meas uagitus ad aures  
 Ferur? io scelus est, partus iugulare recentes.  
 Crudelis; quid agis? nihil hi meruere: neq; illum,  
 Quem petis, insano dabitur tibi perdere ferro.  
 Nunc nunc ò matres scelerata abscedite terra,  
 Dum licet, inq; sinu pueros adcondite uestros:  
 Nam ferus hostis adest. propera iam regia uirgo,  
 Inq; Paretomias transfer tua pignora terras:  
 Admouet hoc magnum genitor qui temperat orbem.  
 Tuta domus, tutiq; illic tibi Dia recessus.  
 Verum ubi bis senas hyemes, bis senaq; nati  
 Solstitia; & tantos superaueris anxia casus:  
 Ingentes imò duces de pectore questus,  
 Aureaq; assiduis pulsabis sydera uotis.  
 Nam puerum, quamuis per compita sæpe uocatum,  
 Sæpe expectatum consuetæ ad gaudia mensæ,  
 Perquires nequicquam amens: nec cara petentem  
 Oscula; nec sera redeuntem nocte uidebis.

Tresq; illum totos merenti pectore soles,  
 Et totidem trepidas somni sine munere noctes  
 Omnia lustrantes, questu omnia confundentes  
 Flebitis indigno perculsi corda dolore  
 Tuq; , senexq; tuus. Quarto sed lucifer oritur  
 Purpureos tremulo cum tollet ab æquore uultus  
 Inuentum dabit, & quærentibus offeret ultero.  
 O quas tunc lacrymas, o quæ tunc oscula mater,  
 Quot dabis amplexus, misto inter gaudia fletu?  
 Cum natum ante aras patris, & delubra sedentem,  
 Mulcentemq; senes dictis, animosq; trahentem  
 Ad spicies gauisa, ipso admirante senatu  
 Primitias pueri ingentes, nec inane sagacis  
 Pectoris indicium, nataq; ad grandia mentis.  
 Tu uero quid in arma ruis scelerata inuentus?  
 Quid galeas, ensesq; uirum & fulgentia cerno  
 Agrina? scutatasq; procul sub nocte cohortes  
 Obscura, & crebris radiantes ignibus hastas?  
 Tot ne unum telis petitur caput? heu furor, heu mens  
 Cæca hominum, semperq; odijs adcincta nefandis.  
 Iamq; oleas, montemq; sacrum, circumq; supraq;  
 Cinxere, & longa lucum obsedere corona.  
 Quò feror? ecce trahunt manibus post terga reuinctis  
 Infontem; modo quem latas mira illa per urbes  
 Edentem, patrisq; palam præcepta docentem  
 Attoniti stupuere, illum regemq; Deumq;  
 Humanamq; ducem uitæ, fontemq; salutis  
 Haud ueriti populo circum plaudente fateri.  
 Heu facinus: mortem ne etiam, & crudele minantur  
 Supplicium? sæuos stringunt in uulnera fasces,

Horrentesq; parant paliuro intexere dumos,  
 Tormenti genus: & capiti premere inde coronam  
 Vulnificam, Viden, alternos ut arundinis ictus  
 Incutiunt? geminantq; truci conuicia lingua?  
 Parte alia ingentes uideo de stirpibus imis  
 Euerti palmas, altas ad sidera palmas,  
 Infelix opus: unde hominum lux illa, decorq;  
 Pendeat: Ah trepidis dirum, & miserabile terris,  
 Cum patri aethereo moriens liuentia pandet  
 Brachia, turpatosq; atra de morte capillos,  
 Oraq;, demissosq; oculos, frontemq; cruore  
 Iam madidam, & lato patefactum pectus hiatus.  
 At mater, non iam mater, sed flentis, & orbe  
 Infelix simulacrum, agra, ac sine uiribus umbra,  
 Ante crucem demissa genas, effusa capillum  
 Stat lacrymans, tristiq; irrorat pectora fletu.  
 Ac si iam comperta mihi licet ore profari  
 Omnia: defessi spectans morientia nati  
 Lumina, crudeles terras, crudelia dicit  
 Sidera: crudelem se se quod talia cernat  
 Vulnura, sepe uocat, tum luctifono ululata  
 Cuncta replens, singultanti sic incipit ore  
 Incipit, & duro figit simul oscula ligno  
 Exclamans. Quis me miseram, quis culmine tanto  
 Deiectam subitus inuoluit Nate procellis?  
 Nate patris uires, sanguis meus, unde repente  
 Hæc fera tempestas? quis te mihi fluctus ademit  
 Quæ manus indignos fœdauit sanguine uultus?  
 Cui tantum in superos licuit? bella impia celo  
 Quis parat? hunc ego te post tot male tuta labores

Postq; tot infelix elapsæ incommoda uitæ  
 Adspicid? tu ne illa tuæ lux unica matris?  
 Tu ne animæ pax, & requies, spesq; ultima nostra  
 Sic raperis? sic me solam, exanimemq; relinquis?  
 O dolor: extincto iam te pro fratre sorores.  
 Pro natis toties exorauere parentes:  
 Ast ego pro nato, pro te dominoq; deoq;  
 Quem misera exorem? quo tristia pectora uertam?  
 Cui querar? ò tandem diræ me per dite dextræ:  
 Me potius (si qua est pietas) immanibus armis  
 Obruite; in me omnes effundite pectoris iras,  
 Vel tu (si tanti est hominum genus) eripe matrem,  
 Quæ rogat, & Stygias tecum duc nate sub umbras.  
 Ipsa ego te per dura locorum, inamœnaq; uiuis  
 Regna sequar: liceat rumpentem cernere portas  
 Aeratas: liceat pulchro sudore madentem  
 Euersorem Erebi materna abstergere dextra.  
 Hos illa, plures fundet de pectore questus.  
 Quod scelus Eois ut primum cernet ab undis  
 Sol: indignantes retro conuertere currus  
 Optabit, frustra q; suis luctatus habenis,  
 Quod poterit tandem, auratos ferrugine crines  
 Inficiet, mœstamq; diu sine lumine frontem  
 Ostendet terris: ut qui iam ploret ademptum  
 Authorem, regemq; suum: quin ipsa nigranti  
 Fratris ab ore timens, & tanto concita casu  
 Cynthia, cæruleo uultus obnubet amictu,  
 Auertetq; oculos, lacrymasq; effundet inanes!  
 At contra horrisono tellus concussa tremore,  
 Cum gemitu fremet: & ruptis exata sepulchris



Emitter simulacra. Quid, o, quid abire paratis  
 Illustres animæ? non omnibus hæc data rerum  
 Conditio: paucis remeare ad lumina vitæ  
 Concessum. Sed tempus erit, cum Martia rauco  
 Mugitu cælum quatiet turba: cumq; repente  
 Corpora per terras omnes late omnia surgent.  
 Nunc autem sat Tartarei si claustra tyranni  
 Effringat Rex ille: & caligantia pandat  
 Atria: diffugiant immisso lumine diræ  
 Eumenidum facies iactis in terga colubris.  
 Quas atro uix in limo Phlegethonis adustum  
 Accipiat nemus, & fumanti condant in ulua:  
 Tum uariæ pestes, & monstra horrenda Ditis  
 Ima petant: trepidant Briareia, turba, Cerastræ,  
 Semiferumq; genus Centauri, & Gorgones atræ,  
 Scyllæq;, Sphingesq;, ardentisq; ora Chimera.  
 Atq; Hydræ, atq; Canes, & terribiles Harpyia.  
 Ipse catenato fessus per tartara collo  
 Ducetur \* Pluton: tristi quem murmure circum  
 Inferni fractis mærebunt cornibus amnes.  
 At nos uirginea præcincti tempora lauru,  
 Signa per extentos, cæli uictricia campos  
 Tollemus, latoq; ducem clamore sequemur.  
 Victor io, bellator io, tu regna profunda,  
 Tu manes, Erebumq;, potestatesq; coerces  
 Aerias, lethumq; tuo sub numine torques.  
 Ille alto temone sedens, leuibusq; quadrigis  
 Lora dabit, uolucresq; reget placido ore iugales,  
 Non iam cornipedum ductos de semine equorum,  
 Nec qui consuetas carpant præsepibus herbas.

DE PARTV VIRG.

Primus enim ualido subnixus eburnea collo  
 Fert iuga formosi pecoris custodia Taurus;  
 Stellatus minio Taurus: cui cornua fronti  
 Aurea, & auratis horrent palearia setis:  
 Perq; pedes bifidæ radiant noua sydera gemmæ.  
 Torua boui facies; sed qua non altera celo  
 Dignior, imbriferum quæ cornibus inchoet annum,  
 Nec quæ tam claris mugitibus astra laceffat.

Et iuxta nemorum terror, rexq; ipse ferarum  
 Magnanimus nitet ore Leo: quem fusa per armos  
 Conuestit iuba: pectoribus generosa superbit  
 Maiestas: non iam ut cædes, aut prælia seuis  
 Adpetat (innocuis armantur dentibus ora:  
 Grataq; tranquillo rideat clementia uultu)  
 Sed celo ut spatietur, & alta ad sydera tendat.  
 Hos post insequitur pulchros pennata per artus  
 Alituum Regina: sacra cui uertice plumæ  
 Adsurgunt: flauoq; caput diademate fulges.  
 Ipsa, ingens alis, ingentis fulminis instar  
 Supra hominum tecta, ac montes, supraq; uolucres  
 Fertur: & obstantes cursu petit obuia nubes.

Vltimus humana sociat ceruice laborem  
 Alatus tergo Iuuenis: cui luthea leuo  
 Ex humero chlamys Eois inspersa lapillis  
 Pendet: eam uariant centum longo ordine reges,  
 Antiquum genus, & Solymæ primordia gentis,  
 Ostro intertexti: ueros cognoscere uultus  
 Est illic: ueros montes, & flumina credas:  
 Et uera extremo babylon nitet aurea limbo  
 Tali sidereas curru subuectus in auras

Indutos referens spolijs pallentibus axes,  
 Perueniet: recto qua panditur orbita tractu  
 Laetea, & ad sedes ducit candentis olympi,  
 Illic auratae muros mirabimur urbis,  
 Auratasq; domos, & gemmea tecta, uiasq;  
 Stelliferas, uitreosq; altis cum montibus amnes.  
 Atque ibi, seu magni celsum penetrare tonantis,  
 Siue alios habitare lares, ac tecta minorum  
 Caelicolum dabitur, stellas numerare licebit:  
 Surgentemq; diem pariter, pariterq; cadentem  
 Sub pedibus spectare, & longos ducere soles:  
 Longaq; uenturis protendere nomina seclis.

Hæc ubi dicta: patres plausu exceperunt frequentes  
 Fatidicum uatem; sublatumq; aggere ripæ  
 Attollunt humeris, lætumq; per auia ducunt.  
 Intremuere Erebi sedes, obscuraq; Ditis  
 Limina. suspirans imo de corde Megæra  
 Dat gemitum, & toruas spectat sine mente sorores.  
 Tum caudâ exululans sub uentre recondidit atram  
 Cerberus, & fontes latratu terruit umbras:  
 Commotisq; niger Cocytus inhorruit antris:  
 Et uaga Sisyphijs hæserunt saxa lacertis.

# LIBER SECVNDVS.

EGINA ut subitos imo sub pectore  
re motus

R Sensit, & adflatu diuini numinis au-  
cta est:

Haud mora, digressu uolucris suspen-  
sa ministri,

Exurgit; montesq; procul contendit in altos  
Festiuans. ea cura animo uel prima recursat:  
Matronam defessam æuo, cui nulla fuissent  
Dona ueri (mirum dictu) iam seignibus annis  
Fœcundam, sextiq; grauem sub pondere mensis  
Protinus adfari, uocemq; audire loquentis,  
Et spectare oculis sterili data pignora matri.  
Ergo adcinctâ uia, nullos studiosa paratus  
Induitur, nullo disponit pectora cultu:  
Tantum albo crines iniectu uestis inumbrans,  
Qualis stella nitet, tardam quæ circuit Arcton  
Hyberna sub nocte: aut matutina resurgens  
Aurora: aut ubi iam Oceano Sol aureus exit.  
Quiq; pedes mouet, hac casiam terra alma ministrat,  
Pubentesq; rosas, nec iam mœstos hiacynthos,  
Narcissumq;, crocumq;, & quidquid purpureum uer  
Spirat hians, quidquid florum per gramina passim  
Subgerit, immiscens uarios natura colores.  
Parte alia celeres sistunt uaga flumina cursus:  
Exultant uallesq; caue, collesq; supini:  
Et circumstantes submitunt culmina pinus:  
Crebraq; palmiferis erumpunt germina siluis.

Omnia

Omnia lætatur . cessant Euriq; , Noti q; :  
 Cessat atrox Boreas . tantum per florea rura  
 Regna tenent Zephyri : cælumq; tepentibus auris  
 Mulcent , quaq; datur , gradientem uoce salutant .  
 Ut uentum ad se des , uultu longæua uerendo  
 Occurrit coniux iusti senis : atq; repente  
 Plena deo , subitoq; uteri concussa tumultu ,  
 Excipit amplexu uenientem , ac talibus infit .

O decus , o laudis mulier dux præuia nostræ ,  
 Cælitibus sola humanum quæ digna reperta es  
 Conciliare genus , cætusq; ad tollere ad astra  
 Feminæ : gremium cuius diuinus obumbrat  
 Palmes , inexhaustis terras qui compleat uuis :  
 Quis me , quis tanto superum dignatur honore ?  
 Tu ne procul uisura humiles Regina penates  
 Venisti ? tu ne illa mei pulcherrima regis  
 Mater ades ? uiden , ut nostra puer excitus aluo ,  
 Cum mihi uix primas uocis sonus ambiat aures ,  
 Iam salit , & dominum ceu præcursum adorat .  
 Felix Virgo animi , felix , cui tanta mereri  
 Credulitas dedit una . in te nam plena uidebis  
 Omnia , quæ magni uerax tibi dixit olympi  
 Aliger , arcano delapsus ab æthere cursu .

Illam sub hæc . Miranda alii quis facta Tonantis  
 O mater , meritas cælo quæ tollere laudes  
 Vox queat ? exultant dulci mea pectora motu  
 Auctori tantorum operum : qui me ima tenentem ,  
 Indignamq; humilem q; suis respexit ab astris .  
 Munere quo gentes felix ecce una per omne  
 Iam dicar nec uana fides : ingentia quando

Ipse mihi ingenti cumulant munera dextra  
 Omnipotens, sanctumq; eius per secula nomen,  
 Et quæ per magnas clementia didicit terras  
 Exundat; qua passim omnes sua iussa uerentes  
 Vsq; fouens, nullo neglectos deserit æuo.  
 Tum forem exertans humerum, dextramq; coruscã,  
 Insanos longe fastus, mentesq; superbas  
 Dispulit, afflixitq; super: solioq; potentes.  
 Deturbans dedit in præceps, & ad ima repressit:  
 Extollensq; humiles, aliena in sede locauit:  
 Pauperiemq; famemq; fugans, impleuit egenos  
 Diuitijs: uacuos contra, nudosq; reliquit,  
 Qui nullas opibus metas posuere parandis.  
 Postremo sobolem (neq; enim dare maius habebat)  
 Aeternam genitor sobolem, sæclisq; priorem  
 Omnibus, æqualemq; sibi, de sanguine fidi  
 Suscepit pueri (tantis quod honoribus unum  
 Deerae adhuc) non ille animi, morumq; suorum  
 Oblitus. quippe id meditans promiserat olim  
 Sacrificis proauorum atauis, stirpiq; neporum.

Hæc uirgo. At senior, nullus cui uocis ademptæ  
 Vsus erat, supplex nunc gressum obseruat euntis,  
 Virgineosq; pedes, tactaq; dat oscula terræ:  
 Nunc lætus tollit duplices ad sydera palmas:  
 Quoq; potest, solo testatur gaudia nutu:  
 Ostenditq; manu uatam tot scripta priorum:  
 Quæ quis agente deo, quodam, dum uita manebat,  
 Edidit, & populis liquit celebranda futuris:  
 Saliret effusum tacitis de nubibus imbrem  
 Lanigerum in tergo: germenq; è stirpe uerustæ

Arboris exurgens : incombustumq; sonoro  
 Igne rubum : & priscus stellam de patribus ortam.  
 Quæ dum cuncta graui uenturi haud inscia uisu  
 Percurrit regens : alto cum corde uoluat  
 Conceptus uirgo insolitos , & ab æthere lapsam  
 Progeniem , pluuiæ in morem , quæ uellere molli  
 Excepta , haud ullos sonitus , nec murmura reddit .  
 Seq; Rubum , Virgamq; alto se deniq; missam  
 Sidus grande mari prorsum agno scitq; , uidetq; .  
 Non tamen ausa loqui , tanto aut se dicere dignam  
 Munere : sed tacito affectu tibi maxime diuum  
 Grates rector agit , mentemq; ad sidera tolli .

Etiam luna cauum ter luce repleuerat orbem ,  
 Ter solitas de more intrarat cæca latebras :  
 Cum Virgo in patriam reditum parat , omnia quando  
 Certa uidet , subeunt dilectæ grata parentis  
 Adloquia : adsuetæq; pijs sermonibus ædes :  
 Quæq; salutantis uoces , ac uerba ministri  
 Audiit , & primos excepit cella uolatus :  
 Cella choris superum lustrata , & cognita celo .  
 Ergo iter inceptum caris digressa propinquis  
 Adcelerat : relegitq; uiam per nota locorum .  
 Nec mora , nec requies usquam : nec lumina flectit,  
 Cælicolum quamuis sacro circumdata cœtu ,  
 Donec ad optatum peruenit sedula limen .  
 Atq; ibi , cum consueta suo cum pectore uersat  
 Gaudia , paulatim maturi tempora uentris  
 Aduentare uidet . scires iam numen in illa  
 Grande regi : nullos adeo sentire dolores  
 Dat superum genitor , nullaq; ex parte grauari .

DE PARTV VIRG.

Interea terra parta iam pace, mariq;  
 Augustus pater ætatis bella impia portis  
 Clauserat, & validis arctarat uincta catenis:  
 Dumq; suas regnator opes, uiresq; potentis  
 Imperij, exhaustasq; armis ciuilibus urbes  
 Nosse cupit; magnum censeret iusserat orbem,  
 Describi populos late, numerumq; referri  
 Cunctorum ad se se capitum, quæ maxima tellus  
 Sustinet, & rapido complectitur æquore Nereus.  
 Ergo omnes lex una mouet. sua nomina mittunt.  
 Qui montes Aurora tuos, regna illa feracis  
 Armeniæ, qui conualles, atque alta Niphata  
 Saxa tenent, longe pictis gens nota pharetris,  
 Gens fines lustrare suos non segnis, & arcu,  
 Quà uagus Euphrates, quà deuius exit Araxes,  
 Felices tractus, & late munere diuùm  
 Concessos defendere agros bene olentis amomi.  
 Censetur Tauri passim, censetur Amani  
 Incola: prædatorq; Cilix: & Isaurica quisquis  
 Rura domat: quicumq; tuas Pamphylis siluas:  
 Quiq; Lycaoniam, felicia iugera: quiq;  
 Flauentem curuis Liciam perrumpit aratri.  
 Iam clari bello Leleges, populiq; propinqui  
 Iussa obeunt: gens quæq; suo dat nomina ritu.  
 Qui Ceramò, bimarem; Gnidon: quiq; alta tuenitur  
 Mœnia, dispositis ubi circum septa columnis  
 Tollit se niuei moles operosa sepulchri,  
 Barbara quam rapto posuit regina marito.  
 Et quos Mæandri toties ludente recurso  
 Vnda rigat, rigat ipse suo mox amne Cayster,



Herboso niueos dum margine pascit olores .  
 Quosq; metalliferis ueniens Pactolus ab antris  
 Circuit : & ruzila non parcior Hermus arena .  
 Misorum manus omnis : Apollineaq; Celena :  
 Idaq; , Rhœtæaq; arces , celebrataq; musis  
 Pergama , Sigæumq; iugum , Priameia quondam  
 Regna armis , ducibusq; , ducum nunc nota sepulchris .  
 Quæ nauta , angustum dum præterit Hellepontum ,  
 Ostendens socijs : hoc inquit litore flentes  
 Nereides steterant , passis cum mœsta capillis .  
 Ipsa suum de more Thetis clamaret Achillem .  
 His & Bythinæ classes , & Pontica late  
 Ad cedit regio . paret scopulosa Carambis :  
 Parendi studio feruet simul alta Sinope :  
 Feruet Halys : quiq; immensis procul amnibus auetus  
 Cappadocum medios populos discriminat Iris :  
 Thermodoönq; ; Halibesq; : ad tritaq; saxa Prome-  
 Præterea quæ se Thracum Mauortia tellus (theo.  
 Pandit , & algentem Rhodope procurrat in Aemum :  
 Quæ Macedum per saxa ruit torrentibus undis  
 Axius , umbrosaq; tegunt Halyachmona ripæ :  
 Quæq; iacet diris omen Pharsalia bellis ,  
 Et bis Romana ferale clade Philippi ,  
 Conueniunt populi certatim , & iussa facessunt .  
 Vos etiam uestros his adiunxistis alumnos  
 Vicinæ passim uacuis iam mœnibus urbes ,  
 Antiquæ Graiorum urbes , gens optima morum  
 Formatrix , clara ingenijs , & fortibus ausis :  
 Seu quæ litoreos tractus , montesq; tenetis :  
 Seu quæ per medias dispersæ exurgitis undas .

Tum latus Epiri, qua formidabile nautis  
 Adtollunt summo caput Acroceraunia caelo,  
 Urget opus iamq; Alcinoi dat Regia censum:  
 Illyricæq; manus: impacatiq; Liburni:  
 Litora; Ionio passim pulsata profundo.  
 Nec tu, cui late imperium terræq;, marisq;  
 Bellatrix peperit uirtus, & martius ardor,  
 Non populo, non ipsa tuas terra inclyta gentes  
 Describis, terra una armis, & foeta triumphis,  
 Vna uiris longe pollens, atque æmula caelo:  
 Nubiferæ quam præruptis anfractibus alpes  
 Præcingunt, mediamq; pater secat Apenninus,  
 Et geminunt rapido fluctu circumtonat æquor.  
 De scripsere suos (quamuis non axe sub uno)  
 Hinc Renuis pater indigenas, hinc latior undis  
 Danubius: qui siluarum per uastat uolucus,  
 Pascere non populos, non lambere desinit urbes,  
 Donec ad optatam rapido uenit agmine Peucen.  
 Quin & proceras scrutatur Gallia siluas,  
 Gallia Casareis Latio dignata triumphis:  
 Quã Rhodanus, quã findit Arar, quã permeat ingens  
 Sequana, piscosôq; interluit amne Garumna.  
 Tum quas piniferis gentes prærupta Pyrene  
 Rupibus, Herculeas prospectat ad usq; columnas,  
 Cogit Anas, cogit ripa formosus utraque  
 Duria, & albenti Bætis præcinctus oliua,  
 Auratamq; Tagus uoluens sub gurgite arenam,  
 Quiq; suo terras insignit nomine Iberus.  
 Parte alia uastas circumuocat Africa uires:  
 Getuli, Mauri; duces rimantur opaci

Atlantis nemora, & dispersa mapalia siluis.  
 Scribitur & uacuis ut quisq; inuentus arenis  
 Seu pastor, seu subcinctis uenator in armis  
 Obseruans saeuos latebrosa ad resquam leones.  
 Massylum quicumq; domos, quicumq; repostos  
 Hesperidum lucos, munitaq; montibus arua  
 Incolit, ramis natiuum decutit aurum:  
 Et qui uertentes immania saxa iuuenkos  
 Flectit arans; quã deuictæ Carthaginis arces  
 Procubuerè, iacentq; in fausto in litore turres  
 Euerse. Quantum illa metus, quantum illa laborum  
 Vrbs dedit insultans Latio, & Laurentibus aruis?  
 Nunc passim uix relliquias, uix nomina seruans,  
 Obruitur proprijs non agnoscenda ruinis.  
 Et querimur genus infelix humana labare  
 Membra æuo cum regna palam moriantur, & urbes.  
 Iamq; Macas idem ardor habet; uenere uolentes  
 Barcæi: uenere suis Nasamones ab aruis:  
 Nauifragas qui per Syrtes, infidaq; circum  
 Litora, mœrentum spolijs onerantur, & altos  
 Insiliunt nudi cumulos extantis arenæ,  
 Inq; suas uertunt aliena pericula prædas.  
 Postremo Psili, Garamanticaq; arua tenentes:  
 Quiq; Cyrenæas suspendunt uomere glebas,  
 Laudatasq; legunt succis præstantibus herbas.  
 Quiq; Iouis palmeta, Hasbytarumq; recessus:  
 Marmaricas qui late oras: qui pascua seruant  
 Aegypti, Meroesq;, sacer quos Nilus inundat,  
 Nilus ab æthereo ducens cunabula celo.

Nec minus & casta senior cum Virgine custos

Ibat, ut in patria nomen de more, genusq;  
 Ederet, & iussum non segnis penderet aurum.  
 Ille domum antiquam, & regnata parentibus arua  
 Inuisens, secum proavos ex ordine reges,  
 Claraq; facta ducum, pulchramq; ab origine gentem  
 Mente recensabat tacita. numerumq; suorum,  
 Quamuis tunc pauper, quamuis incognitus ipsis  
 Agnatis, longe adueniens explere parabat.  
 Iam fines Galilæa tuos emensus, & imas  
 Carmeli ualles, quæq; altus uertice opacat  
 Rura Thabor, sparsamq; iugis Samaritida terram  
 Palmiferis; Solymas à læua liquerat arces:  
 Cum simul è tumulo muros, ac tecta domorum  
 Prospexit, patriæq; agnouit mœnia terræ.  
 Continuo lacrymis urbem ueneratur obortis:  
 Intenditq; manus, & ab imo pectore facit.  
 Bethlemæ turres, & non obscurâ meorum  
 Regna patrum, magniq; olim saluete penates:  
 Tuq; ò terra parens regum, uisurâq; regem,  
 Cui sol, & gemini famulantur cardinis axes,  
 Salue iterum. te uana Iouis cunabula Crete  
 Horrescēt, ponetq; suos temeraria fastus:  
 Mœnia te Dirçæa tremēt: ipsamq; pudebit  
 Ortygiam geminos Latonæ extollere paruos.  
 Parua loquor: pronò ueniet diademate supplex  
 Illa potens rerum, terrarumq; inclytæ Roma:  
 Et septemgeminos submitter ad oscula montes.  
 Dixit, & extrema mouit uestigia uoce:  
 Maturatq; uiam senior: tardumq; fatigat  
 Vectorem: & uisas gressum molitur ad oras.

Et iam prona dies fluctis urgebat Iberos,  
 Purpureas pelago nubes aurumq; relinquens.  
 Ecce autem magnis plenam conuentibus urbem  
 Protinus, ut uenere; extremo è limine portæ  
 Adspiciunt. Mistum confluxerat undiq; uulgus,  
 Turba ingens. Credas longinquo ex æquore uectas  
 Ad merces properasse: aut deuastantibus arua  
 Hostibus, in tutum trepidos fugisse colonos.  
 Cernere erat, perq; anfractus, perq; acta uiarum,  
 Cuncta repleffe uiros, confusoq; ordine matres:  
 Permistos pecori agricolas: hos iungere plaustra:  
 Hos intendere uela: alios discumbere apertis  
 Porticibus: resono compleri cuncta tumultu:  
 Accensus uarijs lucere in partibus ignes.  
 Quæ pater admirans, tacito dum singula uisu  
 Percurrit, circumq; domos, & limina lustrat,  
 Nec superesse locum tecto uidet: ibimus, inquit,  
 Quò deus, & quò sancta uocant oracula patrum.  
 Est specus haud ingens parua sub mœnibus urbis,  
 Incertum, manibus ne hominum, genio ne potentis  
 Naturæ formatus, ut hæc spectacula terris  
 Præberet, tantosq; diu seruatus in usus,  
 Hospitio calum acciperet, cui plurima dorso  
 Incumbit rupes pendentibus undique, saxis  
 Aspera: & exesæ cingunt latera ardua cantes:  
 Defunctis operum domus haud ingrata colonis.  
 Huc heros tandem superata ambage uiarum  
 Sic monitus, ducente deo. cum contuge sancta  
 Deuenit, multaq; senex se nocte recepit.  
 Ac primum siccis ramalibus excitat ignem:

Stramineoq; toro comitem locat : ægra cubantis  
 Membra super uestem inuoluens : mox adligat ipsos  
 Permulcens , iam non duros , iam sponte sequentes  
 Quadrupedes : ut forte aderat fœnile saligna  
 Subfulcum crate , & palmarum uimine textum .

Nunc age , Castalijs quæ nūquam audita sub antris,  
 Musarum ue choris celebrata , aut cognita Phœbo,  
 Expediam : uos secretos per deuia calles  
 Calicolæ , uos ( si merui ) monstrate recessus  
 Intactos : uentum ad cunas , & gaudia celi,  
 Mirandosq; ortus , & tecta sonantia sacro  
 Vagitu : stat ferre pedem . quæ nulla priorum  
 Obuia sint oculis uatum uestigia . nostris .

Tempus erat , quo nox tardis inuicta quadrigis  
 Nondum stelliferi mediam peruenit olympi  
 Ad metam , & tacito scintillant sidera motu :  
 Cum siluæq; , urbesq; silent : cum fessa labore  
 Accipiunt placidos mortalia pectora somnos :  
 Non fera , non uolucris , non picto corpore serpens  
 Dat sonitum . iamq; in cineres confederat ignis  
 Vltimus : & sera perfusus membra quiete  
 Scruposo senior caput adclinauerat antro .  
 Ecce autem nitor ex alto nouus emicat , omnemq;  
 Exuperat ueniens atræ caliginis umbram :  
 Auditiq; chori superum , & caelestia curuas  
 Agmina pulsantum citharas , ac uoce canentum .  
 Agnouit sonitum , partusq; instare propinquos  
 Haud dubijs Virgo sensit latissima signis .  
 Protinus erigitur stratis , caloq; nitentes  
 Adtollit uenerans oculos , ac talia fatur .

Omnipotens genitor, magno qui sidera natus  
 Aeriosq; regis tractus, terrasq; fretumq;  
 Ecquid adest tempus, quo se sine labe serenam  
 Efferat in lucem soboles tua? quo mihi tellus  
 Rideat, & teneris depingat floribus arua?  
 En tibi maturos fructus, en reddimus ingens  
 Deposuit: tu nequa pio iactura pudori  
 Obrepat, summo defende, & consule Caelo.  
 Ergo ego te gremio reptantem, & nota petentem  
 Vbera care puer, molli studiosa fovebo  
 Amplexu: tu blanda tuæ dabis oscula matri  
 Adridens: colloq; manum, & puerilia nectes  
 Brachia: & optatam capies per membra quietem.

Sic memorat, fruiturq; deo, comitumq; micanti  
 Agmine diuinisq; animum concentibus explet.  
 Atque olli interea reuoluto sidere felix  
 Hora propinquabat. Quis me rapit? accipe uatem  
 Diua tuum, rege diua tuum. feror arduus altas  
 In nubes: uideo totum descendere calum  
 Spectandi excitum studio. Da pandere factum  
 Mirum, indictum, insuetum, ingens. absistite curæ  
 Degeneres, dum sacra cano. Iam lata laborum,  
 Iam non tacta metu, sacri regina futuri  
 Stabat adhuc, nihil ipsa suo cum corde caducum,  
 Nil mortale putans. illam natusq; paterq;  
 Quisq; prius quam Sol caelo, quam Luna niteret,  
 Spiritus obscuras ibat super igneus undas,  
 Stant circum & magnis permulcent pectora curis.  
 Præterea redeunt animo quæcunq; uerendus  
 Dixerat interpres: acti sine pondere menses,

DE PARTV VIRG.

Seruatusq; pudor: clausa cum protinus aluo  
(O noctem superis letam, & mortalibus agris)  
Sicut erat folijs, stipulaq; innixa regenti,  
Diuinum spectante polo, spectantibus astris  
Edit onus. Qualis rorem cum uere repenti  
Per tacitum matutinus desudat Eous:  
Et passim teretes lucent per gramina guttae:  
Terra madet: madet adspersa sub ueste uiator  
Horridus, & pluuia uim non sensisse cadentis  
Admirans, gelidas udo pede proterit herbas.  
Mira fides, puer aethereas iam lucis in auras  
Prodierat: saenoq; laetus male fultus agresti,  
Impulerat primis resonum uagitiibus antrum.  
Alma parens nullos inera praecordia motus,  
Aut incurstantes deuexi ponderis ictus  
Senserat: haerebant immotis uiscera claustris.  
Haud aliter, quam cum purum specularia Solem  
Admittunt: lux ipsa quidem pertransit, & omnes  
Irrumpens laxat tenebras, & discutit umbras:  
Illa manent illaesa, haud ulli peruia uento,  
Non hyemi, radijs sed tantum obnoxia Phœbi.

Tunc puerum tepido genitrix inuoluit amictu,  
Exceptumq; sinu, blandeq; ad pectora pressum.  
Detulit in praesepe. Hic illum mitia anhelò  
Ore fouent iumenta. O rerum occulta potestas.  
Protinus agnoscet dominum procumbit humi Bos  
Cernuus: & mora nulla, simul procumbit Asellus  
Submittens caput, & trepidanti poplite adorat,  
Fortunati ambo: non uos aut fabula Creta  
Polluet, antiqui referens mendacia furti,



Sidoniam mare per medium uexisse puellam.  
 Aut sua dum madidus celebrat portenta Citharon,  
 Infames inter thyasos, uinosaq; sacra  
 Arguet obsequio senis insudasse profani.  
 Solis quippe deum uobis, & pignora cali  
 Nosse datum, solis cunabula tanta tueri.  
 Ergo dum refugo stabit circumdata fluctu  
 Terra parens; dum præcipiti uertigine calum  
 Voluetur; Romana pius dum templa Sacerdos:  
 Rite colet: uestri semper referentur honores:  
 Semper uestra fides nostris celebrabitur aris.

Quis tibi tunc animus, quæ sancto in corde uolu-  
 O genitrix, cum muta tuis famulantiæ cunis, (ptas  
 Ac circum de more sacros referentiæ ritus  
 Adspiceres domino genua inclinare potenti,  
 Et sua commotum trahere adspectacula calum?  
 Magne pater, quæ tanta rudes prudentia sensus  
 Lenijt? informi tantos quis pectore motus  
 Exciuit calor, & pecudum in præcordia uenit?  
 Ve quem non reges, non acceperet tot urbes,  
 Non populi, quibus una aras, & sacra tueri  
 Cura fuit: iam Bos torpens, iam segnis Asellus  
 Auctorem late, possessoremq; salutent?

Vocibus interea sensim puerilibus heros  
 Excitus, somnum expulerat, noctemq; fugarat  
 Ex oculis: iamq; infantem uidet, & uidet ipsam  
 Maiorem adpectu, maiori & lumine matrem  
 Fulgentem, nec quoquam oculos. aut ora mouentem,  
 Sublimemq; solo, superum cingente caterua  
 Aligera. Qualis, nostrum cum tendit in orbem,

DE PARTU VIRG.

Purpureis rutilat pennis nitidissima Phoenix :  
 Quam uarie circum uolucres comitantur euntem.  
 Illa uolans , Solem natiuo prouocat auro  
 Fulua caput , caudam & roseis interlita punctis  
 Cæruleam . stupet ipsa cohors : plausuq; sonoro  
 Per sudum strepit innumeris exercitus alis .  
 Miratur lucem in solitam : miratur ouantes  
 Cælicolum canus senior . tum uictus ; & amens ,  
 Adtonitusq; animi , tantisq; ardoribus impar  
 Corruit , & geminas uultum demisit in ulnas :  
 Adfususq; diu telluri , immobilis hæsit .  
 Hic illum superi iuxta uidere iacentem ,  
 Vidit dia parens : nec longum passa seniles  
 Obduci tenebris oculos : dat surgere , & ægrum  
 Sustentare genu , tremulisq; insistere plantis ,  
 Diuinosq; pati uultus , superiq; nitorem  
 Ignis , & æthereas uibrantia lumina flammæ .  
 Ille ubi paulatim uires , animumq; resumpsit :  
 Nudo so incumbens baculo , modulantiæ primum  
 Agmina , reginamq; deum de more salutæ .  
 Mox ipsum adcedens præsepe , uluaq; palustri  
 Impositum spectans dominum terræq; marisq; ,  
 ( O timor , o mentis pietas ) puerilia membra  
 Non ausus tractare manu , cunctatur . ibi auram ,  
 Insperatam auram diuino efflantis ab ore  
 Ore trahens , subito correptus numinis haustu ,  
 Adflatusq; deo , sic tandem uoce quietæ  
 Incipit , & lacrymis oculos subfundit abortis .  
 Sancte puer , non te Pharijs operosa columnis  
 Atria , non uariata Phrygum uelamina textis

Exceperere (iaces nullo spectabilis auro)  
Angustum sed uix stabulum, male commoda sedes,  
Et fragiles calami, lætæq; paludibus herba  
Fortuitum dant ecce torum. laqueata tyrannos  
Teeta, & regifico capiant aulae parati.  
Te pater æterno superum ditaui honore  
Illustrans: tibi fiderei domus aurea cæli  
Plaudit, inextinctosq; parat natura triumphos.  
Et tamen hanc sedem reges, hæc undiq; magni  
Antra petent populi: longe quos cæcura Calpe  
Litore ab occiduo, nigrisq; impellet ab Indis  
Sol oriens: quos & Boreas, & feruidus Auster  
Diuerso inter se certantes cardine mittent.  
Tu pastor, tu dispersas reuocare per agros  
Missus oues late: pectusq; obferre periclis,  
Prodigus ab nimium uitæ, per tela, per hostes  
Obscurum nemus irrumpeus, rabida ora luporum  
Compesces, saturumq; gregem sub teeta reduces.  
O' mihi certa fides superum, decus addite terris,  
Nate deo, deus ipse, æterno è lumine lumen  
Te te ego, te circum genitrix, lætiq; ministri  
Concinimus, primi q; tuos celebramus honores,  
Longa q; perpetuis indicimus orgia fastis.

# LIBER TERTIVS.

V R A T V M interea culmen bipa-  
rentis olympi

A Conscendit genitor, rerum inuiolata  
potestas,

Lata fouens tacito sub pectore: mox  
iubet omnes

Ad sese acciri superos: quiq; acria longe  
Observant, quiq; arcanis penetralibus adstant:  
Præterea quos Eos Aurora per ortus,  
Et quos occidua propior uidet Hesperus ora.  
Nanq; ferunt olim leges cum conderet æquas  
Rex superum, & ualido mundum suspenderet axe,  
Diuersas statuisset domos, diuersa'q; diuis  
Hospitia, & dignos meritis tribuisse penates  
Ordine cuique suos. Illi data teeta frequentant:  
Armaq; , & ætatis adfigunt nomina ualuis.  
Haud mora fit. celerant iussi: uolat æthere toto  
Cælicolum glomerata manus: pars igne corusco  
Tota rubens, pars stelliferis innexa coronis.  
Ipse sedens, humeris chlamydem fulgentibus aptat  
Ingentem, & calum pariter, terrasq; tegentem.  
Quã quondam (ue perhibent) uigilans noctesq;, diesq;  
Ipsa suo neuit rerum natura Tonanti:  
Adiecitq; sacra decus admirabile tela,  
Per medium, perq; extremas sub tegminis oras  
Immortale aurum intexens, grandesq; smaragdos.  
Illic nam uaria mundum distinxerat arte  
Gnara operum mater, certisq; elementa figuris,

Et rerum species, animasq; & quidquid ab alta  
 Fundit mente pater. Generis primordia nostri,  
 Cernere erat limum informem. iam præpete penna  
 Deferri uolucres liquidum per mane uideres:  
 Iam siluis errare feras, pontumq; natari  
 Piscibus, & uero credas spumescere fluctu.  
 Hic postquam aligeros geminata sedilia cœtus  
 Accepere: pater solio sic inquit ab alto.

Aetherei proceres (neq; enim ignoratis & ausus  
 Infandos, dirumq; acies super astra frementes)  
 Si mecum iuuat, antiquos ab origine motus  
 Inspicere, & ueterum pariter meminisse laborum:  
 Quandoquidem hæc uobis peperit uictoria laudem:  
 Huc animos, huc pacatas aduerite mentes.  
 Vos, cum omne arderet cælum seruilibus armis,  
 Arcetumq; furor pertenderet impius axem  
 Scandere, & ingelidos regnum transferre Triones:  
 Fida manus mecum mansistis; & ultima tandem  
 Experti, cælo uictricia signa tulistis:  
 Aeternamq; alta fixistis in arce trophæum.  
 Quos ego pro meritis insigni munere palmæ  
 Donavi: regniq; in partem, operumq; recepi:  
 Præcipuosq; habui, lectosq; ad iussæ ministros:  
 Usque adeo fixa antiqui stat gratia facti.  
 Nec minus & nostras audistis sæpe querelas:  
 Vidistisq; graues flammæ pectoris æstus:  
 Tunc cum prima nouas egit dementia gentes  
 Arboris auricomæ cælestia carpere poma:  
 Poma graui seros gustu læsura nepotes.  
 Munere quin superum indignas spoliastis, & umbra

DE PARTU VIRG.

Sacrorum late nemorum adsiduoq; labore  
 Multastis miseras, uita, & breuioribus annis.  
 Quid repetam ueteri sumptas de crimine penas?  
 Exiliumq; informe Erebi, tenebrasq; repostas?  
 Quæ tacito mecum spectactis lumine: & i'dem  
 Terrarum sortem maesti indoluistis acerbam.  
 Aut etiam ut nostri longo post tempore tandem  
 Pectoris indomitas clementia uicerit iras?  
 Visq; arcana leues sensim demissa per auras  
 Fœcundam intactæ complerit Virginis aluum?  
 An temere hoc, nullaq; actum ratione putatis?  
 Quippe ita mansuras decuit me ponere leges:  
 Quo terræq;, polusq;, homines diuiq; uicissim  
 Fœderibus starent certis, & pignore tanto  
 Seruarent memorem cognata stirpis amorem.  
 Quare agite, & iam nunc humana capeßite fata:  
 Ac primum duris parui sub cautibus antri  
 Gramineos lustrate toros: lustrate beatam  
 Pauperibus sedem calamis: cunctiq; recentes  
 Submissi cunas adcedite, dum pia mater  
 Complexu in molli natum fouet, ubera pernox  
 Indulgens teneris pueri rorantia labris:  
 Nec procul in stipula demisso pectore mutum  
 Procumbit pecus: & dominis uestigia lambens  
 Peruigilat, longos fundit dum tibia cantus.  
 Hic faustos ortus pueri, noctemq; uerendam  
 Discursu per inane leui, passimq; canoris  
 Laudibus excipite, & plausu celebrate fauentea  
 Omnia felicem uentura in secula pacem,  
 Certatimq; renascentis cunabula mundi,

Victum anguem, uictumq; anguis furiale uenenum.  
 Sic placitum, sic auersos coniungere terris  
 Cælicolas: sic ferre homines ad sidera certum est.

Hæc ubi dicta: nouum superis inspirat amorem;  
 Quo subito ueteres deponant pectoris iras,  
 Obliti scelerum; patriq; exempla secuti,  
 Terrarum flagrent studio, & mortalia curent.  
 Nec mora: lætitiâ choreis tum forte uacantem  
 Aduocat: hæc magni motusq; , animosq; Tonantis  
 Temperat, & uultum discussa nube serenat.  
 Lætitiâ, quæ cælicolum per limina semper  
 Discursat, raroq; imas petit hospita terras:  
 Curarumq; expers, lacrymasq; exosa uirago,  
 Exultat, totoq; abigit suspiria celo.  
 Ut stetit ante patrem, terrasq; adcedere iussa est:  
 Mobilibus pietas humeris ad commodat alas:  
 Lenimenq; uia comites uocat. Ilicet adsunt  
 Iucunda uisu facies Cantusq; , Choriq; ,  
 Gaudiaq; Plaususq; , & honestis ignibus ardens  
 Rectus Amor: quem nuda Fides, Spesq; inscia lætus  
 Vadentem, mira unanimes pietate sorores  
 Observant. Sequitur mox inculpata Voluptas,  
 Gratiâq; , & niueam suadens concordia pacem.  
 Cumq; propinquasset portæ, quæ maxima celo  
 Dicitur, æternumq; micat radiata coruscis  
 Astrorum signis. quando mortalibus ægris  
 Dant. nimbos aliæ, & damnant caligine terras:  
 Subcinctæ occurrunt Horæ properantibus alis:  
 Insomnes Horæ: nanque his fulgentia diuum  
 Limina, & ingenii custodia credita cali.

DE PARTU VIRG.

Protinus æratos impulsos cardine postes  
 Cum sonitu, megnōq; polos quassante fragore  
 Præpandunt obnixæ humeris. Volat illa per auras  
 Obscura sub nocte nitens. gratantur eunti  
 Sidera: iam festas meditatatur Luna choreas.  
 Exultant Hyades: gaudet mutata Bootes  
 Plaustra auro, totosq; auro fulgere iuuenos.  
 Tunc primum uisa est, miseri post fata parentis,  
 Risisse Erigone, & longum posuisse dolorem:  
 Armatoq; ensis subducitur Orioni.

Ut uero umbrosis posuit uestigia siluis:  
 Culmina conscendit pastorum; atque omnia late  
 Perlustrans tacitis oculis loca, concutit alas  
 Adplaudens: piëtosq; sinus sub nocte coruscans,  
 Subrisit latum, puraq; in luce refulsit.  
 Primi illam sensere canes: sensere iacentes  
 Hædorum passim per dura cubilia matres:  
 Balatq; ouium ualles sonuere propinqua,  
 Saxaq;, & adtoniti caput erexere magistri.

Tunc ait. O' parui uigiles gregis, o' bona pubes  
 Siluarum, superis gratum genus, ite beati  
 Pastores, ite antra nouis intendite fertis:  
 Reginam ad cunas, positumq; in stramine regem  
 (Certa fides) alti iam iam moderator olympi  
 Cernere dat. properate: nouiq; tepentia lactis  
 Munera, cumq; suo date condita subere mella;  
 Insuetum & siluis stipula deducite carmen.  
 Nec plura effata, in nubes taciturna recessit;  
 Et penitus nigra noctis se condidit umbra,  
 Olli inter sese uario sermone uoluant,



Quid superum mandata uelint, quas quærere cunas,  
 Quod iubeant reges, quæ cingere frondibus antra.  
 Continuo uarijque innectunt tempora ramis:  
 Nescitur & lentiscus, opacaq; arbutus umbræ,  
 Rosq; maris, buxusq;, & densa comas terebinthus:  
 Cunctaq; frondenti redimitur turba corona.  
 Mox siluam exquirunt omnem: saltusq; repostos  
 Flammi feris lustrant tedis. Ardere putares  
 Arua procul, totumq; incendi lumine montem.  
 Tandem inter dumos fessi, sub rupe cauata  
 Speluncam adspiciunt: uocemq; rudentis Aselli  
 Auribus acceperè. Vident ipsumq;, bouemq;, ,  
 Longæuumq; senem, stantemq; ad lamina matrem  
 Insomnem, & pressis resouentem pignus in ulnis.  
 Ergo insperata gauisi munere sortis,  
 Ocyus ingentem procero stipite laurum,  
 Auulsamq; solo palmam ab radicibus imis  
 Adtollunt humeri, perq; interualla canentes  
 Cum plausu, choreisq;, & multisono modulatu  
 Vestibuli ante aditum statuunt: omnemq; coronant  
 Fronde locum: grandes oleas; cedrosq; comantes  
 Adfigunt: longisq; aduelant limina fertis:  
 Et late Idaliam spargunt cum baccare myrtum.  
 Quos bonus ex antro dictis adgressus amicis  
 Compellat senior: placidaq; hæc uoce profatur.  
 Dicite pastores (neq; enim sine numine, credo,  
 Tam certum tenuistis iter) cui tanta paratis  
 Munera? cui uirides ramis frondentibus umbras  
 Textitis? an ne aliquis superum patre missus ab alto  
 Has docuit sedes, locaq; hæc adcedere iussit?

DE PARTU VIRG.

Sic memorans, sese latum uenientibus obferre.  
 Illi autem. Noua per tenebras, noua lucis imago  
 O genitor, media uisa est modo lumina silua  
 Spargere, & in nostras diffundere gaudia mentes?  
 Siue deus caelo ueniens, seu forte deorum  
 Nuntius, in dubio est: nos uultum, habitumq; loquentis  
 Vidimus: & motas per noctem audiuimus alas.  
 Sic facti, iungunt dextras: mox ordine longo  
 Antrum introgressi, calathis siluestria plenis  
 Dona ferunt: matrem & lato simul ore salutant.  
 Tum puero adstantes Lycidas, & maximus Aegon.  
 Aegon, Getulis centum cui pascua campis,  
 Centeni per rura greges Massylae uagantur:  
 Ipse caput late, qua Bagrada, qua uagus erras  
 Triton, Cinyphiae qua deuoluuntur arena,  
 Ingens agricolis, ingens pasturibus Aegon.  
 At Lycidas uix urbe sua, uix colle propinquo  
 Cognitus, aequoreas carmen, deflexit ad undas:  
 Et tamen hi non uoce pares, non uiribus aequis,  
 Inter adorantum choreas, plaususq; deorum  
 Rustica septena modulantur carmina canna.  
 Hoc erat almae puer, per ueris quod noster in antrum  
 Tityrus aduicta speruit ridere carmen auena,  
 Et cercinuit dignas Romae uo Consule siluas.  
 Ultima Cumaei uenit iam carminis aetas:  
 Magna per exactos renouantur saecula cursus.  
 Scilicet haec Virgo est, haec sunt Saturnia regna:  
 Hac noua progenies caelo descendit ab alto,  
 Progenies, per quam uenit gens aurea mundo  
 Surget, & in medijs partibus florebis aristis.

Qua duce, si qua manent sceleris uestigia nostri,  
Irrua perpetua soluent formidine terras:

Es uentum magni pandetur limen olympi:

Occidet & serpens, miseros qua prima parentes  
Elusit, portentificis imbuta uenenis.

Tu ne deum uitam accipies? diuisq; uidebis  
Permistos heroas, & ipse uideberis illis?

Pacatumq; reges patrijs uirtutibus orbem?

Adspice felici diffusum lumine celum,  
Camposq; , fluuiosq; , ipsasq; in montibus herbas.

Adspice, uenturo latentur ut omnia saclo.

Ipsa lacte domum referent distenta capellæ  
Vbera: nec magnos metuent armenta leones:

Agnæq; per gladios ibit secura nocentes:  
Bisq; super fusos seruabit tincta rubores.

Interea tibi parue puer munuscula prima  
Contingent ederaq; , intermissiq; corymbi.

Ipsa tibi blandos sudent cunabula flores:  
Et dura quercus subducunt roscida mella:

Mella dabunt quercus: omnis feret omnia tellus.

At postquam firmata uirum te fecerit ætas,  
Et tua iam totum notescent facta per orbem:

Aliet erit cum Tiphys, & altera que uehat Argo  
Delectos Heroas: erunt etiam altera bella:

Atque ingens Stygias ibis prædator ad undas.

Incipe parue puer risu conoscere matrem,  
Chara dei soboles, magnum celi incrementum.

Talia dum referunt pastores: auia longe

Responsant nemora: & uoces ad sidera iactant

Insonsi montis: ipsa per confraga rupes,

DE PARTV VIRG.

*Ipsa sonant arbusta : deus , deus ille Menalca .*

*Hic subito magnum uisi per inane uolatus  
Cælestum , cursusq; alacres , alacresq; recursus :*

*Auditaq; procul uoces , sonitusq; rotarum .*

*Scilicet innocuis per sudum exercitus armis*

*Ibat ouans : diuisæ acies , terna agmina ternis*

*Instrueta ordinibus belli simulacra ciebant .*

*Ter clypeis iam cedentes inuadere nubes*

*Adspiceres : uacuas ter mittere tela per auras :*

*Ter clamare ducem : mox dissiata cogere signa :*

*Atque unam latæ faciem præferre phalangis :*

*Rursus & aerios percurrere milite campos :*

*Semotosq; alios constanti incedere passu*

*Nubila per , latasq; uias : & iungere nexu*

*Brachia , perpetuis quatientes motibus alas ,*

*Gestantesq; manu nostræ argumenta salutis ,*

*Spinasq; , clauosq; , horrenti & ui mine fasces ,*

*Hæsuramq; hastam lateri , medicataq; felle*

*Pocula , sublimemq; crucem , immanemq; columnam .*

*Ibant , & dulci mulcebant æthera cantu .*

*Innumeras alij laudes , & magna parentis*

*Facta canunt : Ut prima noui fundauerit orbis*

*Mœnia telluremq; uagis disciuserit undis :*

*Ut passim uarios celo suspenderit ignes ,*

*Lunamq; , stellasq; : Ut magni lumina Solis ,*

*Iam latæ extremo tenebris Oriente fugatis ,*

*Protulerit . Tu belligeras metuende cohortes*

*Deiicis , exturbasq; polo : tu fulmine quassas*

*Cum duce signa suo , nigroq; inuolui Auerno ,*

*Cocytumq; iubes , tristesq; habitare lacunas .*

Te gemini cecinere axes , te maxima tellus  
 Victorem cecinit uastis cum fluctibus æquor .  
 Nec te hominum fraudes , non auertere nefanda  
 Crimina : sed lato spectas mortalia uultu :

Dignatasq; tuo solaris numine terras .

Salue magne opifex cæli , rex maxime diuum ,

Terrarumq; , hominumq; salus : quem sidera , quem Sol ,

Quem meruunt reges tenebrarū , & Tartarus ingens :

Cui late humanum seruit genus : omnia solas

Qui regis : omnia amas pariter . tibi nomina mille ,

Mille potestatum , regnorum insignia mille .

Salue auctor : salue immensi dominator olympi :

Et nobis felix , terrisq; labantibus adsis .

Ingeminant plausum nubes : lateq; per auras

DiscurSAT uox : & cæli conuexa resulant .

Herboso tum forte toro , undisonisq; sub antris

Venturas tacito uoluebat pectore sortes

Ceruleus Rex , humentum generator aquarum

Iordanes . quem iuxta hilari famulantiâ uultu

Agmina densentur natæ , pulcherrima Glauce ,

Dotoq; Protoq; Galenaq; Lamprotheoq;

Nudæ humero , nudis discincta ueste papillis :

Callyroë , Byroq; Pherusaq; Dinameneq; ,

Asphaltisq; adsucta leues fluitare per undas :

Ipsaq; odoratis perfusa liquoribus Anthis :

Anthis , qua non ulla nouos miscere colores

Doctior , aut pictis caput exornare coronis .

Mox Hyale , atq; Thoe , & uultu nitidissima Crene ,

Gongisteq; , Rhoeq; & candida Linnoria ,

Et Dryope , & uirides Borane . resoluta capillos ,

Ore omnes formosæ, albis in uestibus omnes,  
 Omnes punices euinctæ crura cothurnis.  
 Ipse antro medius, pronaq; adclinis in urna  
 Fundit aquas. Nixit urna nouis uariata figuris  
 Crystallo ex alba, & puro perlucida uirro,  
 Egregium decus, & superum mirabile donum.  
 Umbrosus hic silua comis, densusq; uirebat  
 Arboribus. Cerui passim, capreaq; fugaces  
 Aestiuum uiridi captabant frigus in umbra.  
 In medio, auratis effulgens fluctibus amnis  
 Errabat campo, & cursu læta aurua secabat.  
 Hic iuuenis fuluis uelatus corpora setis  
 Stans celsò in scopulo, regem, dominumq; deorum  
 Vorticibus rapidis, medioq; in fonte lauabat.  
 At uiridi in ripa lecti de more ministri  
 Subcincti expectant: pronisq; in flumina palmis  
 Protendunt niueas cælestia lintea uestes.  
 Ipse pater cæla late manifesta sereno  
 Signa dabat, natoq; leuem per inane columbam  
 Insignem radijs mittebat, & igne corusco.  
 Adtonita circum uenerantur numina nympha:  
 Et fluuius refugas ad fontem conuocat undas.  
 Talia cælata genitor dum spectat in urna  
 Fatorum ignarus, oculosq; ad singula uoluit  
 Admirans: Videt in solitos erumpere fontes:  
 Ingentemq; undare domum: cauaq; antra repleti  
 Fluctibus, atq; nouum lauces sumpsisse saporem.  
 Dumq; hæret, pauitatq; simul, dum subleuat undis  
 Muscosum caput, & taurino cornua uuln:  
 Adspicit insuetas late florescere ripas,

Claraq; per densas discurrere lumina sylvas  
 Pastorum ludo : & lætos ad sidera cantus ,  
 Diuināsq; audit uoces , & numina passim  
 Aduenisse deum restantia . protinus ambas  
 Ad cælum palmas hilaris cum uoce terendie .

O' maris , o' terræ , diuumq; hominumq; repertor ,  
 Quis tua uel magno decreta incognita cælo  
 Detulit huc audax , medijsq; abscondit in undis ?  
 Ipse mihi hæc quodam ( memini ) dum talia mecum  
 Sæpe agitat , repetitq; uolens , narrare solebat  
 Cæruleus Proteus : mendax si cætera Proteus ,  
 Non tamen hoc uanas effudit carmine uoces .

Adueniet tibi Iordanes properantibus annis ,  
 Adueniet , mihi crede , inquit : certissima cælum  
 Signa dedit : nec me delusum oracula fallunt :  
 Qui te olim Nili supra setemplicis ortus ,  
 Supra Indum ? & Gangem , fontemq; binominis Istris  
 Adtollet fama : qui te Tyberiq; , Padoq;  
 Praferet , atq; tuos astris æquabis honores .

Cuius in aduentu tristes discedere morbi  
 Corporibus passim incipient . Iam uicta repente  
 Cessabit , turpes squamas . maculasq; remittet  
 Diræ lues ; lacerosq; Elephas effusus in aruis ,  
 Ulcera sanguineo sistet manantia tabo .

Quin & lethales ( dictu mirabile ) febres  
 Diffugent iussa , possessaq; membra relinquens ?  
 Cedet & infestæ uiolentior ira Diana :  
 Ira nocens , quæ fulminea uelut iccta ruina ,  
 Corpora cum gemitu ad terram prosternit , & ignis  
 Interdum , nunc perdere aqua ( miserabile uisu )

DE PARTV VIRG.

Festinat. Stygio nimirum armata ueneno  
Exuperat uis, & spumas agit ore tumentes.

Nec iam ultra longo uires minuente ueterno.  
Tabificus per operta impugne uagabitur hydrops  
Exitio obrepens miserorum: atque omnia late  
Viscera per uarios perdet tumefacta dolores.

Non alias uinctæ tam crebra silentia linguæ  
Arumpent: noctem aut toties, tenebrasq; priores  
Excitent oculi, qui nunquam sidera, nunquam  
Ardentem magni uiderunt lampada Solis.

Multa quidem maiora fide, sed uera; sed ipsos  
Quæ teneant spectantum oculos, possum ore referre:  
Sed propero: uentura tamen mirabitur ætas.

Cernere erit, claudos passim genua ægre trahentes  
Firmato subitos extendere poplite gressus.

Tum neruis labefacta, diuq; tremantia membra  
(Quis credat, nisi certa meus mihi canter Apollo?)  
Restrungi, & ualidas cum robore sumere uires.

Atque alius raptu iussus consurgere lecto,  
Haud mora, prosiliet: passuq; in templa citato  
Contendens, onus ipse humeris portabit. Ibi ingens  
Clamor, & innumera circum donaria uoces  
Spectantis populi, & rerum nouitate pauentis.

Parte alia extinctam penitus, sensuq; carentem  
Ad sua iam cernes reuocari munera dextram.

Nec minus & tacta compesci ueste cruorem  
Femineum: Exanguisq; artus, pallentiaq; ora  
Ilicet obstructis calefacta rubescere uenis.

Ipsas quin etiam furias sub Tartara pelli,  
Immanes Erebi furias: tum fessa leuari



Pectora, uexatosq; malis cruciatibus artus:  
 Hinc uacuas late impleri stridoribus auras  
 Dirarum frustra clamantium, ac sæua trementum  
 Verbera, perq; cauas conantum euadere nubes.

Iam deploratis uitam post funera reddi  
 Corporibus uideo: iam mæstam incedere pompam:  
 Feralemq; anteire tubam: mox gaudia matrum  
 Insperata, patrumq; hilares uerso ordine fletus,  
 Et circumfusam populis latantibus urbem.  
 Huic tu nutantes quoties adsurgere montes,  
 Et (mirum) insuetas curuare cacumina siluas  
 Adspicies? Quoties humenti in gramine ripæ  
 Aut solantem æstus, aut lenes pectore somnos  
 Carpentem, tenui adsuesces mulcere susurro?  
 Macce tuis merito ripis, macce omnibus undis.  
 Ad te deposito properabunt numina fastu:  
 Nudabuntq; sacros artus, & carmina dicent  
 Ad numerum: cum tu felix iam flumine sancto  
 Auctorem rerum, diuumq;, hominumq; parentem  
 (Tantus honos, laus tanta tuo Rex maximee fonti)  
 Exutum uiste accipies: atque hospite tanto  
 Adtonitus, trepidas hortabere uoce Napæas.  
 Ite citæ, date thura pias adolenda per aras  
 Cæruleæ comites: uiridiq; sedilia musco  
 Instruite: & uitreis suspendite ferta columnis:  
 Purpureas miscete rosas: miscete hiacynthos,  
 Liliaq;, & pulchro regem conspergite nimbo.

Tunc nomen late clarum Iordanis ad auras  
 Adtollent montes: Iordanen maxima circum  
 Aequora, Iordanen siluæq; amnesq; sonabunt.

DE PARTU VIRG.

Illa autem humanis quamuis latura ruinis  
 Auxilium, finemq; dies, gratissima quamuis  
 Urbibus adueniat, totumq; optanda per orbem:  
 Fluminibus tamen, & nostris felicior undis  
 (Siqua fides, si qua est ueri prudentia Proteo)  
 Ostendet roseos stellis ridentibus orus.  
 Quandoquidem non diuitias, non quæret honores  
 Ille patris decus, ac uirtus; mortalia postquam  
 Membra sibi, & fragiles iã sponte induxerit arus:  
 Non sceptrum inuadet Cypri: non Caspia regna  
 Diripiet: non exuijs Babylona superbam  
 Eruet: aut alta scandet Capitolia curru,  
 Militibus circum, & leto comitante senatu.  
 Sed maris undisoni tractus, & litora longe  
 Curua secans. media socios sibi quæret in acta:  
 Dispersosq; mari nauitas, nudosq; colonos  
 Vndarum, sinuosa freijs iactare parantes  
 Retia, uexatas aut iam reparare sagenas  
 Sollicitos, patris ad solium, ac sua tecta uocabit.  
 Atque ollis ius omne, potestatemq; medendi  
 Adycciet: pellent morbos, dentesq; retundent  
 Vipereos: Orciq; acies, ac monstra fugabunt.  
 Quin & custodes foribus radiantis olympi  
 Praeficiet. seruare aditus, & claustra iubebit  
 Aurea; quis non ulla queat uis seuas nocere  
 Eumenidum, duriq; umbrarum obsistere postes.  
 Tum sedes passim emeritis duodena per astra  
 Instituet. destinãta suos de more sequetur  
 Turba duces. illi leges, & sancta uocatis  
 Iura dabunt, plausu sociorum, atq; agmine læti.

Felices, qui iam Cymba, remisq; relictis,  
 Alta serenati conscendent culmina cæli.  
 Præterea (si certa fides, nec uana futuri  
 Gaudia) cognatas etiam spectabimus undas  
 Lenæos uerti in latices. Ea prima deum Rex  
 Arcana, hos primos per signa ostendit honores  
 Accepit late imperij. Mirabitur auctus  
 Lympha suos, iussa insuetum spumare capræes  
 Per pateras, largæq; nouum diffundere nectar,  
 Et mensas hilarare, & felices hymenæos.  
 Nec semel ille æquum remis euectus in æquor,  
 Cum iam frustrato socios rediisse labore  
 Accipiet, præda ingenti ditabit, & udos  
 Squamigerum strata cumulos exponet in alga.  
 Iratos etiam fluctus, humidasq; procellas,  
 Miscentesq; imo turbatam gurgite arenam,  
 Iamq; superiecto mersuras æquore puppim,  
 Imperio premet increpitans. cadet arduus unda  
 Impetus: atque audisse minantis iussa putares  
 Eurosq; Zephyrosq;, & ouantes turbine Coros.

Quid loquar, ut gemino numerosas pisce cateruas  
 Munere & exiguo Cereris, miserabile uulgus  
 Matres, atque uiros pariter per gramina pascet:  
 Ut iam bus senis redeant fragmenta canistris?

Aut intempesta gradiens ut nocte per altum  
 Libera substrato ponet uestigia ponto:  
 Vixq; undas sicut tanget pede? scilicet olli  
 Adnabunt blandæ Nereides. humida passim  
 Sternent se freta: tum fundo Nepetunus ab imo

Excitus, agnoscer dominum: positoq; tridente  
 Cum Phorco, Glaucog;, & semifero comitatu  
 Profiliet, trepidusq; sacris dabit oscula plantis.  
 Sed quid ego exili uectus super alia phaselo  
 Cuncta sequor memorans? non si Parnasia Musæ  
 Antra mihi, sacrosq; aditus, atque aurea pandant  
 Limina, sufficiam. non si mihi ferrea centum  
 Ora sonent, centumq; ærato è gutture lingua  
 21 Vocibus expumant agitantem pectora Phœbum;  
 Laudatos ual. am uenturi principis actus  
 Enumerare, nouoq; amplecti singula cantu.

Hæc senior quondam felici pectore Proteus  
 Vaicinand (ut fore meo diuertat antro)  
 Præmonuit: nunc euentus stat signa futuri  
 Expectare. Nitor roseo sed fulsit ab ortu  
 Clarior: & radijs dux præuia matutinis  
 Oceani procul extremo se litore tollit  
 Exoriens Aurora: sinusq; induta rubentes,  
 Ante diem citat auricomos ad frena iugales.  
 Et iam consuetis tempus me currere ripis  
 Vndantem, magnosq; lacus, & prata secantem  
 Vorticibus. Viden, ut nostros agit impetus amnes?  
 Iordanenq; uocat tumidarum murmur aquarum?

Sic factus, confestim humeris circumdat amictus  
 Insolitos: quos pulchræ udis neuere sub antris  
 Naiades, molli ducentes flamina musco;  
 Sidonioq; rudes saturantes murice telas,  
 Aurea consperso uariarum sidera limbo:  
 Atque ita se tandem currenui reddidit alueo  
 Spumeus, & molas aspergine miscuit undas.

Hactenus

Hactenus ò Superi partus tentaſſe uerendos  
 Sit ſatis . optatam poſcit me dulcis ad umbram  
 Pauſilypus, poſcunt Neptunia litora, & udi  
 Tritones, Nereusq; ſenex, Panopeq;, Ephyreq;  
 Et Melite, quæq; in primis mihi grata miniſtrat  
 Ocia, Muſarumq; cauas per ſaxa latebras,  
 Mergillina : nouos fundunt ubi citria flores,  
 Citria Medorum ſacros referentia lucos:  
 Et mihi non ſolita nectit de fronde coronam.

ACTII SYNCERI  
 SANNAZARII DE MORTE  
 CHRISTI DOMINI

AD MORTALES LAMENTATIO.

QUANDO magnū mirati ſur  
 gere Solem  
 S Oceano, & toto flammæ diffundere  
 celo;  
 Certatimq; ſuo terras ambire meatu  
 Noctiuagam Phœben præcinctam cornibus aures;  
 Aeternosq; aſtrorum ignes, caliq; micantes  
 Scintillare oculos; aliquem dare iura putatiſtis,  
 Atque polo regnare hominum, rerumq; parentem;  
 Cui mare, cui tellus, cui pareat arduus æther;  
 Cuncta ſupercilio qui temperet : hunc ſimul ægri  
 Mortales (ſi ueſtra dolor præcordia tangit)

Adspicite immiti traiectum pectora ferro,  
Pectora, foedatasq; manus, persusaq; tabo  
Ora, crue utatumq; caput, crinesq; reuulsos:  
Adspicite, & plenos lacrymarum fundite riuos.  
Heu scelus, heu crudele nefas: iacet altus olympi  
Rector: amisso torpent elementa magistro.  
Quin etiam uacuum adsueto sine pondere caelum  
Nutat, & ipsa suum quaerunt solia aurea regem.  
Quem diuersa procul saeuo cum crimine tellus  
Ignotum populis caput, & miserabile corpus  
Sustinet, exanguisq; sinu complectitur artus,  
Et tremefacta, graues testatur murmure questus.  
Testatur Sol ipse suam sub nube dolorem  
Iam latitans, atraq; notans ferrugine frontem.  
Tu quoque deformesq; genas, pallentiaq; ora  
Contegis, inferiasq; tuo das Luna Tonanti,  
Auratum flauo tondens de uertice crinem,  
Et lacrymas uida fundens in nocte tepentes.  
Nec minus abruptis fama est exisse sepulchris,  
Perq; uias errasse nouis simulachra figuris:  
Excitiasq; umbras, medias ululasse per urbes  
Sub noctem, & notos questu impleuisse penates.  
Quid? non & pelagi rabies adtollere fluctus  
Immanes uisa est? montesq; euoluere aquarum,  
Deiectura urbes, terrasq; haustura profundo?  
Cum simul & caput undisonis emersus ab antris  
Ceruleus Triton rauco super aequora cornu  
Constreperet, nauasq; horrenda uoce moneret,  
Naturae cecidisse patrem, regemq; deumq;.  
Haec ne manus uastae iunxerunt foedera mundi?

Harū opus est, quodcumq; iacet, quodcūq; mouetur?  
 Quicquid ubique parens rerum Natura gubernat,  
 Frugiferens tellus, fetumq; animantibus æquor,  
 Vitalisq; aer, atque ignibus æthra coruscis?  
 Et nunc (proh facinus quantum potuere nocentum  
 Flagitia) immixtis dant peruia uulnera clauis,  
 Liuentesq; atro foedant squallore lacertos.  
 Heu caput indignum spinis, uenerandaq; calo,  
 Et toties clarestellarum impexa corona  
 Cæsaries: heu uetus hians: conuulsaq; dira  
 Barba manu: cunsiq; artus: & frigida membra.  
 Vos ne pedes cælum premere, & uaga sidera sueti,  
 Fulgentesq; domos superum, sublimia tecta,  
 Tam sæuæ immanes perpeffi cuspidis ictus,  
 Et terram, & duras sparsistis sanguine cautes?  
 Nec trepidat mens cæca hominū? Quæ tanta tenaci  
 Durities in corde riget? num nigra uidetis  
 Tartara, tot claris hominum uiduata trophæis,  
 Desertasq; in nocte domos, & tristia regna?  
 Felicesq; animas lætum Pæana canentes  
 Pone sequi regem, & cælo insedisse sereno?  
 Quid si non tantos subiisset sponte labores,  
 Humanamq; sua pensasset morte salutem  
 Ille sator rerum, & summi mens certa parentis,  
 Qui nutu ingentes mundi moderatur habenas?  
 Ut tandem intactos picea Phlegethontis ab unda  
 Post obitum æternæ donaret munere lucis,  
 In partemq; suorum operum, regniq; uocaret:  
 Tantus amor generis seruandi, & gloria nostri.  
 Quare agite, ex animis mortales pellite uestris,

*Siquid adhuc manet antiqua de sorde relictum :*  
*Mendacesq; deos , & detestanda priorum*  
*Sacra profanatis tandem detrudite ab aris .*  
*Imbuat effuso terram nec sanguine taurus :*  
*Nec miser ille suæ diuulsus ab ubere matris*  
*Ignotos agnus balet super hostia cultros .*  
*Viuat ovis , uiuat quidquid sub sole cratum est .*  
*Mentem , animumq; deo , non thura , aut exta parate.*  
*Has illi pecudum fibras , hæc reddite dona .*  
*Cernitis , ut primum flectat caput ? ut pia pandat*  
*Brachia ? & ingratas uocet ad sua uulnera gentes ?*  
*Oblitasq; uia moueat meminisse relictæ ,*  
*Scilicet amplexus non reiecturus amicos ?*  
*At uos obtusas ignari auertitis aures ,*  
*Infelix genus , & sæuæ ludibria mortis :*  
*Nec , quanta à tergo iam insistent tormenta , uidetis .*  
*Tempus erit , cum uestra illum commissa notantem ,*  
*Multantemq; reos , altaq; in nube sedentem*  
*Adspicietis : & horrentes tremor opprimeat artus .*  
*Nec iam ferre oculos flammaram ardore coruscas .*  
*Aut timidos acie uultus condere contra*  
*Audebit quisquam sibi conscius . Ibit in ignes*  
*Turba nocens : fontesq; exoluet corpore pœnas :*  
*Pallentesq; æternum amnes , uastasq; lacunas*  
*Cocytii colet : & furias horrescet hiantes :*  
*Atque animum monitis non intendisse pigebit.*  
*Tunc uos exactæ capient mala tædia uitæ*  
*Expertes cæli , atque auræ sub nocte profunda :*  
*Inq; caput trifidos nequicquam optabitis ignes :*  
*Et frustra erectas tolletis ad æthera palmas .*



Quos superum cœtus, & fortunata piorum  
 Agmina uix lacrymis poterunt spectare retentis,  
 Inuidiæ stimulis dirisq; ultricibus actos.  
 Ergo uitales miseri dum carpitis auras;  
 Dum compos mens ipsa sui est; dum certa facultas;  
 Dum ratio, tempusq; sinunt: simul ite frequentes:  
 Ite pi, ueniam factis exposcite uestris:  
 Ite, animos purgate: Orciq; inhibete rapinas:  
 Et tandem patrio mentem conuertite calo.  
 Sic rex ille hominum uacui spoliator Auerni,  
 Oblitus scelerum, cognatae stirpis amore,  
 Promissiq; memor, mentes intrabit amicas,  
 Vestraq; posthabitis recolet præcordia templis.  
 Postq; tot exhaustos uitaq;, obitusq; labores,  
 Illo quo pluuias, quo pellit nubila, uultu  
 Ablutos labe excipiet, lætusq; reponet  
 Sidereos inter proceres, sanctumq; senatum,  
 Sub pedibusq; dabit stellantia cernere claustra.

# ACTII SYNCERI

## SANNAZARII EGLOGA PRIMA

PHYL LIS.

LYCIDAS, MYCON.

**Ly.** IRABAR, vicina Mycon per li-  
tora iuper

**M** Dum uagor, expectoq; leues ad pabu-  
la thynnos,

Quid tantum insuetus streperet mihi  
coruus, & udae.

Per scopulos passim fulicae, perq; antra repostae  
Tristia flebilibus complerent saxa querelis:

Cum iam nec currus resiliaret ab æquore delphin,  
Nec solitos de more choros induceret undis.

Ecce dies aderat, charam qua Phyllida terræ  
Condidimus, tumuloq; pias defleuimus umbras  
Ah miseri: & posthac nec tristes linquimus auras:  
Nec dubitat saeuus solatia ferre Pylemon.

**My.** Scilicet id fuerat, tota quod nocte uaganti

Huc illuc, dum Pausilypi latus omne pererro,  
Piscosamq; lego celeri Nesida phaselo:

Nescio quid queruli gemerent lacrymabile mergi.

Phyllis ad inferias, Phyllis (si credimus) illos

Ad gemitum ò Lycida, tumuliq; ad sacra uocabat.

**Ly.** Eheu chare Mycon qualis spectacula pompæ  
(Nunc recolo) quas ipse manus, quæ ue ora notauit

His oculis: his inquam oculis quæ funera uidi

*Infelix: nunc me tandem dolor improbus egit  
In scopulos, in saxa, rogo ne absumpsit eodem  
Ignea uis, uel saltem aliquis deus æquore mersit.*

*My. O Lycida Lycida: non ne hoc felicius illi  
Euenisse putas? quàm si fumosa Lycotæ  
Antra, uel hirsuti tegetem subiisset Amyntæ?  
Et nunc heu uiles hamo sibi quæreret escas:  
Aut tenui laceras sarciret uimine nassas.  
Sed tu, siquid habes ueteres quod lugeat ignes,  
Quod manes, cineresq; diu testetur amatos:  
Incipe: quando quidem molles tibi litus arenas  
Sternit: & insani posuerunt murmura fluctus.*

*Ly. Immo hæc, quæ cineri nuper properata parabam  
Carmina, ab extremo cum iam caua litora portu  
Prospicerem, & niuei uenerarer saxa sepulchri:  
Incipiam. tu coniferas ad busta cupressus  
Sparge manu: & uiridi tumulû superitege myrto.*

*My. En tibi cærulei muscum æquoris, en tibi conchas  
Purpureas, nec non tota quæsita profundo,  
Et uix ex imis euulsa coralia saxis.  
Adferimus. tu solemnes nunc incipe cantus:  
Incipe, dum ad solem Balanus retia Milcon  
Explicat, & madidos componit in orbe rudentes.*

*Ly. Quos mihi nunc diuæ scopulos, quæ panditis antra  
Nereides: quas tu secreti litoris herbas  
Glauce pater, quæ môstriferis mihi gramina succis.  
Ostendes nunc Glauce? quibus tellure relicta,  
Ah miser, & liquidi factus nouus incola ponti,  
Te sequar in medios mutato corpore fluctus,  
Et feriam bifida spumantia marmora cauda.*

G A L A T E A

Nam quid ego heu solis uitam sine Phyllide terris  
 Exoptem miser? aut quid nam raptō mihi luce,  
 Dulce putem? quid ue hic sperē? quid iā morer ultra  
 Infelix? an ut hac uili proiectus in alga,  
 Arentes tantum frutices, desertaq; cernam  
 Litora: & ingrato iactem mea uerba sepulchro?  
 Scilicet hos thalamos, hos felices hymenæos  
 Concelebrem? sic speratæ mihi gaudia tedæ  
 Dat Venus? ambigos sic dat Lucina timores?  
 Quis mihi, quis te te rapuit dulcissima Phylli?  
 Phylli meæ quondam requies, spesq; ; unica uitæ,  
 Nunc dolor, æternusq; ; imo sub pectore luctus.  
 Non licuit tecum optatos coniungere somnos,  
 Dulcia nec primæ decerpere dona iuuentæ,  
 Aut simul extremos uitā producere in ānos. (quā es,  
 Nūc te (quis credat?) lapis hic habet: & mihi nus-  
 Nusquam terrarū Phyllis; sed fabula, & umbræ,  
 Frustrantur miseras per dira insomnia noctes.  
 Me miserum: qua te tandem regione requiram?  
 Qua ue sequar? per te quondā mihi terra placebat,  
 Et populi, lætaq; suis cum mœnibus urbes:  
 Nunc iuuat immensi fines lustrare profundit,  
 Perq; procellosas errare licentius undas  
 Tritonum immistum turbis, scopulosaq; Cete  
 Inter, & informes horrenti corpore Phocas,  
 Quo nunquam terras uideā. Iamiam illa tot annis  
 Culta mihi tellus, populiq; , urbesq; ualete:  
 Litora cara ualete: uale simul optima Phylli.  
 Nos tibi, nos liquidis septem profluentibus aras  
 Ponemus: septemq; tibi de more quotannis

Monstra maris magni uitulos maētābimus hirtos .

Et tibi septenis pende bunt ostrea fertis .

Ostrea muricibus uariata , albisq; lapillis .

Hic tibi Nisæ , & flauos resoluta capillos

Cymodoce , mitisq; pia cum matre Palæmon ,

Et Panope , & Siculi custos Galatea profundū

Solennes nectent choreas , & carmina dicens :

Quæ Proteus quondam diuino peētore uates

Edocuit , magni cum funera fieret Achillis :

Et Thetidis luctus consolaretur amarus .

At tu , siue altum felix colis æthera , seu iam

Elysios inter manes , coetusq; uerendos

Letheos sequeris per stagna liquentia pisces ;

Seu legis æternos formoso pollice flores ,

Narcissumq; , crocumq; , & uiuaces amaranthos ;

Et uiolis teneras misces pallentibus algas ,

Adspice nos , mitisq; ueni . tu numen aquarum

Semper eris , semper lætum piscantibus omen .

Vt nymphis , Nereoq; , ut flauicomæ Amphitrite ,

Sic tibi uicētrices fundent libamina cymbæ .

Interea tumulto supremum hoc accipe carmen ,

Carmen , quod , tenui dum nectit arundine linum ,

Piscator legat : & scopulo suspiret ab alto .

In gremio Phyllis recubat Sirenis amata .

Consurgis gemino felix Sebethæ sepulchro .

My. Dulce sonāt Lycida tua carmina : nec mihi malim

Halcyonum lamenta , aut udo in gramine ripæ

Propter aquam dulces cycnorum audire querelas .

Sed tu : sic faciles uicina Megaria semper

Sufficiat conchas : sic proxima Mergilline

Ostrea, saxosæq; ferat tibi rupis echinos:  
 Quandoquidem nox obscuras iam distulit umbras,  
 Nec dum permensus calum Sol: incipe rursus,  
 Atq; iteras mihi carmen. Habent iterata leporem.

Ly. Ne miserum ne coge Mycon. sat lumina, sat iam  
 Exhaustæ maduere genæ. dolor (adspice) siccas  
 Obduxit fauces: quatit & singultibus imum  
 Pectus: anhelantemq; animam uox ægra relinquit.  
 Et tamen hæc alias tibi nos, & plura canemus,  
 Fortasse & meliora, aderit si musa canenti.  
 Quin & ueliferis olim hæc spectanda carinis  
 Seu Prochyta, seu Miseni sub rupe patenti  
 Inscribam: grandesq; notas ferrugine ducam:  
 Præteriens quas nauis mari percurrat ab alto;  
 Et dicat. Lycidas, Lycidas hæc carmina fecit.  
 Sed quoniam socij passim per litus ouantes  
 Expectant, poscuntq; tuas ad retia uires:  
 Eia age iam surgamus. ego hæc ad busta sedebo.  
 Tu socios inuise: escas nam querere tempus:  
 Et tibi nunc uacua fluitant sine pondere nassa.

## E G L O G A   S E C V N D A

## G A L A T E A.

FORTE Lycon uacuo fessus confederat antro  
 Piscator, quâ se scopuli de uertice, lato  
 Ostentat pelago pulcherrima Mergilline.  
 Dumq; alij notosq; sinus, piscosaq; circum  
 Aequora collustrant flammis, aut linea longe  
 Retia, captiuosq; trahunt ad litora pisces:  
 Ipse per obscuram meditatur carmina noctem.

Immitis Galatea: nihil te munera tandem,  
 Nil nostræ mouere preces? uerba irrita uentis  
 Fudimus: & uanas scopulis impingimus undas.  
 Adspice, cuncta silent, Orcas & maxima Cete  
 Somnus habet, tacitæ recubant per litora Phocæ.  
 Nôzephyri strepit aura: sopor suus humida mulce  
 Aequora: sopito conniuent sidera calo.  
 Solus ego (hei misero) dum tristi pectore questus  
 Nocte itero, somnum tota de mente fugavi,  
 Nec tamen ulla meæ tangit te cura salutis.  
 At non Praxinoe me quondam, non Pholybotæ  
 Filia despexit, non diuitis uxor Amyntæ,  
 Quamuis cultu sinu, quamuis foret alba papillis.  
 Quin etiam Aenaria (si quicquam crudis) ab alta  
 Sæpe uocor. solet ipsa meas laudare camœnas  
 In primis formosa Hyale: cui sanguis Iberis  
 Clarus auis: cui tot terræ, tot litora parent:  
 Quæq; uel in medijs Neptunum torreat undis.  
 Sed mihi quid profunt hæc omnia, si tibi tantum  
 (Quis credat Galatea?) tibi si denique tantum

G A L A T E A

Displiceo? si tu nostram crudelis auenam  
 Sola fugis? sola & nostros contemnis amores?  
 Ostrea Miseni pendentibus eruta saxis  
 Milie tibi misi: totidem sub gurgite uasto  
 Pausilypus, totidem uitreis Euploæa sub undis  
 Seruat adhuc. plures Nesis mihi seruat echinos,  
 Quos nec uere nouo folijs lentiscus amaris  
 Inficit, aut uacua tenuant dispendia Lunæ.  
 Præterea mihi sub pelago manus apta legendis  
 Muricibus: didici Tyrios cognoscere succos,  
 Quoq; modo plena durent conchilia testa.  
 Quid refugis? tingenda tibi iam lana paratur,  
 Qua niteas, superesq; alias Galatea puellas.  
 Lana maris spumis quæ mollior. hanc mihi pastor  
 Ipse olim, dedit hanc pastor Melisæus, ab alta  
 Cum me forte senex audisset rupe cauentem:  
 Et dixit, puer ista tuæ sint præmia Musæ,  
 Quando quidem nostra cecinisti primus in æta.  
 Ex illo in calathis seruauit, ut mittere possem.  
 Sed tu (nequa mihi superet, spes nequa futuræ  
 Conditio Galatea) manum mihi dura negasti.  
 Hoc est, hoc miserum quod perdidit. ite camœnæ,  
 Ite procul, spreuit nostras Galatea querelas.  
 Scilicet, exigua uideor quòd nauita cymbæ,  
 Quodq; leues hamos, nodosaq; retia tracto,  
 Despicias. an patrio non hoc quoque litore Glaucus  
 Fecerat? æquorea Glaucus scrutator arenæ,  
 Et nunc ille quidem tumidarum numen aquarum.  
 Sed nec, quæ nimium uel me sic falsa fatigat,  
 Fabula te moueat Lydæ. Licet illa puellis



Yactet, nescio quas mihi se misisse coroleas:  
 Non me Lyda tamen, non impulit, æ quora testor,  
 Nereidasq; omnes. si fallo, naufragus illas  
 Experiar, salsosq; bibam sub gurgite fluctus.  
 Heu quid agam? externas trans pōtū quærere terras  
 Iam pridē est animus: quo nunquā nauita, nunquā  
 Piscator ueniat. fors illic nostra licebit  
 Fata queri. Boreæ extremo damnata sub axe  
 Stagna petam, et rigidis nunquā non cana pruinis?  
 An Libyæ rapidas, Austriq; tepentis arenas,  
 Et uideam nigros populos, Solemq; propinquum?  
 Quid loquor infelix? an non per saxa, per ignes,  
 Quo me cunque pedes ducunt, mens ægra sequetur?  
 Vitantur uentii: pluuiæ uitantur, & æstus:  
 Non uitatur amor. mecum tumuletur oportet.  
 Iam saxo me me ex illo demittere in undas  
 Præcipitem iubet ipse furor. Vos ò mihi Nymphæ,  
 Vos maris undisoni Nymphæ præstate cadenti  
 Non duros obitus, seuasq; extinguere flammæ.  
 Scilicet hæc olim, ueniens seu litore curuo  
 Caietæ, seu Cumarum naualibus altis;  
 Dum loca transibit, raucus de puppe magister  
 Hortatus socios, dextrum deflectite, dicet,  
 In latus ò socij: dexteræ deflectite in undas:  
 Vitemus scopulos infames morte Lyconis.  
 Talia nequicquam surdas iactabat ad auras  
 Infelix piscator, & irrita uota fovebat:  
 Cum eandem extremo ueniens effulsit ab ortu  
 Lucifer, & roseo perfudit lumine pontum.

CELANDON, MOPSVS, CHROMIS, IOLAS.

Ce. DIC mihi (nam Baulis, uerum si rettulit Aegon  
 Bis senos uos Mopse dies tenuere procellæ)  
 Quid tu, quid Chromis intera, quid uester Iolas,  
 Dum Notus insultat pelago, dum murmurat unda,  
 Ecquid desertis uacui lusistis in antris?

Mop. Quid nostræ facerent ingrata per ocia musæ  
 O Celadon? neque tum conchas impune licebat  
 Per scopulos, non octipedes tentare Paguros.  
 Iam fragilem in siccò munibant saxa phaselum:  
 Raraq; per longos pendebant retia remos.  
 Ante pedes cistæq; leues, hamiq; iacebant:  
 Et calami, nassæq;, & uiminei labyrinthi.  
 Tum Chromis Inarimē spectans, his, inquit, ab oris  
 (Ab dirum exilium) nostræ soluere carinæ:  
 Cum regem post bella suum comitata iuuentus  
 Ignotis pelagi uitam committeret undis.  
 Quæ tamen (ut fama est) Ligurū per saxa, per altas  
 Stechadas emicuit: Rhodaniq; inuecta per amnem  
 (Nam, bene si memini, Rhodanū referebat Amilcō,  
 Oceani madidas uidit refluentis arenas,  
 Et quæ cæruleos procul adspicit ora Britanos,  
 Quæ (nisi uana ferunt) quoties maris unda refedit,  
 Indigenæ captant nudos per litora pisces.

Ne Chromi, ne luctus renoua, respondit Iolas:  
 Sat tuus hæc nobis Lucrini nuper ad undam

Narravit Lycabas : Solem se scilicet illic  
 Trans fluctus , trans & nubes uidisse cadentem  
 Haud aliter : quam si nostris è montibus illum  
 Caietæ adspiceret longe post litora ferri ,  
 Et strepitum sensisse ruentis ab æthere currus .  
 Præterea mores populorum , urbesq; locosq;  
 Exposuit , quernasq; domos , & lignea tecta .  
 Addidit & uarias ( heu barbara nomina ) gentes :  
 Bellouacos , Morinosq; : & , quos quis dicere possit  
 Tarbellos : latis errare & flumina campis :  
 Nescio quem Ligerim tectis se innasse carinis .  
 Sed mea nunc aliæ poscunt sibi pectora curæ . ( dor  
 Tu modo , si quid habes ( & te quoq; Chloridis ar-  
 Excruciat ) scopulo hoc mecum meditare uicissim .  
 Audiet , & gracilem percurret Mopsus auenam .  
 Sic illi : ast ego nil contra , sed quæ mihi collo  
 Garrula pendebat , manibus tunc sumpta cicuta est .  
 Scilicet alternos conabar arundine uersus  
 Excipere . alternis nam dicere uterque parabat .  
 Nec mora , iam Chromis hos , hos & referebat Iolas .  
 Chr. Ne reides pelagi sacrum genus , aut mihi uestris  
 Munera ferre uadis , duram quis Chlorida placem :  
 Aut , si muneribus flecti nequit , æquore toto  
 Quærite , quæ nostrum sanet medicina furorem .  
 Iol. Sirenes mea cura , audite hæc ultima uota .  
 Aut reuocet iam Nisa suum , nec spernat Iolam ,  
 Aut uideat morientem . Hæc saxa impulsa marinis  
 Fluctibus , hæc misero uilis dabit alga sepulchrum .  
 Chr. Qualis tranquillo quæ labitur æquore cymba ,  
 Cum Zephyris summæ crispantur leniter undæ ,

Tuta uolat, luditq; hilaris per transtra iuuenius:  
Talus uita mihi, mea dum me Chloris amabat.

Iol. Adspicis, iratae feriant ut saxa procellae:  
Vt ualidis ima Coris turbentur arena.

Iam scopulis furie unda, tremet iam terra tumultu.

Fallor, an haec ipsa est Nisa indignantis imago?

Chr. O Proteu pastor liquidi maris, o pater, o rex,  
(Quando quidem insanos odistis numina fastus)

Quaere Pitheculas tu, cui licet: atque superbae  
Dic Hyale, falsum te pascere monstra per aequor.

Iol. Ille habet, ille meos scopulus mihi seruat amores,

Qui propior terrae est. illum pete Glauce natatu:

Neue manus duri contemnat Nisa mariti,  
Dic te squamigeras traxisse ad litora praedas.

Chr. Est Veneri Cypros gratissima, Creta Tonanti,  
Iunoniq; Samos, Vulcano maxima Lemnos:

Aenariae portus Hyale dum pulchra tenebit,

Nec Samos Aenariam uincet, nec maxima Lemnos

Iol. Gradius Rhodopen, & Mercurius Cyllenen,

Ortygiam Phoëbe, Tritonia iacet Himetton:

Nisa colit Prochytem: Prochytes si commoda norint,

Ortygiam Phoëbe, Tritonia linquet Hymetton.

Chr. Hic specus, hic rupes, texendisq; optima nasus

Vimina sunt, iunci, densaq; per auia myrtus:

Si mihi nunc Pholoe, uel tantum Chloris adesset,

Quam bene pugnaces possem contemnere uentos.

Iol. Nulla mihi sine te rident loca, displices aequor,

Sordet terra, leues odi cum retibus hamos.

At si aderis tu Nisa, placebunt omnia: letus

Tunc ego uel lybicis degam piscator arenis.

Chr.

Chr. Dat Rhombos Sinuessæ, Dicarchi litora Pagros,  
 Herculeæ Mullum rupes, Synodontas Amalphis:  
 Parthenope teneris scire ambitiosa puellis:  
 Quis mihi nunc alias scrutari suadeat algas?  
 Iol. In fluuijs Mugil uersatur, Sargus in herbis,  
 Polypus in scopulis, medijs Melanurus in undis:  
 Ante tuas mea Nisa fores ego semper oberro:  
 Quæ mihi det tales iucundior insula portus?  
 Mop. Hæctenus ò Celadon resonis sub rupibus illos  
 Inter se uario memini contendere cantu,  
 Horrida uentosi ridentes murmura ponti.  
 Qui tamen & laudes, & munera digna tulere  
 Carminibus, sed quæ nequeat contemnere Triton:  
 Hic, quam Circeio nudus sub gurgite cepi,  
 Natiuis concham maculis, & murice pictam:  
 Ille recuruato nodosa Coraliam trunco.

FERDINANDO FEDERICI RE-  
 GIS F. ARAGONIO, CALABRIÆ  
 DACI EGLOGA QUARTA.

P R O T E V S.

NVNC primum notas uellis maioribus undas  
 Currimus ò nymphæ Craterides: ordine quando  
 Suadet amor, charæ primos Telluris honores  
 Dicere: caruleæ magni Crateris alumna.  
 Telluris primos charæ dicamus honores,  
 Dum radijs feruens medium sol excoquit æquor.  
 Tu uero patriæ iuuenis decus, edite calo,

P R O T E V S

Spes generis tanti : seu te nimbosa Pyrene  
 Pro dulci Latio , pro nostris detinet aruis :  
 Seu uagus obiecto munimine claudit Iberus :  
 Rumpe moras : nec te latis Hispania regnis  
 Adiciat , stirpis ue tuæ primordia , & ille  
 Gentis honos : licet effuso Tagus impleat auro ,  
 Et pater Oceanus spumanti perluat unda .  
 Nam mihi , nam tempus ueniet , cum reddita sceptræ  
 Parthenopes , fractosq; tua sub cuspide reges  
 Ipse canam : nunc litoream ne despice musam .  
 Quam tibi post siluas , post horrida lustra Lycæi ,  
 ( Siquid id est ) salsas deduxi primus ad undas ,  
 Ausus inexperta tentare pericula cymba :

Quæ uada nō norūt , quis nesciat Protea portus ?  
 Illum olim ueteris pascentem ad saxa Minervæ ,  
 Mulcentemq; suas diuino carmine Phocas ,  
 E' puppi sensere Melanthius & Phrasidamus ,  
 Ut forte à capris obscura nocte redibant :  
 Sensere & uario delphinas ludere cursu ,  
 Tritonumq; choris longe freta pulsa sonare .  
 Ipse autem , haud quaquam mortali digna refert  
 Verba sono , uacuas lætus cantabat ad auras :  
 Terrigena ut quondam matris de uentre Tiphocus  
 Exiliens , infanda deos ad bella uocasset :  
 Ut fratrum primus , furis , & hiantibus hydris  
 Instructus , densas ductauerit ipse cateruas :  
 Ut nisu ingenti partes de monte reuulsas  
 Aenariam , Prochytenq; altis immiserit astris ;  
 Ac totum subito cælum tremefecerit ictu :  
 Tum pater haud segri molitur fulmina dextra

Immanis acies deiecerit , atque trophæum  
 Iusserit ardentem tectari sulfure Baias,  
 Quod gens uicta illis lauisset uulnera lymphis .  
 Hinc magni Alcidae tauros, stratūq; profundum  
 Aggeribus memorat, ductamq; per oppida pompā.  
 His ueteres addit Cumas, loca cognita Phæbo,  
 Vatis & horrendæ lucos, Triuiæq; recessus,  
 Cimeriumq; domos, & opacat in uallibus antra.

Te quoque formosæ captum Nefidos amore  
 Pausilype irato compellat ab æquore questu .  
 Ah miser, ah male caute, tuæ quid fata puellæ  
 Ad celeras? cupit in medios euadere fluctus  
 Infelix: cupit insuetum finire dolorem .  
 At tibi nec curæ est, quod eam Neptunia monstra  
 Circumstent, mare nec rapido quod sorbeat aestu .  
 Ah miser, ah male caute, ultra quid brachia tendis?  
 Siste gradum . riger illa iugis adsueta niuosis  
 Venatrix: quam mille feræ timere sequentem  
 Per saltus . uos hanc Panope, uos candida Drymo,  
 Cymothoeq; , Rhoeq; , Pherusaq; , Dinameneq;  
 Accipite, & uestris sociam lustrate choreis .

Tum cauit antiquas sedes, opulentaq; regna  
 Auricomæ Sirenis, & alium in monte sepulchrum,  
 Sacraq; Chalcidicosq; deos, magnisq; per æquor  
 Auspicijs uetas hæc ipsa ad litora classes .

Tum liquidos fontes subter caua mœnia ducit,  
 Ad tollitq; arces, & culmina montibus æquæ  
 Tectorum: uastas protendit in æquora moles,  
 Eupleamq; procul trepidis dat cernere nautis,  
 Atque Pharon iungit scopulos, præruptaq; saxa

Theleboum, Sarniq; amnes, & pingua culta.

Tum canit, ut Corydona sacro Melisæus in antro  
Viderit, & calamos labris admouerit audax:

Formosum quibus ille olim cantarat Alexin,  
Dixerat & musam Damonis, & Alpheſibœi.

Quis fretus, dictante Dea, tot sidera nobis  
Prodiderit, tantas cæli patefecerit oras.

Quid referā aut stabias, aut quæ tenuisse canoris  
Virginibus factis est abeuntes saxa carinas?

Aut terrifici sonitus, ignemq; Vesui,  
Et desolatas passim defleuerit urbes?

Postremo reges, regumq; ex ordine pugnas  
Enumerat: belliq; artes, & præmia narrat.

Addit tristia fata, & te, quem luget ademptum  
Italia infelix (sive id grauis ira deorum,

Seu fors dura tulit) trans altas euehit alpes.

Mox agit Oceani prope litora: denique sistit  
Spumantem ad Ligerim, paruaq; includit in urna.

Heu sortē miserandā, heu pectora cæca futuri.  
Hæcine te fessum tellus extrema manebat

Hospitijs, post tot terraq; marisq; labores?

Pone tamen gemitus, nec te monumenta parentū,  
Aut moueant sperata tuis tibi funera regnis:

Grata quies patriæ: sed & omnis terra sepulchrum.

Hæc ille, & quæ uix audita prioribus annis  
Heroum longæua queat meminisse uetustas,

Comemorat. socio respondent æ quora plausu:

Luna suam donec paulatim fundere lucem

Cæpit, & ad uitreas redierunt numina sedes.



CASSANDRAE MARCHESIAE,

MVLIERI PRAESTANTISS.

E C L O G A V.

HERPYLIS PHARMACEVTRIA.

Dorylas, Thelgon.

SED iam vulgatos & nos referamus amores:  
 Quos pariter grata scopuli pendentis in umbra  
 Hinc Dorylas, hinc Theleboi maris adcola Thelgon  
 Certantes docuere. quibus caua litora, & ipse  
 Aequoreus Platamon, sacrumq; Serapidis antrum  
 Cum fonte, & Nymphis adsulauere marinis.

Tu mihi, seu doctas percurris Palladis artes,  
 Maoniaq; aurum, & subtegmina uincis Arachnes;  
 Seu Dryadum choreis, coetuq; immista Dianæ  
 Haud minor incedis; pietaq; adcineta pharetra  
 Venatu Prochyten, maternaq; regna fatigas;  
 Siue Dicarchæis quæ molibus adsilit æquor,  
 Ludentes spectas Nereidas: en age nostros,  
 (Siquis honos pelagi) Cassandra en adspice lusus.  
 Non ingrata cano, penitusq; iniussa. Neq; unquam  
 Arguerint uentura meis te sacula chartis  
 Præteritam. faueat modo non inuitus Apollo,  
 Et qua me facili uexere per æquora remo  
 Pierides: quis longa dies, & nomina curæ.  
 Interea Dorylan iuuet hic audire canentem.

Do. Sebethi ad liquidas descenderat Herpylis undas,  
 Herpylis Euboidum non ultima: quam pater Alcô

H E R P Y L I S

Erudijt, Musis & Phæbo cognitus Alcon.

Venerat & socij partem subitura laboris

Vnanimis soror, & calathum de more ferebat.

Ipsa comas effusa, pedemq; exuta sinistrum

Cum phileris longum submurmurat: atq; ita fatur.

Pone aram, & uiuos hauri de flumine rores,  
Canaq; uicino decerpere absinthia campo.

Illum illum magicis conabor adurere sacris,

Qui miseram tota spoliata mente reliquit.

Voluite præcipitem iam nunc mea licia rhombum.

Rhombus ad Aemonias reuocetur abeneus artes:

Sistere qui pluuias, qui pellere nubila celo,

Qui potis est trepidos undis abducere pisces.

Voluite præcipitem mea licia uoluite rhombum

Alga tibi hæc primum tumidi purgamina ponti.

Spargitur, & rapidis absumitur arida flammis:

Sic mihi sic Mæon uraris ad usque medullas.

Voluite præcipitem iam nunc mea licia rhombum.

Ter muscum Clearista, ter hunc sine forcipe cancrum

Vre simul, cumq; his dic uiscera Mæonis uro.

Voluite præcipitem mea licia uoluite rhombum.

Spogia nunc lacrymis perfunditur. heus bona magno

Spongia nata mari, lacrymas bibe sedula nostras.

Utq; rapis sitiens illas, sic Mæonis omnem

Mæonis ingrati rapias de pectore sensum

Voluite præcipitem iam nunc mea licia rhombum.

Vt pumex pinguescit, ut æquoris unda quiescit,

Quæ uentis agitata huc, illuc concita fertur.

Sed quid ego heu tristi pectus concussa dolore

Imprecer, & uanis iactem conuicia uentis.

Mæon tot mihi damna, ego Mæoni uerba rependam?

Voluite præcipitem mea licia uoluite rhombum.

Huc huc, qui rigida meditaris uulnera cauda

Sæue Trigon, & tu, proprium cui sistere naues

Veliferas Echenæis, adeste: & Mæonis acres

Tu retinere pedes, tu figere corda labora.

Voluite præcipitem iam nunc mea licia rhombum.

Tunde iecur, spumamq; simul torpedinis atræ.

Hæc ego cras illi lethalia pocula mittam:

Ebibat, & subito pallantes torpeat artus.

Voluite præcipitem mea licia uoluite rhombum.

Scinde manu Leporem. Leporis pene trabile uirus.

Nascitur Eois hic fluctibus: adtulit Aegle,

Docta Aegle, iussitq; inimicum tangere limen.

Curre age, tange simul, simul obline. cras mihi pœ-

Perfidus ille dabit: gemet ipso in limine Mæon. (nas

Sistite præcipitem iam nunc mea licia rhombum.

Contere & Halcyonis nidum mihi. Pellere uentos

Dicitur, & sæuas pelagi mulcere procellas.

Forsitàn hic nostros sedabit pectoris æstus.

Sistite præcipitem, iam sistite licia rhombum.

Hactenus ille. quid huic subiunxerit ordine Thelgō,

Accipe. non omnes unus dolor angit amantes.

Thel. Rupe sub hac mecum sedit Galatea. uidebam

Et Capreas, & quæ Sirenum nomina seruant

Rura procul. ueteres alia de parte ruinas

Herculis, ambusta signabat ab arce Veseuus.

Exere cæruleos Triton de gurgite uultus.

Ipsæ meas Triton Nereo deferre querelas,

Ipsæ potes curua resonans super æquora concha

Et scopulis narrare, & fluctuagis Balanis.

Exere cæruleos Triton pater exere uultus.

Hic primos mihi congressus dedit illa roganti:

Hic niueam formosa manum porexit, & (eheu  
Quid recolo?) tacitos in me defixit ocellos.

Exere cæruleos Triton de gurgite uultus.

Huc ades ò mea cura. quid ò quid lenta moraris?

Ipsè ego te propter, socios, cymbamq; reliqui.

Exere cæruleos Triton pater exere uultus.

Hic tibi consuetas formosior explicat umbras

Populus. amplector sæpe hanc, atq; oscula figo

Corticibus: sæpe ipsa pedum uestigia quero:

Et siquid manibus tetigisti, floribus orno.

Exere cæruleos Triton de gurgite uultus.

Quem mihi nunc præfers? si te iuga frondea, si te

Arbuta, pascentesq; iuuant per rura capellæ:

Nos quoq; non graciles nunc primû iungere auenas

Discimus. incisas implent mea carmina fagos:

Et mea Mænalys pendet iam fistula siluis.

Exere cæruleos Triton pater exere uultus.

Sin magis adrident hæc litora, sin magis aliæ

Diuitiæ pelagi: sparsos quis cogere pisces

Doctior, aut rigidum dextra iactare tridentem?

Exere cæruleos Triton de gurgite uultus.

Non ego delphinis, te iudice, non ego thynnis.

Aequore uel medio dubitem certare natando.

Quid tibi me iactem? cui uix numerare uel hamos

Nunc uacat, aut restes, onerataq; retia plumbo,

Et Sinuessano textas deuimine nassas.

Exere cæruleos Triton pater exere uultus.

Me Ligurum dura rupes, me Gallica norunt  
Litora: piscantem pariter me Varus, & ingens  
Sensit Arar, sensere maris fera monstra Britani.

Obrue cæruleos Triton sub gurgite uultus.  
Et post hæc heu dura fugis. non te mihi tellus  
Extera, non uenti rapuere. sed accipe munus,  
Accipe. non ultra tecum Galatea sedentem  
Adspicies. I, læta nouas meditare choreas.

Obrue cæruleos Triton pater obrue uultus.

## TRAIANO CABANILIO

TROIAE, AC MONTELLAE

D O M I N O.

S A L I C E S.

SI uacat, & blandos etiamnum uentilat ignes  
Quæ dea cærulea uehitur super æquora concha,  
Turrigeramq; Paphon, ditemq; Amathûta tuetur:  
Accipe flumineas properatum carmen ad undas  
O' mihi non dubia Cabanili cognite fama,  
sed longe uarios rerum spectate per usus.  
Nam tibi me doctæ sic deuinxere sorores,  
Sic mea felici permulcent pectora cura:  
Ut uix ulla queam melioris tempora uite  
Te sine, uix placidos per noctem ducere somnos.  
En agendum Traiane, tuis hæc præuia iussis  
Tractanti, iam iamq; animo maiora paranti:  
Da ueniam, & tenues ne dedignare camœnas.

Fortè inter uirides ( si uera est fama ) genistas,

Capripedes Satyri, passimq; agrestia Panes  
 Numina cum Faunis, & montiuagus Siluanis,  
 Exercet dum sol raucas per rura cicadas,  
 Vitabant æstus, quâ pinguia culta uadosus  
 Irrigat, & placido cursu petit æquora Sarnus.  
 Grata quies nemorum manantibus undique riuis.  
 Et Zephyris densas inter crepitantibus alnos.  
 Dumq; leues aptant calamos, dum sibila pressis  
 Explorant digitis, tenuiq; foramina cera  
 Obducunt, uario modulantes carmina cantu:  
 Auricomæ uiridi speculantur ab ilicæ Nymphæ.  
 Dulcia clarisonus soluentes ora cachinnis:  
 Sed prope ferre pedem metuunt. nam sæpe labores  
 Audierant Penæa tuos, & qualibus olim  
 Infelix eheu uirgo Nonacria fatiis,  
 Infelix uirgo ( quid enim non illa moueret? )  
 Pana metu fugiens è uertice Cyllenæo,  
 Pana deum Arcadiæ, quâuis pulcherrima, quamuis  
 Dianæ sacros inter lectissima cœtus,  
 Nodosa tenerum mutarit arundine pectus.  
 Quas simul ac nemorum petulans, effrenaq; pubes  
 Semiferi uidere per herbida prata uagantes;  
 Occultamq; imus flammam traxere medullis:  
 Sic timidus blandis hortantur uocibus ultero.

Huc huc ò teneræ placidissima turba puellæ:  
 Quid procul adstatis? potius succedite ridæ,  
 Et uiridi in prato mollie, de more choreas  
 Ducite: quandoquidem calamos inflammas inertes:  
 Et frustra ad surdas iactamus carmina siluas.  
 Illæ nil contra: celeri sed uida parabant

Crura fugæ, totosq; agitabant mente receptus,  
 Si quæ forte uiam per saxa irrumperere, & altis  
 Euasisse iugis, deus, aut sua fata dedissent.  
 Tum iuuenes, procul ò, clamant, procul iste puellæ  
 Sit timor: ingruuas animo depellite curas:  
 Nullæ hic insidiæ, nullæ per aperta latebræ:  
 Cuncta patent: nullas abscondunt hæc loca fraudes.  
 Nos quoq; non Lernæ monstris, non igne Chimæræ,  
 Scyllæis ue lupis geniti, aut latrante Charybdi,  
 Qui uestra immani laceremus uiscera morsu:  
 Sed diuum genus, & qui semper rupibus altis  
 Vobiscum crebris uenatibus insultemus.  
 His dictis permulsi animi, securaq; tristem  
 Corda metum eijciunt: gressuq; per uia citato  
 Prata, deus tandem cupidis, ripæq; propinquant.  
 Tum manibus simul implicatis per gramina festas  
 Exercent choreas: aliosq; , aliosq; reflexus  
 Inter se lætæ repetunt: nunc corpora librant  
 In saltus: nunc molle latus, nunc condida iactant  
 Brachia: & alterna quatiunt uestigia planta.  
 Hic Satyri, quanquam uoces audire canentum  
 Crudeles, quanquam niueas spectare papillas  
 Exultant, oculisq; bibunt sitientibus ignem:  
 Tanta tamen sæui gliscit uis effera morbi  
 Pectoribus, præcepisq; amor, & malesana libido;  
 Ut calamis sensim eiectis, ruptoq; repente  
 Fœdere. surgentes ab humo, uento ocyus omnes  
 Exiliant; spretaq; deum dietate, fideq;  
 Ah pauidas Nymphas, subitoq; horrore rigentes  
 Innuadant anidi; seuorum more luporum,

Qui letas medijs proturbant lusibus agnas,  
 Oblitasq; sui passim rapiuntq; trahuntq; .  
 Dum uiridi in campo cursant, aut ualle sub alta  
 Et custos ignarus abest, & amica carum uis.  
 Sic illi. at misera discisso pectore Nymphæ  
 Frondiferam mœstis siluam clamoribus implent:  
 Atque huc, atq; illuc fugiunt. non saxa, neq; alciis  
 Tuta putant loca senta rubus. hinc ardua montis  
 Prærupti iuga, diffusos hinc stagna per agros  
 Adtonita circumspiciunt. uia nulla salutis:  
 Et iam spes prærepta fugæ: tum denique ad undas  
 Consistunt trepidæ, flansq; à uertice crines  
 Cum lacrymis, gemituq; & flebilibus lamentis  
 Abscindunt, Sarnumq; uocant, liquidasq; sarores:  
 Dūq; uocāt, fundo properat chorus omnis. ab imo  
 Naiadum: properat uitreæ rex cæruleus undæ  
 Sarnus, inexhaustumq; uadis ciet agmen aquarum  
 Rauca sonans. sed quid Sarnus ue, aut illa natant  
 Agmina Naiadum possint, ubi ferrea contra  
 Stant fata, & duro leges adamante rigescunt?  
 Ergo defectæ cura, auxilioq; deorum,  
 Ac cælum pariter Nymphæ, lucemq; perosæ,  
 Vnum illud, rebus tandem quod restat in arētis,  
 Finem optant. iamq; influuium se mergere ad ora,  
 Membra reclinabant, & aquis pronò ore petebāt:  
 Cum subito obriguere pedes: lateq; per imos  
 Exspatiata ungues radix, fugientia tardat,  
 Adfigitq; solo uestigia: tum uagus ipsis  
 Spiritus emoritur uenis: indignaq; pallor  
 Occupat ora: regit trepidantia pectora cortex.



Nec moras pro digitis ramos exire uideres,  
 Auratasq; comas glauca canescere fronde:  
 Et iam vitalis nusquam calor: ipsaq; ceduna  
 Viscera paulatim uenienti frigida ligno.  
 Sed quamuis totos durata corporis artus,  
 Caudicibusq; latus, uirgulisq; undique septe,  
 Ac penitus Salices: sensus tamen unicus illis,  
 Siluicolas uirare deos; & margine ripæ  
 Hærentes, medio procumbere fluminis alueo.

FRAGMENTVM EIVSDEM  
 AUCTORIS.

OPTATOS iã Euplea mihi circũspice portus  
 Quo liceat trepidas piscanti includere prædas,  
 Et Zephyris releuare graues spirantibus æstus;  
 Si qua mouet cupidam uelocis gratia cymbæ.  
 Tuq; ades ò nostri merces non parua laboris,  
 Quæ Phæbus mihi, quum doctæ, mea iurba, puella  
 Conciliant, dumq; ipse ratem de litore pello,  
 Da uela insinuans, pelagoq; excurre patienti  
 Pars animæ Puderice meæ. te nam sua Nereus  
 Per uada, te medio Doris uocat amula fluëtu,  
 Dum late horrifonũ cæpus strepit omnis aquarum:  
 Lucrina ad Veneris templum conuenerat omnis  
 Aenaria, Prochytaq; manus: Zephyraus opaca  
 Scilicet Aenaria, Prochyta uenit Euthycus alta  
 Insignes ambo calamis, & uersibus ambo,  
 Adptus uterq; fretis, piscatibus aptus uterque;  
 Ille hamos uersare, hic retia soluere in æquor,

**Tum** prior hæc Zephyræus. Adeste ò litore ab omni  
Piscatorum artes; liquidas exquirite sedes;  
Vertite tritonum latebras; penetrare recessus  
Nereidum: nunquam nostros sedabit ignes:  
Nunquam me Pholoe, nūquā me Chloris amabit.  
Ede tuos tandem tecum caua buccina cantus.

**Testis** Cymothoe, testis mihi candida Chlotho,  
Optavi quoties medijs in fluctibus ægram  
Proijcere hanc animā; quoties ego gurgite in alto  
Occurri monstris immanibus, horrida Cete  
Ut saltem mi seros lacerarent dentibus artus.  
Ede tuos tandem tecum caua buccina cantus.

**Omnia** tentavi, terras, mare, nubila, cælum,  
Ventorumq; domos, & tempora quattuor anni;  
Omnia sed nocuere simul. uos ite puellæ,  
Ite Deæ pelagi, furij arcessite nostris  
Nunc alios succos, aliasq; Melampodis herbas.  
Ede tuos tandem tecum caua buccina cantus.

**Non** magicos uersus, ignotaq; nomina rerum,  
Dissimilesq; Deos, Erebumq; Chaosq; refugi.  
Ipsos quinetiam filo conuoluere rhombos  
Edidici, partesq; meas de litore Echinos,  
De scopulis muscum, de fluctibus hausimus undā.  
Ede tuos tandem tecum caua buccina cantus.

## ACTII SYNCERI

SANNAZARII NEAPOLITA-

NI, VIRI PATRICII

ELEGIARVM LIB. I.

AD LVCIVM CRASSVM.

E fœcunda tenent saxosi rura Pe-  
trini,

T Rura olim proavis facta superba  
meis.

Et Simuffanas spectas, mea gaudia,  
Nymphas,

Quiq; nouo semper sulfure fumat ager.

Et modo miraris ueteres in litore portus;

Nunc, Liris gelida quæ fluit amnis aqua.

Cunctaq; felici figis uestigia cura,

Observas latæ dum monumenta uia.

At mihi pagana dictant siluestria Musæ

Carmina, quæ tenui gutture cantat Amor.

Fidæq; secretis respondet silua querelis:

Et percussa meis uocibus antra sonant.

Nec tantum populos, nec tantum horrescimus urbes,

Quantum non iustæ sæuitiam dominæ.

Hoc uitæ genus, hoc studium mihi fata ministrant:

Hinc opto cineres nomen habere meos.

Me probet umbrosis pastorum turba sub antris,

Dum rogat agrestem lacte repente Palem.

Me rudis indocta moduletur arundine Thyrsus;

ELEGIARVM

Et tam constanti laudee amasse fide .  
 Inde super tumulumq; meum , manesq; sepultos  
 Tityrus ex hедера ferta uirente ferat .  
 Hic mihi saltabit Corydon , & pulcher Alexis :  
 Damœtas flores sparget utraq; manu :  
 Fluminibusq; sacris umbras inducet Iolas ,  
 Dum cogit saturas Alpheſibœus oues .  
 Non mihi Mœonidem Luci , non cura Maronem  
 Vincere : si fiam notus amore ; sat est .  
 Quid feret Aeacides nobis , quid cautus Vlyſſes ?  
 Quid pius Aeneas , Ascanius ue puer ?  
 Iſta canant alij ; quorum ſtipata triumphis  
 Muſa uagum e' tumulis nomen in aſtra ferat .  
 At mihi tete auidis liceat uincire lacertis ;  
 Osculaq; optata ſumere longa mora .  
 Et liceat poſita mirari membra lucerna ;  
 Noctis & inſolitas neſtere blanditias :  
 Atque manus , atque ora tuis componere in ulnis :  
 Teq; meo laſſam ſæpe fouere ſinu .  
 Sed quid ego , hei miſero , uentofus inania ſingo  
 Somnia ; quæ forſan non feret ulla dies ?  
 Felix , qui potuit duram exorare puellam ;  
 Et capere optati gaudia coniugij .  
 Ille dies , noctesq; ſuos decantat amores ;  
 Et recolit Veneris dulcia furta ſua .  
 Ille etiam liquido perfuſus odore capillos ,  
 Exercet tenerum nocte iuuante latus :  
 Inq; ſinu Dominae primos reminſcitur ignes ;  
 Quoc leuiter pennis aureus afflat Amor :  
 Nec cupit , Aethiopum quæ canent uellera ſiluis .

Nec,

Nec, quæ Sidonio lana cruore rubet.  
 Solus habet, fuscis quicquid portatur ab Indis:  
 Solus habet ripas aurifer Herme tuas;  
 Et quascunque metit segetes fragrantibus aruis  
 Medus, & assiduo sole perustus Arabs.  
 Nō auro, aut gemmis miseri torquemur amantes.  
 Qui dominam poterit flectere, diues erit.  
 Diues ero ante alios, si te mea uita uolentem  
 Sustineam ignota pauper, & exul humo.  
 Nam quid rubra iuuant fulgentibus æquora conchis?  
 Aut quæ multa niger rura Sabæus arat?  
 Quid ue torus prodest, pluma spectandus, & ostro;  
 Si non est gremio cara puella meo?  
 Si trahere infelix inter suspiria noctem  
 Cogor; &, æternos esse, negare, deos?  
 Num me neglectis deuouit saga sepulchris?  
 Num rumpunt somnos carmen, & herba meos?  
 Carmen inaccessa traducit ab ilice glandes.  
 Carmen nocturnæ supprimit ora canis.  
 Carmen & infirmi pallentem sanguine Solem  
 Inficit; & Lunæ sistit euntis equos.  
 Quid queror infelix? utinam mihi sola nocerent  
 Carmina, nec nostro pectore inesset Amor.  
 Ille uel Aëæ superat cantamina Circes;  
 Ille uel Aemonijs nata uenena iugis.  
 Parce puer: non uana queror: tu unlnere nostro  
 Crescis; & exultas sæue cruore meo.  
 Quòd si te nostræ ceperunt tedia uitæ:  
 Ne cesset, quæso, funeris atra dies.

AD IOANNEM PARDVM  
HISPANVM.

**P**ARDE decus patriæ. spes maxima Parde tuorum,  
 Atque idem Hispani gloria rara soli:  
**Q**uem iuuat immensi causas exquirere mundi,  
 Primâq; constanti corpora iuncta fide:  
**A**n magnum æterno uoluatur numine cælum:  
 An propria hoc igens mole labore opus:  
**C**ur falsi fluctus: cur ignibus æstuet Aetna:  
 Cur uomat epotas uasta Charymbdis aquas:  
**V**nde nitior stellis: cur nox maior ue, menor ue:  
 Cur non ipsa suo lumine Luna micet.  
**F**elix, cælestes cui fas nunc scandere sedes:  
 In quas post obitum fata uenire sinant.  
**A**t nos per siluas, & sordida rura capellas  
 Versamus: quando Phyllis amare iubet.  
**E**t teneris nostros ulmis incidimus ignes;  
 Quos legat errantum cœtus Hamadryadum.  
**E**t nunc capreolos, & nunc uenamur onagros:  
 Interdum sæuas fallimus arte feras.  
**S**æpe iuuat, pietas uisco captare uolucres:  
 Nec Satyris ipso cedimus aucupio.  
**Q**uòd mihi si liceat tenui reuocare cicuta  
 Trinacrii niueas v pilionis oues:  
**R**ura colam semper: populi ualeatis, & urbes!  
 Rura dabunt oculis grata theatra meis.  
**I**llic gramineas, pastorum bella, palæstras  
 Adspiciam, & celeri præmia parta pede.

Nec me pœniteat sudibus certare colurnis;  
 Aut armare cauis pectora corricibus.  
 Pugnabunt tauri, pugnabunt cornibus hirci:  
 Victores molli cespite ferta ferent.  
 Plenaq; pellitus lustrabit ouilia pastor:  
 Ponet & agricolis rustica liba Deis.  
 Stabunt capripedes abiegno robore Fauni:  
 Stabit & indocta falce dolata Pales.  
 Quorum solennes ictus cadet agnus ad aras;  
 Ictus, ut innumeras expiet agnus oues.  
 Tum milium, & niueo statuet flumantia lacte  
 Pocula; uotiuas concipietq; preces:  
 Et ter transfiliet flammantes pouus aristas,  
 Ter quoque non tardo rustica turba pede.  
 Dii facite, inter oues, interq; armenta canendo  
 Deficiam; & siluis me premat atra dies:  
 Ut me non docta deploret pastor auena:  
 Utq; sub umbrosa contumuler platano:  
 Ossaq; pascentes uenerentur nostra capellæ:  
 Nec procul à tumulo candida balet ouis.  
 Exultent alij panchæo munere manes;  
 Et querant parijs marmora cæsa iugis.  
 Misat erit, ueteres recolat si Phyllis amores;  
 Conserat & uernas ante sepulchra rosas.

## A D A M I C A M.

NVLLA meos poterit mulier præuertere sensus;  
 Ipsa licet cælum linquat, & astra Venus.  
 Tu puero teneris ignis mihi primus ab annis:

Vltima tu tremulo flamma futura . seni  
 Iam sanxere semel nos inter fœdera diui ,  
 Fœdera ad extremos non soluenda rogos :  
 Ut , si nostra tuo superesset funere uita ;  
 ( dii tamen in uentos omen abire sinant )  
 Ipse ego composito uenerarer operata sepulchro  
 Ossa , ferens mœsta thura , merumq; manu .  
 Umbrarumq; sacer custos , tumuliq; sacerdos  
 Concinerem querula tristia uerba lyra .  
 Nec me complexa quisquam diuelleret urna ;  
 Quin cineri moriens oscula summa darem .  
 At si ( quod potius cupio ) tibi fata dedissent ,  
 Lumina formosa condere nostra manu :  
 Tunc , mihi cum caros uultus spectare liceret :  
 Atque anima tecum iam fugiente loqui :  
 Ipsa meos tumulo manes laniata uocares ;  
 Inq; tuo legeres ossa minuta sinu :  
 Flebilis & longos scindens ad busta capillos ,  
 Clamares nomen iam moritura meum .  
 Tum cineri , & mutæ persoluens iusta fauilla ,  
 Mista dares rutilis lilia cana rosas .  
 Illic mœsta dies , illic consumere noctes  
 Optares ; nec te uinceret alter Amor :  
 Sed memor usque uiri , canis ueneranda capillis ,  
 Adferres tremula munera cara manu .  
 O' mihi , dum tales tumulo reddantur honores ;  
 Tam lentam Lachesis scindat auara colum .  
 Non , ut nostra nouos Arabum bibat urna liquores ;  
 Vstus & Assyrio spiret odore cinis :  
 Aut ut clara mei notescat fama sepulchri ;



Altaq; marmoreus sidera tangat apex :  
 Sed magis ut liceat longas audire querelas ;  
 Et gerere è lacrymis serena rigata iuis .  
 Tunc ego lethea spatiatum in aggere ripæ ;  
 Quà nitet obtuso lumine falsa dies ;  
 Quaq; leuis Casiæ nemus , Ambrosiæq; uirentis ,  
 Et fortunatos alluit unda greges :  
 Dulcia præteritæ repetens insomnia uitæ ,  
 Ostemdam Elysijs tot mea dona choris .  
 Felicesq; animas inter felicior ipse  
 Excipiam plausus læta per arua nouos .  
 Atque aliquis comitum , lætusq; hilarisq; recentes  
 Sparget humi flores ; & mihi serena feret .  
 Nec contentus eo , fidos extollet amores ;  
 Narrabitq; alijs de pietate tua .  
 Sed quoniam teneræ uernant nunc læta iuuentæ  
 Tempora & amplexus iungere fata sinunt :  
 Dulcia lasciuo iungamus gaudia lecto :  
 Iam properat mortis panda senectæ comes .  
 Iam properant rugæq; graues , & serior ætas :  
 Nec dabitur molli ludere posse toro .  
 Interea cupidis nectamus colla lacertis :  
 Ultima iam soluet , cum uolet , hora duos .  
 Dii facite , hæc longos maneat spes certa per annos .  
 Candidus & penis omnia firmet Amor .

A D L V C I N A M , P A R T V R I E N T E  
 C O R N E L I A P I C C O L O M I N E A ,  
 A N T O N I I G A R L O N I I  
 A L L I F A R V M D O  
 M I N I C O N -  
 I V G E .

A F F E R opem teneræ tandem Lucina puella:

Auxilio, digna est, quam tueare tuo.

Te uocat; & madidus solam suspirat ocellis;

Et roseo tacitas fundit ab ore preces.

Illa quidem insuetos languet male firma dolore,

Vixq; potest longa tot mala ferre mora.

At tu Diua ueni, tecumq; unguenta repostæ

Pixidis, & si qua est, quæ iuuat, herba, feras.

Sic flentis miseros iuuenis compefcere questus,

sic una poteris sorte leuare duos.

Lucis adest Dea magna: metum iã comprime Carlonis.

Non frustra est lacrymis illa uocata tuis.

Da costum, myrrhamq; , focis, quæq; orbe remoto

Cynnama per rubras nauita uectat aquas.

Ipsè Deam uenerare, sacras proiectus ad aras;

Et genio annosum sæpe refunde merum.

Sed trepidi cessere metus, cessere querelæ.

Iam parit aduentu tacta puella Dea:

Iam puerum est enixa: uides, ut lumine matrem

Exprimat? en tenero quantus in ore decor.

Salue parue puer, cui iam felicia rident

Sæcula; cui pharetram sponte remittit Amor.

Nam siue auratis humeros armare sagittis,

Seu iuuet accensas sollicitare faces ;  
 Seu potius iactare leues pueriliter alas ,  
 Et dare neglectas post tua terga comas :  
 Quis te non paphijs nutritum uallibus , aut quis  
 Idaliæ puerum non putet esse Deæ ?  
 Vire precor , blandumq; oculis ridere parenti  
 Assuesce ; & dulces disce mouere iocos .

## AD IULIUM SENENSEM, EXVLEM.

CVM mihi languētes dolor oppugnaret ocellos ;  
 Cogerer & tristi soluere uerba sono :  
 Ingratos inter gemitus , mœstasq; querelas  
 Allata est manibus litera missa tuis .  
 Inspexi , agnouiq; tuas , mea numena , Musas ,  
 Pieriosq; haustus , castaliumq; decus .  
 Poscis , ut iratum placent mea carmina Phœbum ;  
 Et fleētant duras ad tua uota Deas .  
 Non hoc ingenium , non hæc facundia nostra est :  
 I , precor , atque alio flumine pelle sum .  
 Ille mihi faciles iam pridem denegat aures ;  
 Et uetat argute tangere fila lyæ .  
 Nec mihi iam solito latices de fonte ministrat ,  
 Nec docet opertos Calliopea choros .  
 Quid petis extinctam dilapso à torre fauillam ?  
 Quid miser à nostro uulnere quæris opem ?  
 Iam tibi felici decurrunt carmina uena ;  
 Et rapit ad patrium te tua Musa decus .  
 Ipsa mihi uiso est , te lamentante , Thalia  
 Ingemere , & tristi Delius ore queri :  
 Qualis strimonias olim cum fletet ad undas

**E L E G I A R V M**

Orpheus indignis uocibus Eurydicen:  
 Qui cantu Ismarij gelidis in rupibus Aemi  
 Ad tonuit quercus, adtonuisq; feras:  
 Saxaq; bistonij deduxit montibus; & te  
 Currentem astrictis Hebre repressit aquis.  
 Scilicet egregios semper Fortuna poetas  
 Tanget; & ancipiti deprimet usque rota?  
 Ne ue sit extremos tantum sub morus ad axes  
 Ille, Tomitana qui iacet exul humo:  
 Te quoque nunc rigidi premit inclementia fati;  
 Longius & patria cogit abesse domo.  
 Sed nisi per magnos quæretur fama labores;  
 Omnis in ardentis est abitura rogos.  
 Sic pius Aeneas, sic stirpis Laertus Vlysses  
 Maius post cineres emeruere decus.  
 Sic quoque sublatis Tirynthius undique monstris  
 Visit ab oetæa regna paterna pyra.  
 Et te (credere mihi) tot seua incommoda passum  
 Virtus sublimi ducet in astra uia.

**IN FVNERE SARRI BRANCATII  
 LVCRETIA VXOR.**

**ERGO** importuna ruperunt stamina Parca,  
 Stamina lanifica tam bene ducta colo?  
 Ergo ego, quæ fueram tali modo nupta marito,  
 Frigida nunc tristi conqueror in thalamo?  
 Quiq; his dignus erat uitam exhalasse labellis,  
 Occidit externis aduena litoribus?  
 Felices nimium, fortunataq; sorores,  
 Quæ datis æternis thura sabæa focis.

O' utinam nunquã amplexus, nunquã oscula nossem:

Essem pars uestri nempe ego parua chori.

Chare uir, audaci nimium confise iuuentæ,

Et nimium lacrymis umbra gemenda meis:

Quis te tam densos immittere corpus in hostes

Iussit? an ad pugnam non satis unus erat?

Me miseram, non ulla tuæ te cura puellæ,

Non subiit mœstæ certa ruina domus.

Tu mihi per sanctos solitus iurare hymenæos,

Per non ledendi fœdera coniugij,

Te non immemorem charæ fore coniugis unquam;

Et si letheus tingeret ora liquor.

Quin ipsa admonui; ne sic uiolentus in arma

Irrueres: heu! quò uiolente ruis?

Quò raperis? quò iam nostri tibi cura recessit?

An potes uxoris non meminisse tuæ?

Vix equidem credo; quamuis heu credere cogar;

Tam cito pectoribus me cecidisse tuis.

Sed cecidi; sic fors tulit impia; nullaq; pro me

Vota salutare demeruere Deos.

Hectora sic coniux, sic coniux fleuit Achillem;

-Sic misera extinctum Laodomia uirum.

Nunc mea uirginitas, quando inlibata remansit;

Seruetur cineri non uiolanda tuo.

#### AD DIVVM IACOBVM PICENVM.

SANCTE senex, quem nec sceleris contagia nostri,

Nec pessum uitij's sæcla dedere suis;

Aequasti magnos qui paupertate triumphos;

Tantus amor niuæ simplicitatis erat,

Silua tibi fides, uiridiq; è cespite lectus,

Explebant mensas amnis, & herba tuas.

Talis erat priscis uictus mortalibus olim.

Sed priscis tantum uiuere cura fuit.

At te diuersos natura expendere casus

Iuuat; & instantes diuum aperire metus:

Submotumq; oculis animo percurrere caelum:

Quasq; tenes sedes, mente adusse prius:

Noscere praeterea cunctarum exordia rerum:

Quod uix humanae conditionis erat.

Magnum opus, ut prima surgentis origine mundi,

Omnia sint senis edita luciferis:

Uiq; pater sancta demum cessare quiete

Perfecto artifices iusserit orbe manus.

His addis cultusq; pios, ritusq; uerendos,

Cunctaq; legisfero tradita sacra duci:

Qua'q; suis castae sacris cecinere Sybillae:

Qua'q; sacer uatum spiritus ore refert:

Sidereos partus, demissaq; pignora caelo,

Atque inopes cunas stramineumq; torum:

Speratumq; diu terris, caloq; probatum

Verum hominum, uerum mente, animoq; Deum.

Hinc & supplicium infandum, atq; obprobria mortis,

Claraq; de stygia ducta trophaea domo:

Denique ut ad patrem populo spectante suorum

Cesserit; igniferis praesideatq; locis:

Quantaq; nos maneant promissae gaudia uitae:

Quantaq; uenturae gloria lucus erit.

Miremur, tibi si placidi penetrabile Tonantis,

Et patet immensi regia clara poli:

Cum tantum his superas meritis sit scandere in arces,  
 Quà plaga securum lactea monstrat iter.  
 Scilicet inde datur terras spectare iacentes,  
 Et circumfusi brachia curua maris;  
 Solis & ardentis radios, lunæq; recursus:  
 Qualiter & pacta stent elementa fide:  
 Nec minus æternis niteant ut sidera flammis:  
 Et peragant varias noxq; , diesq; uices.  
 Felix, qui nostras potuisti relinquere curas;  
 Et procul humanas despicere illecebras.  
 Felices, qui te colles uidere loquentem;  
 Quæq; tibi gratos præbuit herba toros:  
 Quæq; arbor, rupes ue sacra te fouit in umbra:  
 Et quæ nunc manes continet urna tuos.  
 Nam licet incultis fuerit tibi uita sub aneris;  
 Nunc pedibus data sunt astra terenda tuis.  
 Attamen ò dic sancte pater, dic addita cælo  
 Gloria, dic patriæ fama, decusq; tuæ:  
 Ecquid te solitis mulcet sapientia chartis,  
 Mollis ubi elysium concitat aura nemus?  
 An iuuat aurata meditantem carmina canna,  
 Nectere purpurea tempora cana rosa?  
 An magne uirginis sedet inuigilare choreis:  
 Cum deceat cælo, quicquid in orbe libet?  
 An potius toto superum spectante senatu,  
 Diluus æthereo crimina nostra foro?  
 Denique quicquid agis, nitidi nouus incola cæli,  
 Pectoribus nostris non leue numen eris.

AD PETRVM DE ROCCA FORTI  
 MAXIMVM REGIS GALLIA-  
 RVM CANCELLARIVM.

QVOD pectus tibi forte, quod ardua pectoris arx est;  
 Quod foris dignum pectore nomē habes:  
 Quod leges sua iura tenent te vindice; quodq;  
 Omnia uirtuti peruia facta tuæ:  
 Autumni sedem, chelasq; Astræa reliqui;  
 Adueniq; tuos noster alumne lares.  
 In cunis ego te, si nescis, sedula foui.  
 Repta si gremio sarcina grata meo.  
 Ipsa tuos finxi mores, animumq;, manusq;:  
 Ingeniumq; sagax, iudiciūq; dedi.  
 Hinc nostri cultusq; frequens, optandaq; rerum  
 Cognito; hinc fidei nomina tanta tuæ.  
 Ad te igitur duplices subnixo poplite palmas  
 Insuetis tendo sollicitata malis:  
 Ne patiare, meas Latio languescere uires.  
 Pendet ab auxilio spes mea tota tuo.  
 Deprimor audaces inter derisa ministros:  
 Nec fas ingenium tollere ad astra caput.  
 Quodq; diu partum est uirtute, & fortibus armis  
 Imperium, foeda seruit avaritiæ.  
 Nec mirum, uestro tantum cum distet ab orbe,  
 Terraq; censura sit procul illa tua.  
 Quis credat? te etis ciues pelluntur auitis;  
 Adrogat iniustas dum sibi fiscus opes;  
 Fiscus opes miserorum, hoc est, heu, parcere uictis?



Hoc est ausonio reddere iura solo ?

Cogitur infelix alienas ire per oras

Nobilitas , patrijs expoliata bonis :

Culpaturq; fides domino seruata priori ,

Et maris , & terræ non labefacta minis .

Scilicet est crimen duram contemnere mortem :

Scilicet est Reges crimine amare suos .

O bene fortunæ memores , quicumque superbas

Hentibus à uictis abstinere manus .

Nam quamuis sæuos illectet præda tyrannos :

Magnanimos Reges gloria sola iuuat .

Delentur nullos hominum benefacta per annos ;

Quaq; licet faciunt nos ratione Deos .

At si quis seræ spernit præconia famæ ;

Quercubus alpis adnumerare potes :

Ergo tu Regem cui fas lenire potentem ;

Da desiderijs uela secunda meis .

Effice , iustitiæ soliti reddantur honores .

Dignus es , alicem qui tueare tuam :

Sed soror ut nostros æquet clementia fasces :

Qua sine , dura nimis , difficilisq; uocer .

O decus , o lapsi spes constantissima sæcli ;

O uir fortuna fortior ipse tua .

Sic tibi contingat , Solyma de gente triumphum ,

Captaq; per nostros signa uidere duces .

Sic Rhodanum Nilo spectes dare iura subactõ :

Perq; Araris ripas plurima laurus eat .

Hoc ego te , mecum hoc Phæbus , doctæq; Sorores ,

Hoc pietas , hoc ius , nobilitasq; rogant .

DE STUDIIS SVIS, ET LIBRIS  
IOVIANI PONTANI.

QVI primus patrios potuit liquisse penates,  
 Et maris, & longæ tædiæ ferre viæ;  
 Quem non mæsta domus, quæ non reuocare parentes,  
 Non potuit fufis blanda puella comis:  
 Impius, & scopulis, & duro robore natus,  
 Atque inter Tygres editus ille fuit.  
 Non mihi circumstat solidum præcordia ferrum:  
 Nec riget in nostro pectore dura silex:  
 Ut possim dulcesq; lares, limenq; puellæ  
 Linquere, & ignoto quærere in orbe domum.  
 Sed Phæbi sacros cogor lustrare recessus,  
 Vocalemq; undam, Thespiadumq; choros:  
 Ut fugiam nigras, supremo in funere flammæ;  
 Et uolitem populi docta per ora mei:  
 Meq; inter claros attollat fama poetas;  
 Nec rapiat nomen nigra fauilla meum:  
 Et nostra celebrata superbiat umbra sepulchro;  
 Spernat & è pharijs marmora cæsa iugis:  
 Non tamen ut magni tumulum tentare Maronis  
 Audeat; aut tantum speret habere decus.  
 Sed quis tam niueis uellat mea Colla lacertis?  
 Quis uetet optato membra fouere sinu?  
 An tanti fuerit sacro Parnasus hiatu,  
 Perq; suas passim templa habitata deas:  
 Ut tibi sit nitidos lacrymis corrumpere ocellos.  
 Discessumq; fleas cara puella meum.  
 Ah pereat, quicumque leues sectatur honores;

Et sequitur famæ nomina uana sua .

Tecum ego nocturnis dubitem cessare choreis ?

Tecum ego conspersa gaudia inire rosa ?

Deductumq; leui crimen perfundere amomo ?

Et noctem insolitis ducere blanditijs ?

Scilicet & Turcas Pontanus in æquora classes ,

Alfonsi & fortes ducat in arma manus ,

Qui nunc nascentis canit incunabula mundi ,

Aureaq; ætherea sidera fixa domo :

Vtq; imbres , lapidesq; pluant , ut nubibus ignes

Exiliant ; salsas ut mare uoluat aquas :

Hesperidumq; hortos , excussa q; poma draconi ,

Rusticaq; ad primos munera missa toros ;

Delicias Lepidina tuas , resonansq; uicissim

Pastorum argutis carmen arundinibus :

Qualiter & fuluis radiet Sertorius armis ;

Et pompeianus pralia tentet eques :

Audeat arguto neu quis contendere uersu ,

Ille uel æterno digna Marone sonat .

Te pater irriguis audit Sebethus in antris ,

Iurgia ad ingratas dum iacis ipse fores .

Inde uocas sacrum festas hymenon ad aras ,

Optati referens fœdera coniugij :

Vtq; tuis primum surgens complexibus uxor ,

Visa si erepta uirginitate queri .

Felix , qui fidos experere coniugis ignes ,

Vidisti sobolis pignora certa tuæ :

Neniolasq; rudes cecinisti , & blanda parentis

Oscula , & ad cunas murmura nata suas .

Felix , excultum torsit quæ Fannia uatem ;

E L E G I A R V M

Quæq; illi regnum Cinnama subripuit.  
 Quamuis dissidij leges patientur amaras,  
 Spectabunt cineres nomen habere suos.  
 Eridani post hæc sed te quis credat ad amnem  
 Populea canas fronde ligasse comas?  
 Et stellam cecinisse, atque impendisse querelas:  
 Spectandos cum iam uix daret illa pedes:  
 Baianosq; sinus, myrtetaq; cognita nymphis,  
 Clausa q; sulphureis antra recurua iugis:  
 Tum superum laudem, mutisq; incisa sepulchris  
 Nomina, collapsos & reparare rogos:  
 Deniq; Pindaricosq; modos, resonantia pleetra,  
 Et Methymnææ fila nouasse lyra:  
 Cum tamen interea motus, atque agmina Regum,  
 Bellaq; campanæ discutiis historiæ.  
 Quin & iucundo dstringis secula morsu;  
 Dum uaser in stygio disputat amne Charon.  
 Taronisq; tui Nigidiq; exempla secutus,  
 Grammaticæ haud spreteas incipis ire uias.  
 Carminis hinc numeros nostris de promis ab ausis,  
 Dignatus pueri uerba referre senex.  
 Quid loquar; ut sacros Mariani exhauriat amnes  
 Aegidius, uerum dum canit ore deum?  
 Aut apta ingratos taxet sub imagine mores  
 Qui super infusas spernit Asellus aquas?  
 Te iuuenesq; senesq; colunt præcepta ferentem,  
 Parthenope spreto quæ Cicerone legit:  
 Ex adyis quicquid diuum sapientia pandit:  
 Et statera tui dogmata firma senis:  
 Quid deceat fortemq; uirum; quæ Principis artes;  
 Largificas

Largificas præstet quæ dare dona manus :

Parendi leges quæ sint , legesq; loquendi :

Edat ut argutos lingua diserta sales :

Quid fortuna homini , quid det prudentia ; quantum

Immanes animos incitans ardor agat ;

Magnanimiq; uiri quæ sint ad singula partes ,

Sive colat pacem , seu fera bella gerat .

Nec fugis astrorum causas aperire latentes ,

Et Ptolemæi fata reposita poli .

Salve sancte senex , uatum quem rite parentem

Præfecit terris Delius Ausonijs .

Non te lætheæ carpent obliuia ripæ ;

Nec totum in cineres uertet auara dies .

Nec tibi plebeio ponetur in aggere bustum .

Niliacas dabitur uincere Pyramidas .

Quid tibi uictrices expectas Umbria palmas ?

Mœnibus has patriæ retulit ille meæ .

Ille suis longum studijs , & laude fruatur :

Me iuuet in Domina consensisse simi .

AD IOANNEM SANCRIVM  
PATRICIVM NEAPOLI-  
TANVM, DE SVO  
IMMATVRO  
OBITV.

SI me seuus Amor patrijs pateretur in oris

Viuere , uel saltem matre uidente mori ;

Ut, quæ uix uno nunc sunt ingesta libello ,

Essent illa suis continuata locis :

Forsitan immites potuiffem temnere Parcas,  
 Duetaq; de pulla tristia pensa cholo:  
 Nec me plebeio ferret Libitina sepulcho;  
 Aut raperet nomen nigra fauilla meum.  
 Nunc cogor dulcesq; lacus, & amoena uireta,  
 Pieridumq; sacros destituisse choros:  
 Nec pote, quæ primis effudit Musa sub annis.  
 Emendaturo subdere iudicio.  
 Sic heu, sic teneræ sulcis refecantur arista:  
 Implumes nido sic rapiuntur aues.  
 Prò superi tenues ibit Syncerus in auras?  
 Nec poterit nigri uincere fata rogi?  
 At tu, quandoquidem Nemesis iubet, optime Sangri;  
 Nec fas est homini uincere posse Deam:  
 Accipe concussa tabulas, atque arma carinae;  
 Naufragijq; mei collige reliquias:  
 Errantesq; cie quocunq; in littore manes;  
 Taliaq; in tumulto carmina cade meo.  
 Actus hic iaceo: spes mecum extincta, quiescit:  
 Solus de nostro funere testat Amor.

IN MALEDICOS DETRACTORES

QUID ruis in sacros temeraria turba poetas?  
 Senaq; mordaci prælia dente moues?  
 Desine sacri lega conuicia fundere lingua;  
 Desine; pro populo stat Deus ipse suo.  
 Quis nouus in furias armat dolor? ite profani.  
 Itē, nec immeritas conscelerate Deas,  
 An monet hoc stygijs immersus scuata lacunis;  
 Dum flens Eumenidum uerbera torta timeret?

**I**llum olim tincta iuuerunt felle sagittæ:

Nunc miserum facti poenitet usque sui.

**P**arcite tam cari manes uiolare parentis,

Per supra, & talos, per cyathosq; rogo.

**A**rs sua quenq; iuuet: non uos Helicon subire,

Non fas uirginei polluere amnis aquam.

**S**cilicet hanc sumpto Iouiani Musa choturno

Hauriat; & magno digna Narone sonet.

**C**ui comes intacta lustrans sacraria siluæ

Altilius, docto pectore carmen hiet.

**N**ec minus & Musæ repetens monumenta iocose

Compater, argutos ingerat ore sales.

**E**lysiusq; hedera comptus florente capillos,

Rara, sed Aonijs concinat apta chorus.

**E**xtendatq; armis titulos Aquinius auitos;

Et doceat nostras cernere castra Deas.

**I**ipse suæ referat Cabanilius ardua Troiæ

Mœnia, & antiquos, Appula regna, rares.

**Q**uiq; uelut tenera surgit nouum arbore ramus

Coruimus quauis aure probanda canat.

**E**t qui Pierijs resonat non ultimus antris

Albinus, referat Principis acta sui.

**T**u quoque quid cessas doctis deflere querelis

Excidium patriæ culte Marulle tuæ?

**Q**uiq; tot egregias animas, tot clara uirorum

Ingenia enixu format, aliiq; suo;

**N**ectat honorata Maius sua dicta corona;

Tamq; pias ferulas, regia sceptrâ uocet.

**Q**uin & rite suos genio Chariteus honores

Præbeat, & festas concinat ante dapes.

E L E G I A R V M

Aelius at blandæ fretus dulcedine linguæ,  
 Facunda totos conterat arte dies.  
 Nec te iam pudeat uenturo ostendere sæclo  
 Eloquij uires Scala diserte tui.  
 Certent socraticis Zenonis scripta libellis;  
 Cuius apis uernos inuulit ore fauos.  
 At tu castalijs non inficiande chores,  
 Castalidos Carbo nunc cane regna tuæ  
 Te quoq; quem gemina mulcet sapientia lingua,  
 Parde iuuet studijs inuigilare tuis.  
 Atque alij, quorum doctas it fama per aures,  
 Extremo properent uincere fata die.  
 Nos quoque, si magnus non auersatur Apollo,  
 Cantemus Nymphas, capripedesq; Deos.  
 Nam bene thespiacas, linor licet audiat, undas  
 Nouimus; & dextro pressimus antra pede.  
 At uos incautis socijs aconita parate;  
 Et furtis miseras extimulate domos:  
 Oedipodisq; modo, thalamos foedate paternos;  
 Si modo dat certum uulgus habere patrem;  
 Nocturnisq; dolis agitate, & cadibus urbem;  
 Perq; fora infestam reddite, perq; uias.  
 Hæc studia, has artes primis didicistis ab annis,  
 Non Aganippææ tangere fila lyræ.  
 Nam neq; Calliope uobis, nec dexter Apollo  
 Permessi sanctos exhibuere lacus:  
 Dira sed Alecto gemina comitata sorore  
 Pocula cœnoso de Phlegetonte tulit.  
 Nimirum hinc nigro mores, & camina tabo  
 Pallent; & foedo liuor in ore sedet.



Fallor, an hos nobis misit grauis Aetna cylopas:  
 Mitis & hanc sentis tu quoque terra luem?  
 Heu mea Parthenope quæ te contagia ledunt?  
 Talia tu numquam gignere monstra soles.  
 Dij patrij, quorum monitus huc aduena classis  
 Appulit, Euboicas constituitq; domos:  
 Litoribus talem nostris auertite pestem;  
 Mœnia felici si posuisti aue.  
 Vosq; umbræ insontes, quas iam lethale uenenum  
 Ante diem stygias ire coegit aquas:  
 Vltrices huc ferte faces; fumoq; sequaci  
 Auctores uestræ sollicitate necis.  
 Et uos ò uatum certissima numina, Musæ,  
 Numina carminibus non uiolanda meis,  
 Parcite, si uestras nunc primum læsimus aures:  
 Iusta laceSSita sumpsimus arma manu.

ACTII SYNCERII SANNAZARII  
 ELEGIARVM LIB. II. AD A L-  
 FONSV M FERDINANDI FIL.  
 ARAGONEVM SI-  
 CILIAE REGEM.

ALFONSE, Inuictæ laus accessura parenti,  
 Hesperios inter non leue nomen auos:  
 Quid me laudatos Parnasi mittis ad amnes?  
 Obruitur largo flumine nostra situs.  
 Gloria Virgilio est, currus, atque arma referre:  
 Nasonis medio fata in amore mori.  
 Battiden docti sectatur Musa Properti:

ELEGIARVM

Flaccus pindaricos diuidit aure modos .  
 Passeris exequias fracto canit ore Catullus .  
 Tu Nemesim laudas culte Tibulle tuam .  
 Omnia non uno desudant esseda campo :  
 Noster in exiguo tramite currit equus .  
 Si me castalia docuisset Phœbus in umbra ;  
 Oraq; Gorgonea nostra rigasset aqua ;  
 Meq; uel Aeschyleo donasset Musa cothurno ;  
 Et foret in nostro grandior ore sonus :  
 Non ego Phasiaca canerem certamina pubis ,  
 Aequora non prima sollicitata rate ;  
 Non coniuratos subuertere pergama Reges ,  
 Non Troiæ profugos post duo lustra deos ;  
 Thebanas ue acies , fratrumq; immittia bella ,  
 Sæuaq; discordi funera raptæ pyra :  
 Teq; , tuosq; meo celebrarem carmine : nec me  
 Pignore tam grato dulce grauaret onus .  
 Nam canerem uictosq; duces , ispanaq; regna ,  
 Horridaq; à proauis bella per acta tuis ;  
 Demissumq; genus antiqua ab origine Regum ;  
 Quantaq; magnanimi gesta feruntur aui ,  
 Dum Lybiæ tractus , ueteres Carthaginiæ arces ,  
 Lotophagum dites & populatur agros ;  
 Regine acitus mox Itala regna secutus ,  
 Calcidicasq; arces , Parthenopemq; subit .  
 Sed quoniam instabiles animos muliebria uersant  
 Pectora ; suspectos deserit ille iares ;  
 Ac patriæ petit arua suæ , nec longa moratus  
 Vltiores rursum ducit in arma Deos ;  
 Obsessamq; intrat nymphis comitantibus urbem

Qua per operta uagus labitur antra liquor.

Aurea quin illo dicunt sub Rege fuisse  
Secula. felices, qui meruere frui.

Quid patris inuictas acies, quid concita dicam  
Classica per campos Daunia terra tuos:

Diectosq; duces, populataq; castra, neq; ullis  
Clara magis Regum praelia temporibus.

O' mihi supremos si Parca indulserit annos;  
Quanta canam; quantus uox mea plausus erit.

Tunc ego Mæonios ausim perumpere fontes.  
Sæuaq; terribili bella tonare tuba.

Utque alios sileam; tua fortia facta referrem;  
Prouehentq; animos tot monumenta meos:

Ut puer extremas regni percurreris oras,  
Lustratus referens præmia littoribus:

Et male pacatos sedaueris ante tumultus,  
Quam patrijs hostes finibus expuleris,

Primus honos, forti defensos milite Locros  
Seruasse, & muros urbs Melibœa tuos,

Nec non Marte pari summas Caulonis in arces  
Venisse, inq; suo templa sacrata iugo;

Templa Deæ, uastis late quæ præsidet undis,  
Vna Iouis coniux fida, sororq; Iouis.

Testis Chratis erit testes Sybaritides undæ,  
Oraq; , quæ fluctus prospicit Ionios.

Adde, quod Hetruscos oppleueris agmine campos;  
Et tibi captiuus fluxerit Arnus aquis:

Totq; pharetratas, Turcarum corpora, turmas  
Ausonijs dederis manibus inferias.

Gratia dijs Italis; prærupta Ceraunia, & arces

ELEGIARVM

Butroti nostras pertinere minas :  
 Captiuum ducem , fractosq; aspeximus arcus ,  
 Detulit huc domita quos tua classis aqua .  
 Hinc Ligurum furias , compressa q; iurgia ferro ,  
 Gallica q; in partes opida uersa duas .  
 Ipse ego quæ uidi , referam : scit Thuscula tellus  
 Quæ q; cadit summo lympha Aniena iugo .  
 Nam duce te , latios ferro dum subruis agros ;  
 Tempora militiae prima fuere meæ .  
 Bis nomentanas , bis magni Tyburis arces  
 Vidimus ad nostros proijcere arma pedes :  
 Cum iam sit media trepidatum pene Subura ;  
 Et Capitolino uota parata Ioui .  
 Nec semel ( ut fatear ) Collinæ ad limina portæ  
 Fregimus armatos reppulimusq; duces .  
 Parce tamen ueneranda parens , si iusta secut us  
 Signa sub Alfonso : Rex erat ille meus .  
 Lanuuium infelix , fatis constraria nostris  
 Terra ; potes certas tu uariasse uices .  
 Nam quod ad hostiles flexit uictoria partes :  
 Fortunæ magis hoc , quàm fuit artis , opus .  
 Ille sed Eridani ripas non fractus in alias  
 Contendens . caræ regna sororis adit :  
 Metatusq; locum castris , insubria passim  
 Fudit , & Euganeis agmina missa iugis .  
 Dicite Io populi , turmas spectastis ouantes ;  
 Et per uictrices fœdera iuncta manus .  
 Ipse quoq; haud sileat quos cedere Farfarus hostes  
 Risit , & exutum uertere terga ducem .  
 Heus ubi nunc Roberte tuæ uocesq; , minaq; ,

Campani peteres cum tibi iura soli?  
 Iam nostros Reges, iam sternere cuncta parabat:  
 Nunc fuga degeneres arguit ecce metus.  
 Hortarisq; tuos dimittere signa maniplos,  
 Heu pudor, & longæ præmia militiæ.  
 Hos tamen ille pius, quamuis diuersa secutos,  
 Alfonsus miti fouit, & auxit ope.  
 Macte animo custosq; hominum, macte optime Regū,  
 Ausonia tu sol, tu pater unus ades.  
 Quid me morem pacisq; artes, belliq; labores,  
 Perpetumq; animi tempus in omne decus?  
 Sed me formosæ deterrent iussa puellæ;  
 Ne possim tantus inuigilare choris:  
 Et uetat asper Amor dulces contemnere curas;  
 Cogit & inuiso subdere colla iugo.  
 Nec profunt lacrymæ, nec uerba precantia mortem:  
 Ille suas in me concutit usque faces.  
 Quare si nostri ueniet tibi nuncia lethi  
 Fama; triumphales iam prope siste rotas:  
 Atque hæc ad cineres mœrens effare sepultos:  
 Sæuitia dominæ rapte Pbeta iaces.

IN FESTO DIE DIVINAZARII  
 MARTYRIS, QUI POETAE  
 NATALIS EST.

ECCE mihi totum lux expectata per annum  
 Iam redit; Aonia ferta nouate Deæ.  
 Hæc me vitales genitum produxit in auras;  
 Iussit & erectum tollere ad astra caput.

ELEGIARVM

Nunc mihi purpureis aram cumulate *Hiacynthis* ;  
 Cingite & intexta limina nostra *rosa* .  
 Sic etenim coluisse decet geniumq; , laresq; :  
 Ferte coronato thura , merumq; , foco .  
 Tuq; apio innexos dudum acceptura *poetas* ,  
 Splendida solennes instrue mensa *dapes* .  
 Hic mihi puniceo Pontani *Musa* cothurno  
 Incipiet posito carmen hiare *mero* :  
 Naturaq; uias , teneriq; exordia *mundi*  
 Proferet ; & certa cuncta obitura *die* .  
 Crassus at æterno frondis redimitus *honore* ,  
 Soluat pierijs ora rigata *modis* :  
 Et mihi Linternumq; uetus , placidumq; *Perinum* ,  
 Ostendatq; atavi regna opulenta *mei* :  
 Regna male ad seros heu peruentura *nepotes* ;  
 Dum uersat uarias fors inimica *uices* .  
 Altiusq; nouos superis laturus *honores* ,  
 Pindarica feriat carmina docta *lyra* .  
 Sforciadum mox dicat , Aragoniosq; *hymenæos* ;  
 Iure quibus cantus æquet *Homere* tuos .  
 Nec gemat exilium spartani *Musa* Marulli ,  
 Ventura ad nostras ingeniosa *dapes* :  
 Verba sed antiqui reddat , numerosq; *Lucreti* ;  
 Dum magnis diuos laudibus *accumulat* .  
 Adde tuos Puderice sales ; adde inclyta *patris*  
 Eloquia ; adde animo tot bona *parta* tuo .  
 Iamq; Panhormitæ lusus , & scripta *recense* ,  
 Et Iouianæ tempora *amicitiæ* .  
 Hos inier meritis rediens *Aquiuiuus* ab *armis* ,  
 Prodat honoratæ præmia *militiæ* :

Atq; chori princeps docti argumenta Plutarchi,  
Cumq; suis referat dogmata principijs.

Ipsè autem haud dubitet Cabanilius aëta referre  
Vel sua, uel magno iunëta parentis auo.

Nec Phœbo minus ipse suo, quã Marce probatus,  
Phocæico pexas tingat in amne comas.

Tu quoq; , quem iuuenem ueneror , dulcissime Carlon  
Incipe iam docta pleëtra mouere manu :

Allifasq; tuas mihi concine , dum uaga Lunam  
Sidera per tacitum nocte sequuntur iter .

Talibus auspicijs geniales ducere cœnas ,  
Thespiadumq; modis concelebrare iuuat .

IN CALENDIS IANVARIIS,  
AD FVSCVM.

EXORITVR lux alma; caput sol detegit aureum;  
Qui toties nostros exhi larauit auos .

Exoritur : redit ecce anni melioris origo .

Quisquis ades , sancta concipe uoce preces .

Cingantur de more sacris fastigia templis ,

Quæ uaga Sebethi Nais ab amne legit .

Ipsè sui Ianus præpandat limina templi :

Cui geminum liquido stiller odore caput .

Illius & castas fument pia thura per aras :

Atque focos supra stet , uideatq; suos :

Nunciet & tibi Fusce novos uirtutis honores .

Iam reor hæc animum uota fouere tuum .

Nec magis optaris , quas lydius amnis arenas ,

Quas uoluit flauæ lymphæ superba Tagi .

E L E G I A R V M

Nec magis uberibus quicquid sibi colligit aruis  
 Mœdus, & assiduo sole perustus Arabs.  
 Iusta precor: latius utinam discedat ab oris  
 Hostis, & indecori uictus oberret equo.  
 Victus Hydruntinas cogatur relinquere terras;  
 Et plangat nostram sanguinolentus humum.  
 Hæc ueniet lux Fusce tuis lætissima uotis;  
 Cum pax optatas ducet in urbe moras.

I N M O R V M C A N D I D A M .

N V N C Erato uirides capiti subnecte corymbos;  
 Profer & aurata fila canora lyrae.  
 Arboris umbriferæ casus referamus acerbos.  
 Non erat hæc nostro fabula nota solo.  
 Audiat, & molli cantantes protegat umbra  
 Ipsa; \*

Olim baianis fuerat pulcherrima siluis  
 Naias, errantes figere docta feras.  
 Quam liquidus clausis Lucrinus sæpe sub antris  
 Optauit lateri iungere posse suo.  
 Nec semel illius pharetram laudauit, & arcum  
 Pastorum incultis fistula carminibus.  
 Testes cumeæ, testes liternides undæ,  
 Sancta;q; gauranæ numina hamadryades,  
 Illam Siluanos, Panas;q; odisse bicornes,  
 Et quoscunque colit sive, nemus;q; Deos.  
 Sed quid fata parant? solitis Morinna redibat  
 Montibus: hoc illi nomen, & omen erat:  
 Cum subita cælum texit caligine nimbus;  
 Et multa canam grandine fecit humum.



Illa hiemem fugiens, diuersa per arua cucurrit,  
 Tecta caput fertis, grandine tecta caput.  
 Vallis erat prope sulfureos male peruia montes,  
 Candida quam graio nomine signat humus.  
 Hanc super excisis pendebat cauibus antrum,  
 Agricolum hirsutis nota domus gregibus.  
 Pugnantes huc forte coegerat impiger hircos  
 Semideus caper, semicaperq; Deus.  
 Quem procul ut uidit Nymphæ; sic pectore toto  
 Insequitur; tales & iacit ore sonos.  
 Quò properas ab dura, measq; ingrata querelas  
 Despicias? aspectus ne fuge Nympha meos.  
 Mecum capreolos, mecum uenabere damas.  
 Parebit iussis hoc pecus omne tuis.  
 Nil est, quod fugias: mihi, crede, recentia semper  
 Pocula de niueo fagina lacte madens.  
 Semper picta rosis semper contexta ligustris  
 De nostro poteris munera ferre sinu.  
 Dixit. at illa uolans celeres præuertitur auras,  
 Imbre nihil motos impediante gradus.  
 Iamq; petens tristesq; lacus, sterilemq; paludem,  
 Consutaq; arbutis non minus arua nouis,  
 Aspiciat exesi longe sub faucibus antri  
 Obscurum cæco puluere noctis iter.  
 Huc, tanquã in latebras, se conijcit. haud minus ille  
 Insequitur prædæ tractus amore suæ.  
 Iamq; patens calum rursus, Solemq; uidebat;  
 Liquerat & montem post sua terga cauum:  
 Dextra pontus erat, præruptaq; saxa sinistra:  
 Et iam defessam, iamq; premebat: amans,

E L E G I A R V M

Protinus exclamans, Fer opem mihi Delia, dixit:

Orâq; supremo diriguere sono.

Attulit auxilium Nymphæ Dea; seq; uocanti

Præbuit: illa cadens sponte recumbit humi:

Fitq; arbor subito: Morum dixere priores;

Et de Morinna nil nisi nomen habet.

Pes in radicem, in frondes iuere capilli;

Et quæ nunc cortex, cærulea uestis erat.

Brachia sunt rami; sed quæ nitidissima poma,

Quas malo uitasti Nympha, fuere niues.

Fleuit Misenus; mutatam fleuit Auernus;

Fontibus & calidis ingemuere Deæ.

Quinetiam fleuere suis sebethides antris

Naiades, & passis Parthenopæa comis.

Sed tamen ante alios lacrymas in stipite fudit

Faunus; & hæc tristes addit ad inferias.

Inter silui colas ò non ignota sorores,

Nunc morus, duris candida corticibus:

Viue diu; & nostros semper tege fronde capillos;

Cedat ut ipsa tuis Pinus acuta comis.

Tu nunquam miseræ maculabere sanguinè Thysses;

Immemor heu fuit ne uideare tui.

Tu, nec fata negant, niueis uberrima pomis,

His olim stabis frondea limitibus:

Et circum pueriq; canenti, facilesq; puellæ:

Ducentes festos ad tua sacra choros.

Hæctenus insigni cecinis testudine Musa;

Aoniasq; uolans læta reuisit aquas.

## AD BACCHVM.

**BACCHE** bimaer ades : sic sint tibi nexa corymbis  
 Cornua ; sic nitidis pendeat uua comis :  
 Seu te nunc Thebæ , seu te nunc Ismarus horrens ,  
 Siue habet umbrosis Naxos amica iugis .  
**Huc** pater , huc propera frondenti candide thyrso ;  
 Huc potius gressus dirige Bacche tuos .  
**Sed** pallam iam pone grauem , pictosq; cothurnos ;  
 Et musto teneros tu quoque tinge pedes .  
**Tecum** etiam Driadesq; Deæ , Satyriq; bicornes  
 Adsint ; & calamos , concaudq; æra sonent  
**Raucaq;** subductis percurrant tympana palmis ,  
 Bassaridum fufis turba uerenda comis .  
**Quas** male festinans Silenus pone sequatur ;  
 Et , procul , ut maneant , subsideantq; , roget .  
**Tum** secum auriti fatum deploret aselli ,  
 Incedet ferula dum titubante senex .  
**At** Deus hortorum cui uertice fixa rubenti  
 Canna tremit , sæuas falce repellet aues .  
**In** medio crater calato maximus auro ,  
 Spumet inexhaustum , Lesbia dona , merum .  
**Et** circum de more tuas caua tibia laudes  
 Intonet , appositas concebreitq; dapes .  
**Ipsè** ego perq; uias urbis , perq; omnia passim  
 Compita , perpetuo sacra colenda feram .  
**Ipsè** giganteo referam memorata triumpho  
 Nomina , & euantes , orgia lata , chores .  
**Nec** sileam fuscas acies , gangetica regna ,  
 Gestaq; odoratis prælia lutoribus .

E L E G I A R V M

Mox thalamos Ariadna tuos, redasq; iugales,  
 Quæq; nitet medio fixa corona polo.  
 Iamq; pios ritus, indiëtaq; sacra frequentans,  
 Institutam uirgas fronde uirente regi:  
 Incedamq; tuas uates tam magnus ad aras,  
 Quàm nec Virgilius, quàm nec Homerus erat.  
 Tu mihi sancte pater mordaces exime curas:  
 Nubilaq; annoso pectora solue mero.  
 Tu mihi securos adige in præcordia somnos:  
 Afflatusq; iuuâ lumina fessa tuo.  
 Scimus enim quantos ineunte atate labores  
 Pertuleris, quantos fulminis igne metus.  
 Infelix Semele quid munera poscis amantem,  
 Quæ tibi, quæ nato sunt nociura tuo?  
 Posce Iouem, quæ digna tuis sint præmia uotis.  
 Posce: feres uotis præmia digna tuis.  
 Non tibi siluicolum proles de plebe deorum,  
 Sed cui sint Phœbus, Mercuriusq; pares;  
 Sed quam Saturnus non dedignetur ab alto  
 Noscere; quam lato Iuppiter ore probeat.  
 Salue cara patri soboles, mitissime diuum:  
 Salue hominum requies, lætitiæq; parens:  
 Et faales (si iusta peto) mihi prospice Musas:  
 Et me pacato numine dexter adi.

AD LVDOVICVM MONTALIUM  
 SYRACVSANVM CAROLI  
 CAES. SCRINII MA-  
 GISTRVM.

MONS altus nomen clarum tibi, siue niuosis  
 Nascenti

Nascenti dederit fertilis Aetna iugis ;  
 Seu lustrata uagis Nebrodis saxa Napæis ,  
 Sive Dionæo numine clarus Eryx ,  
 Seu quòd olympiaco , reptaris uertice ; teq ;  
 Pertulerit placido blanda Arethusa sinu :  
 Nobile frondoso defluxit nomen olympo ,  
 Elæi referens sacra uetusta Iouis .  
 Seu mage quòd celsas puer exuperaueris alpes ;  
 Dum patet in laudes belgica terra tuas :  
 Oceaniq ; petis non explorata britanni  
 Murmura ; nec canæ Tethyos antra times :  
 Exhaustos præferret ut illa ætate labores ,  
 Aeria nomen uenit ab alpe tibi .  
 Quicquid id est , quicumq ; huius tibi nominis aucto  
 Mons , & inaccessi uerticis asperitas :  
 Non mores , non facta , sed altæ mentis acumen  
 Vidit , & ingenij præuia signa tui .  
 Nam licet ipse animo nubes , & sidera uincas ;  
 Cunctaq ; sint sensu pene minora tuo :  
 Non te per duros aditus , rupes ue fragosas ,  
 Se per floriferum uallis adimus iter ;  
 Vallis , perpetuo quam uestit gramine riuus ;  
 Et quam uicini litoris aura fouet .  
 Hoc est , hoc ( mihi crede ) deos æquare merendo :  
 Hoc est æterni scepra tenere Iouis .  
 Cætera mortales inter peritura labores  
 Desere , & hoc unum uita sequatur opus .

AD IUNIANVM MAIVM

PRAECEPTOREM.

CVM tibi baiana spectantur ab æquore nymphae ,

E L E G I A R V M

Stagnaq; uicinis hospita litoribus ;  
 Quà uetus herculeos perduxit semita tauros ,  
 Longius excluso concita claustra mari ;  
 Quaq; iacet Baulos inter lucumq; sibyllæ ,  
 Et Prochytae rectum per iuga tendit iter :  
 Nos hic ( ut nosti ) duræ parere puellæ  
 Cogimur , & tristes ducere in urbe moras .  
 Nec tamen aut studijs animum intendisse seueris ,  
 Aut prodest sanctas excoluisse Deas .  
 Cumq; tot unanimes dederint mihi fata sodales ;  
 Auxilium , nemo est , qui mihi rite ferat .  
 Instat seuus Amor , reficitq; in cote sagittas ;  
 Nec patitur presso colla mouere iugo .  
 Et licet assiduus tabescant pectora curis :  
 Querimus , unde queant tanta uenire mala .  
 Atque utinam tristes Lachesis mihi finiat annos ;  
 Claudat & ætatis tempora dura meæ :  
 Aut aliquis , seui quæ sit medicina furoris ,  
 Non uanus nostra canter in aure Deus .  
 Sed iam laurigeris cessant oracula Delphis :  
 Mutaq; Cumeæ uirginis antra silenti .  
 Nec Pan Mœnalia reddit responsa sub umbra :  
 Nocte licet pastor uiscera libet ouis .  
 Nec mihi chaonias spes est audire columbas :  
 Cornigerumq; pudet fata referre Iouem .  
 Oblitasq; loqui iam pridem Græcia quercus  
 Mirata est posito conticuisse deo .  
 At tibi uenturos Mai prædicere casus  
 Fas est , & mites consaluisse deos .  
 Nec tantum aut aræ fumos , aut nuntia sentis

Fulgura, sed stygijs somnia missa locis;  
 Somnia, quæ miseram perturbant sæpe quietem;  
 Dum mens incertis pendet imaginibus.  
 O quotiens per te uanum posuisse timorem  
 Me memini, & latos continuasse dies.  
 O quoties, trepidus cum non spernenda putarem,  
 In nostrum cavi dama futura caput.  
 Sæpe meæ tibi cum narrassem uisa puellæ;  
 Dixisti, certos haud procul esse metus.  
 Sæpe illam madidos lustrare in flumine crines  
 Iussisti, & misto soluere farræ sale.  
 Quod si olim terris talem te fata dedissent,  
 Speruisset Thuscos Martia Roma uiros.  
 Nam te quis melius calidas deprendere fibras,  
 Consulere aerias aut potuisset aues?  
 Illa triumpharum regeret nunc legibus orbem;  
 Nec foret in cineres obruta pene suos.  
 Nec fera uidisset cannensis funera pugnae;  
 Aut aquilas parthos tam male ferre duces.  
 Scipiædum patrijs habitarent sedibus umbrae:  
 Tanta nec hispanum conderet ossa solum.  
 Te duce, ueridicæ patuissent scripta sibyllæ;  
 Non intellet quæ nocuere deo.  
 Fortunate deum interpres, quem sidera norunt,  
 Cui superum mentes explicuisse licet.  
 Non te lethali tetigit puer improbus arcu:  
 Quamuis & dominos implicet ille deos.  
 Nec tibi securos rumpunt suspiria somnos:  
 Fallaces Veneris despicias insidias.  
 At nos in certas cæci iactamur in undis:

E L E G I A R V M

Ducimus & nullo tempora consilio .

Et quisquam mihi nunc longos optauerit annos ,

Cum uideat uitæ tædia tanta meæ ?

Non me Sisyphio superent impulsæ labore

Saxa ; nec infernis dolia adacta uadis .

Et Titiÿ rostro cedit mihi uultur obunco ,

Pomaq; lethæis risa arboribus .

Vos igitur , qui me uictum iam fletis amici ,

Sic mea compositis cædite busta notis .

Actius hic situs est : cineres gaudete sepulti :

Iam uaga post obitus umbra dolore uacat .

IN DOMINAE NATALEM  
AD IUNONEM.

IUNONI fer sacra , nouas lege iussa coronas :

Natalis dominæ iam mihi festus adest .

Ipsa sed imprimis solennes indue cultus :

Et mihi purpurea tempora cinge rosa .

Vtq; aliquid gratas diuæ meditemur ad aras ,

Affer inauratæ garrula pleetra lyraë .

Tu quoque uita tuos auro subnecte capillos :

Plurimaq; in niueo pectore gemma micet .

Hæc mihi te mea lux seros promisit in annos ,

Hæc mihi te certam iussit habere dies .

Quanta mihi hæc primum fulserunt gaudia luce ?

Quantus in hoc uno tempore uenit honos ?

O mihi Erythræis merito signanda lapillis :

O mihi delicias inter habenda meas .

Quisquis ades , bona uerba , & latos edite canus ;

Libaq; de siculo dulcia melle date .



Alba mihi uestis nullo uiolata ueneno  
 Adsit; & ingeminos defluat apta pedes.  
 Ante aram uiridi texant umbracula quercu  
 Formosis Dryades, rustica turba, comis.  
 Phœbus odorata circum tegat atria lauro:  
 At myrto duplices tu Cytherœa fores.  
 Ipse Arabum merces Neseia turba ministret:  
 Lenæusq; ferat Naxia uina pater.  
 Omnia sint lætis operata ex ordine sacris:  
 Et calum niueis constrepat aliibus.  
 Magna parens. Iuno, centum comitata ministris,  
 Huc ades; & uotis annue Diua meis.  
 Vos quoq; per uacuum quæ luditis æra, nymphæ,  
 Cingite felici nubilla summa choro  
 Silicet euentus hæc sint bona signa futuri:  
 Hæc eadem plenæ nuntia lætitiæ.  
 Ipsa ego uestra sequar iucundo gaudia plausu;  
 Et peragam uarios ore, manuq; modos:  
 Quin etiam fertis, & thure calentibus aris,  
 Excipiam sancta numina uestra die.  
 At tu natalis, nullos non fauste per annos,  
 Semper honorata luce serenus eas.  
 Quodq; opto, innumeras (siquid prece posse putamur)  
 Cumææ uincas uatis olympiadas.

AD RVINAS CVMARAM  
 VRBIS VETVSTISS.

HIC, ubi Cumææ surgebant inclya fame  
 Mœnia, Tyrreni gloria prima maris;  
 Longinquis quæ sæpe hospes properabat ab oris,

E L E G I A R V M

Visurus tripolas Delie magne tuos ;  
 Et uagus antiquos intrabat nauita portus ,  
 Querens Dædalie conscia signa fugæ :  
 ( Credere quis quondam potuit , dum fata manebant ? )  
 Nunc silua agrestes occulit alta feras .  
 Atque ubi fœdica latuere arcana sibyllæ ,  
 Nunc claudit saturas uespere pastor oues .  
 Quæq; prius sanctos cogebat Curia patres ,  
 Serpentum facta est alicuumq; domus .  
 Plenâq; tot passim generosis atria ceris ,  
 Ipsa sua tandem subrua molle iacent .  
 Calcanturq; olim sacris onerata trophæis  
 Limina : distractos & regit herba deos .  
 Tot decora , artificumq; manus , tot nota sepulchra ,  
 Totq; pios cineres una ruina premit .  
 Et iam intra solasq; domos , disiectâq; passim  
 Culmina setigeros aduena figit apros .  
 Nec tamen hoc grauis cecinit Deus ipse carinis :  
 Præuia nec lato missa Columba mari .  
 Et querimur , cito si nostræ data tempora uitæ  
 Diffugiunt ? urbes mors uiolenta rapit .  
 Atque utinam mea me fallant oracula uatem :  
 Vanus & à longa posteritate ferar .  
 Nec tu semper eris , quæ septem amplecteris arces :  
 Nec tu , quæ medius emula surgis aquis .  
 Et te ( quis putet hoc ? ) alerix mea durus arator  
 Verteret : & , Vrbs , dicet , hæc quoque clara fuit .  
 Fata trahunt homines . factis urgentibus , urbes ,  
 Et quodcunque uides auferet ipsa dies .

## MALA PVNICA.

**Q**UID miser externas perquiris Nauita gentes ?

Et tam longinquo gurgite quæris opes ?

Nec te uentorumq; minas, pelagiq; procellas,

Non piget ignotæ damna subire uia.

Aspice, quàm tenui uelenus cortice gemmas,

Iam tibi, quicquid habent litora rubra, damus:

Seu uis purpureos roseo fulgore Hyacinthos :

Insensam Baccho siue Amethyston amas :

Ardentis seu quæ tores imitantur, & ignes :

Seu mage diluto lumine chrysolithos.

Sed rude diuitias extollit uulgus inanes :

Nec meminit, quantis sit caput inde malis.

Diuitiæ fera belia uiris, lethumq; tulerunt.

Nam prius æterna pace uigebat humus.

Diuitijs natoq; pater, natusq; parente

Cæditur, & caro fratre uerenda soror.

Nec tantum sæuæ tractant aconita nouercæ :

Sed iugulat partus mater auara suos.

Adde, quòd & gemmæ solo fulgore probantur;

Adscitusq; illis quaritur arte decor.

At nobis natura oculos tardare tuentes,

Et dedit, arenti pellere ab ore sitim.

Nec nostræ populos armant in prælia gemmæ;

Nec suadent magno clam uiolare Deos.

Sed semper placidis uisunt conuiuia mensis :

stant ubi iucundo pocula plena mero.

Illic nos teneræ uir porrigit ipse puellæ,

Porrigit & cupido fida puella uiro.

E L E G I A R V M

Pacis opus sumus, & pacati munus amoris;  
 Quod capit à Satyro Nais amata suo.  
 Nec temere, infernis cum nos libasset in hortis  
 Noluit ad matrem nata redire suam.  
 Nos quoque, dum libycos errat Pomona per agros,  
 Obstupuit pleno fracta rubere sinu:  
 Ac rarum mirata decus; mirata liquorem,  
 In sua de patrio transtulit arua solo.  
 Ergo Puniceæ laus hæc, & gloria silvæ,  
 Vincere gemmiferi lucida dona maris;  
 Pallentiq; graues depellere corpore morbos;  
 Aegrâq; pæonijs ora leuare modis.  
 Quod nec Erythræi præstabunt litora ponti,  
 Non opibus pollens indica terra suis.  
 Tu uero, duplici fulgent cui tempora lauro,  
 Militiæ, & sacri Dux Aquiuuæ chori:  
 Accipe nos, laudum contentus luce tuarum:  
 Muneraq; inuisæ despice luxuriæ:  
 Et seu carminibus, seu de lassaberis armis;  
 Diluat exundans hæc tibi gemma sitim.

ACTII SYNCERI SANNAZARII  
 E L E G I A R V M LIBER III.  
 AD FEDERICVM FERDI-  
 NANDI FILIVM, ARA-  
 CONEVN, SICILIAE  
 REGEM.

ERGO Ego fallaci tantum seruire puellæ  
 Natus, & aduerso semper amore queri?

Nec me pieria spectabit Phœbus in umbra  
 Inter certantes carmina ferre choros ?  
 Quæ densos Helicon saltus , collesq; uirentes  
 Pandit ; & Aonidum perluit antra liquor ;  
 Dispositæq; iugis intexuntserta puellæ ;  
 Pendenteq; sonant per caua saxa lyra .  
 Iam libet intactis haurire è fontibus undam ;  
 Et lustrare sacrum , quæ uia nulla , nemus .  
 Ardua sunt tentanda : nouas en carmina uires  
 Sumite : per durum gloria anhelat iter .  
 Nunc opus est alia crinem compescere fronde :  
 Nil mihi cum fertis Bacche iocose tuis .  
 Ipse audax uirides Parnasi in uertice lauros  
 Decerpam , aut siluis Pinde canore tuis .  
 Ipse lyram nullo percussam pollicis ictu  
 Suspendam ex humeris , præmia rara , meis ,  
 Non ego nunc molles meditor lasciuus amores :  
 Nec iacio ad surdas carmina blanda fores .  
 Maior ad heros me subleuat aura cothurnos :  
 Maior & in nostro personat ore deus .  
 Lætus ades Federice : tuas ex ordine laudes  
 Exequar : auspicijs fama petenda tuis .  
 Nam quãquam antiquis Regum bene fulta triumphis  
 Stat donus ; & tantis se tibi iactat auis :  
 Maiorum tua non titulis innixa recumbit  
 Gloria , nec priscis gestit imaginibus :  
 Sed certat magnos uirtus ante ire parentes ,  
 Aeternum & uera laude parare decus .  
 Nec tua facta olim titulo breue marmor habebit .  
 Immensum magni carminis illud opus :

ELEGIARVM

Seu te quis teneris puerum miratus ab annis,  
 Aetatis referat tempora prima tuae:  
 Seu casus rerum uarios durosq; labores,  
 Exhausta & saeuo prelia Marte canat.  
 Egressum uix dum cunis Aenia merrix  
 Sensit, & aduentu mota repente tuo est:  
 Terq; deos uenerata, caput ter substulit urna;  
 Et tandem Phrygio lingua uoluta sono est.  
 En iterum sol magne, meae post diruta Troiae  
 Pergama; post latios spes mihi surgit auos.  
 Hac aetate uagi quondam per prata Scamandri,  
 Aenean uidi ludere saepe meum.  
 Nec tu maior, eras cum iam post fata Creusae  
 Reptares gremio pulcher Iule meo;  
 Certaresq; iocis curas mihi demere aniles,  
 Deducens blandas nostra per ora manus.  
 His tamen auspiciis Albanæ ad sidera turrets  
 Creuere, & rerum maxima Roma caput.  
 Hinc Decios, Fabiosq; hinc pectora dura Catones  
 Vidimus, & fasces Brute seuerere tuos.  
 Vidimus & ductos non uno ex hoste triumphos,  
 Auctaq; iulæis stemata Cæsaribus.  
 Ingredere ò, felixq; subipede nostra secundo  
 Mœnia; propensos & uenerare deos.  
 Ingredere; Antiphatae pollens tibi regia seruit,  
 Et Lestrigonio limina tuta metu.  
 Sic Ioue Creta potens, sint clari ab Apolline Delphi;  
 Laudet Amiclaeos Tænaris ora duces.  
 Alciden, Bacchumq; ferat ad sidera Thebæ:  
 Terra rudimentis nostra beata tuis.

Nam te, dum rapidos arces de finibus hostes;  
 Ardua magnanimus misit in arma pater.  
 Auspice te nostræ nullis incur sibus arces,  
 Succumbent nullis littora nostra minis.  
 Sed bene habet; cessere metus, cessere pericla:  
 Barbarus costilis ad sua uertis equos.  
 Iam iuga, iam lati respirant undique campi:  
 Nec tuba ueliferas concitat ulla rates.  
 Tu tamen ad patrios reuocabere uictor honores;  
 Maternosq; sinus, Partenopemq; petes.  
 Mox Salentinos ibis metator in agros,  
 Quà secat Oebalia culta Galesus aqua.  
 Sed quò liuor edax non irruis? ecce repente  
 Fata iubent longas te procul ire uias;  
 Romanumq; patrem, sacrasq; inuisere sedes,  
 Imprimis magnos promeruisse deos.  
 Tum pontes, arcusq; ducum, delubra, uiasq;  
 Cumq; suis cernes struèta theatra foris.  
 Interea uaticanas numerare per aèdes  
 Tot signa artificum, tot monumenta licet.  
 Mox Veios, ueteresq; Umbros, fortesq; Sabinos  
 Transgresso, Adriacum stat superare latus,  
 Aemiliaq; domos, Apenninumq; niualem.  
 Et Phaetonteo proxima regna Pado.  
 Quis sumptus Leonora tuos, quis publica dicam  
 Munera, Atestinis edita principibus?  
 Iam ueteres superas diues Ferraria ludos;  
 Aurea dum celeri præmia ponis equo;  
 Effigiesq; deum, spectandaq; signa per aras  
 Extruis, Et uarijs pegmata celsa locis.

E L E G I A R V M

Quis rursus Venetæ miracula proferat urbis?

Vna instar magni quæ simul orbis habet.

Vna Italum Regina, altæ pulcherrima Romæ

Aemula, quæ terris, quæ dominaris aquis.

Tu tibi uel reges cives facis. ò decus, ò lux

Ausonia; per quam libera turba sumus:

Per quam barbaries nobis non imperat; & sol

Exoriens nostro clarius orbe micat.

Proxima sunt Consaga tuæ spectacula terræ,

Dona'q; per magnos ante parata duces.

Mantua queis, largo'q; exultat Mincius ore,

Ausus spumiferum tollere ad astra caput.

Mincius æterni sacrum geniale Maronis;

Cui cedit flauo lucidus amne Meles.

Hinc populos Ticine tuos spectare licebit,

Dieta'q; lanigeræ mœnia pelle suis,

Taurinosq; , altasq; alpes, Pœnina'q; castra,

Et Rhodanum, & ripas magne Lemanne tuas.

Inde per immensum lati spatia bere campi;

Ostendit sacrum Mons ubi iura nemus.

Et ueteres felix custodit Claudius arces,

Claudius æternæ conciliator opis.

Hic formidatas acies, ipsumq; uidebis

Elatum longa prosperitate ducem.

Finitimus dum bella parat, tibiq; arma, uirosq;

Commendans, magni ius dabit imperij,

Nimirum ingeniumq; sagax miratus, & artes,

Quæq; dabis mentis plurima signa tuæ.

Quapropter medijs generum te deligit armis,

Pollicitus natæ spemq; torumq; suæ.



Ac uelut Oenomai currus, astumq; secutus,  
 Eludet pacti fœdera coniugij.  
 Sed male ut Oenomao currus cessere, doliq;  
 Perfidia pœna sic ferus iste luet.  
 Ter uictus, ter iam castris exutus ab hoste,  
 Postremo miseram corruet ante diem.  
 Nam deiectus equo fossaq; inuentus in alta,  
 Obscœnam turpi sanguine iugget humum.  
 Nec iam erit, extremos funus qui curet ad ignes;  
 Non lapis, incisus qui tegat ossa notis.  
 Tu celsus, tu sublimis, tu uictor honorem  
 Accipies; tibi quem Gallia tota dabit;  
 Bisq; tuis referet superatos Lingonas armis,  
 Duçtaq; bis pulsos signa per Eluetios:  
 Præterea quantum populorum Mosa coerçet;  
 Quantum cœrulea Rhenus inundat aqua.  
 Atque erit is nostræ gentis uigor; omnia credi  
 Ut possint iusto succubuisse metu.  
 Hic ego te, laudesq; tuas fortissime Iuli  
 Non sileam, & ualida prælia gesta manu.  
 Quem titulis Aquiniua domus prælustribus ornat;  
 Mortalesq; inter, semideosq; locat.  
 Et iam militiæ moles tibi creditur omnis;  
 Omnia sub leges allicis ipse tuas.  
 At te patrato iuuenam pulcherrime bello  
 Tempus erat patrijs dona tulisse Deo;  
 Mendacisq; simul fastus, odiumq; tyranni  
 Cum prope defenso deseruisse solo.  
 Eia age rumpe moras, inuisaq; castra relinque;  
 Fidaq; magnanimi limina regis adi.

E L E G I A R V M

Cui uel ad Oceani fines tot litora parent;

Iuraq; dant sceptri Celtica regna sui.

Hic tibi felices redas, certosq; bymenæos

Expediet, curas & simul addet opes.

Testis erit Liger, Aruernis qui fusus ab antris

Libera deuexum per loca findit iter.

Interea patrem, campanaq; reëta reuise,

Debitaq; auspicijs hei mihi regna tuis;

Debita, sed facis cito iam cessura malignis;

Euertet tantas cum ferus hostis opes.

Dij maris hebrusci, per quos Tyberinus, & Arnus,

Macraq; cæruleis iungitur alius aquis;

Dum redit in patriam inuenis, tot honoribus auctus,

Candida felici soluite uela noto.

Vosq; citæ puppes iussum properate per æquor:

Fata dabunt istas sepe iterare uias;

Nec semel hos tractus, Ligurumq; uidebitis oras

Aut Vari infaustum fluminis hospitium,

Vallatosq; sinus scopulis, Toroentia claustra,

Et sparsas medijs stecchadas æquoribus.

Denique Phocaicosq; sinus, Marioq; refossum

Litus, & antiquæ mœnia Massiliæ.

Donec fatales Turonum accedere muros

Permittant uestro fata sinistra duci.

Ah Liger, ah nimum lacrymis urgende meorum,

Qualia spectabis flumine busta tuo;

Busta, quibus magni ponant diademata reges;

Gratq; solemniflorent parentet humus.

Aeq; aliquis Latio ueniens nouus hospes ab orbe

Portet honoratas munus ad inferias:

Et dicat; Federicæ tuorum hic meto laborum  
Hæsit. habet nostros hæc brevis urna deos.

QVOD PVERITIAM EGERIT IN  
PICENTINIS, AD CASSAN-  
DRAM MARCESIAM.

EST Picentinos inter pulcherrima montes  
Vallis: habet patrios hic pia turba Deos.  
Quam super hinc cælo surgens Cerretia rupes  
Pendet: at huic nomen Cerrea silva dedit.  
Parte alia sacræ respondent saxa Tebennæ;  
Quiq; rigens Merulæ nomine gaudet apex.  
Et circum nigra late nemus accubat umbra,  
Plurima quæ riguis effluit unda iugis,  
Semiferi, si uera canunt, domus horrida Fauni;  
Conuectant auidæ quò sua lustra feræ.  
Accipit hic tergo formosum bucula taurum:  
Accipit immundum sima capella marem.  
Mille tori Dryadum, satyrorum mille recessus,  
Antraq; siluicolæ grata lateba Deæ.  
Viuula nomen aquæ, tenuiq; subuncula riuo,  
Et quæ de gelida grandine dicta sonat.  
Huc mea me primis genitrix dum gestat ab annis,  
Deducens caro nupta nouella patri;  
Attulit indigenis secum sua munera diuis,  
Imprimis docto florea ferta gregi.  
Gregerat Aonidum cætu comitata sororum  
Ipsa sui princeps Calliopea chori.  
Delius argutis carmen paritibus alumnis.  
Electebat faciles ad sua pleetra manus.

Atque hic me sacro perlustrauere liquore;  
 Cura quibus nostræ prima salutis erat.  
 Tum lotum media puerum statuere chorea;  
 Et circum fufis obstrepere sonis.  
 Denique præcinctumq; ederis; & uirginè lauru,  
 Ad citharam dulces edocuere modos.  
 Tantus erat lætis auium concentus in agris,  
 Ut posses ipsos dicere adesse deos.  
 Venerat omne genus pecudum, genus omne ferarum,  
 Atque illa festum luce habuere diem.  
 Tunc ego pastorum numero, siluestria primum  
 Tentavi calamis sibila disparibus.  
 Deductumq; leui carmen modulatus in umbra,  
 Innumeros paui lata per arua greges.  
 Androgeumq; , Opicumq; , & rustica sacra secutus,  
 Commouit lacrymis mox pia saxa meis,  
 Dum tumultum caræ, dum festinata parentis  
 Fata cano, gemitus dum Melisea tuos.  
 Ac tacitas per operta uias rimatus, & antra  
 Inspecto, & uarijs flumina nata locis.  
 Mox maiora uocant me numina: scilicet alti  
 Incessere animum sacra uerenda Dei;  
 Sacra Dei Reguq; hominum, dominiq; Deorum,  
 Primæuum sanctæ regionis opus;  
 Nuncius æthereis ut uenerit aliger astris,  
 Dona ferens castæ uirginis in gremium.  
 Quid referam caulasq; ouium, lususq; canentum  
 Pastorum, & Reges Arfacis ora tuos?  
 Nec minus hæc inter piscandi concitus egit  
 Ardor in æquoreos mittere lina sinus:

Fallacesq;

Fallacesq; cibos uacuis includere nassis;  
 Atque hamo undiuagos sollicitare greges;  
 Quandoquidē salsas descendi ego primus ad undas,  
 Ausus inexperis reddere uerba sonis.  
 Quid referam mollesq; Elegis, miserabile carmen,  
 Et superis laudes non sine thure datas?  
 Quæq; alijs lusi numeris, dum seria tracto,  
 Dum spargo uarios per mea dicta sales.  
 Multaq; praterea, dilectæ grata puellæ,  
 Adscisco antiquis rursus Hetrusca modis.  
 Ut sileam nunc impensos tot regibus annos;  
 Tot data belligeræ tempora militia:  
 Et sileam nexata malis mea corpora morbis,  
 Vixq; Machaonia restituenda manu.  
 Adde grænes populiq; fagus, procerumq; ruinas,  
 Infiecta & miseris urbibus exilia:  
 Ipse per infestos tecum F. derice labores  
 Multa adij terra, multa pericla mari.  
 Tuscorumq; uadis, Ligurumq; exercitus undis,  
 Postremo litus Massiliense subi.  
 Iam Rhodanum, Volcasq; feros, uocontiaq; arua  
 Legimus, & fines belgica terra tuas.  
 Bisq; pruinosas cursu superauimus alpes:  
 Bis metas magni uidimus Oceani.  
 Atque hic te tandem defleuimus optime Regum;  
 Quantum Hecube natos fleuerat ipsa suos;  
 Quantum discipis fratres Cassandra capillis,  
 Andromacheq; sui dum legit ossa uiri.  
 O fatum infelix, o fors male fida, quid illic  
 Egimus? o tristi mersa carina loco.

ELEGIARVM

Cum nullum interea frugis genus imbre, uel aestus

Redderet ingenio Musa uocata meo.

Et iam miramur, longo si pressa labore

Amisit uires paruula uena suas.

Ipsè Deū simul, atq; hominum celebrator Homerus

Deficeret, ne dum segnis, inersq; lyra.

Deficeret pater ipse, & carminis auctor Apollo;

Pegasidum sacras qui tenet unus aquas.

Ergo, tanta meæ cum sint dispendia uitæ

Facta; potes nostram quisque dolere uicem;

Quòd non ingenio, quòd non profecimus arte;

Quòd mea sit longo mens prope uicta siu:

Quòd mala subrepens imos cen pestis in artus

Irruerit, fracto corpore, segnities;

Nec pote iam lapsæ studium reuocare iuuentæ;

Ingenij cum sit tacta ruina mei.

Tu saltem bona posteritas ignosce dolori;

Qui facit, ut spreto sit mea fama loco:

Musarum spolierq; bonis, & nomine claro

Vatis; & hæc uliro credar habere mala.

Prosit, amicitia sanctum per sæcula nomen

Seruasse, & firmam regibus usque fidem.

Vosq; uel ignauo, uel tardo parcite amici;

Cui natura suas dura negarit opes;

Dum tamen ambitione mala, atque libidine turpi,

Et caream inuisæ crimine auaritiæ.

Tu quoque uel fessæ testis Cassandra senectæ,

Quam manet arbitrium funeris omne mei;

Compositos tumulo cineres, atque ossa piato.

Neu pigeat uati soluere iusta tuo.

*Parce tamen scisso seu me mea uita capillo;*  
*Sine: sed heu prohibet dicere plura dolor.*

DEOS NEMORVM INVOCAT IN  
 EXTRVENDA DOMO.

**DII** nemorum saluete: ego uos de rupe propinqua.

*De summis patriæ mœnibus aspicio:*

*Aspicio, uenororq; , caua mihi plaudite ualles:*

*Garrula uicinis perstrepat aura iugis.*

*Vuos quoque perq; focos felicia dicite ciues*

*Verba, per intactas flore decente uias.*

*Victima solennes eat inspectanda per aras,*

*Turbaq; palladia fronde reuincta comas.*

*Mosq; ut ab antiqua repetatur origine Romæ,*

*Exterior forda cum boue taurus aret.*

*Ac prius infosso tectum quam cingere sulco*

*Incipimus, iustos thure piate Deos.*

*Nulla per obductum decurrant nubila calum:*

*Candidaq; augustum concinat omen auis.*

*Exurgat paries, uentos qui pellat, & imbres;*

*Qui multa circum luce serenus erat.*

*Adsue dispositis series concinna columnis;*

*Quaq; ornet medias crebra fenestra fores.*

*Ipsè biceps primo custos in limine Ianus*

*Occurat laeis obuius hospitibus.*

*Protinus à dextra sacrae, mea turba, sorores*

*Cingant uirginis atria prima choris.*

*À leua nitidis stratum Pythona sagittis*

*Miretur posita Cynthius ipse lyra.*

*Aedibus in medis parui sinus amphitheatrî,*

ELEGIARVM

Vifendas Regum præbeat historias.

Ac primum triptici sese defendat ab hoste

Fernandus rapido iam metuendus equo.

Alfonsusq; pharetratas, dira agmina, gentes

Cogat Hydruntinis cedere litoribus.

Tum iuuenis Rex ipse, & Regum insignibus auctus

Alpinos adigat linquere castra duces.

Postremo Federicus, auito lætus honore,

Dalmaticas grandi classe refringat opes.

Inferosq; Deos, metuendaq; iura minatus,

Incidat nato bella gerenda suo.

Hic bene conueniens membris uariantibus ordo

Aspiciat celebris è regione situs.

Exhedra, Xistiq; Tablinum, Hypocausta, Dieta,

Et quæ priuatis usibus apta uelim.

Atque alia occasus, alia uertantur in ortus,

Quæq; habeant Borean, quæq; inhibere Notum.

Iungantur longis quadrata obliqua rotundis:

Et capiat structos plurima cella toros.

O' studijs placitura meis, o' mille per artes

Ocia pierijs nostra iuuanda modis.

Hic ego tranquillo transmittam tempora cursusq;

Dum ueniat fatis mitior hora meis.

Viximus ærumnas inter, lacrimosaq; Regum

Funera: nunc patria iam licet urbe frui:

Vt quod tot curæ, tot detraxere labores,

Restituat uati Parthenopea suo.



NEAPOLITANI, VIRI PATRI

CII, EPIGRAMMATON

LIBER PRIMVS.

AD FEDERICVM REGEM.

SCRIBENDI *studium mihi tu Federice dedisti,*  
*Ingenium ad laudes dum trahis omne tuas.*  
 Ecce, suburbanum rus, & noua pradia donas:  
*Fecisti uatem, nunc facis agricolam.*

AD VILLAM MERGILLINAM.

RVPIS o' sacra, pelagiq; custos,  
 Villa Nympharum domus, & propinqua  
 Doridos, Regum decus una quondam,  
 Delitiæq;

Nunc meis tantum requies camænis;  
 Urbis inuisas quoties querelas,  
 Et parum fidos popularis auræ  
 Linquimus æstus:

Tu mihi solos nemorum recessus  
 Das, & harenas per opaca laurus  
 Saxa: tu fontes, Aganippidumq;  
 Antra recludis.

Nam simul tete repeto; tuasq;  
 Sedulus mecum ueneror Napæas:  
 Colle Mergillina tuo repente  
 Pegasus unda

EPIGRAMMATON

Effluit de qua chorus ipse Phœbi,  
 Et cheri Phœbus pater, atque princeps,  
 Nititur plures mihi iam canenti

Ducere riuos.

Ergo tu nobis Helicon, & udae  
 Phocidos saltus, hederisq; opacum  
 Thespie rupis nemus, & canoro  
 Vertice Pindus.

I puer, blandi comitem laboris  
 Affer è prima citharam culumna;  
 Affer & flores; procul omnis à me  
 Cura recedat.

Principis nostri decus, atque laudes  
 Fama, per latas spaciata terras,  
 Euehat, quæ sol oriens, cadensq;  
 Frena retorquet;

Quæq; non notos populos, & urbes  
 Damnat æternis Helice pruinis;  
 Quæq; seruentes cumulos arena,  
 Dissipat auster.

Ille crescentes ueneratus annos  
 Vatis, antiquum referentis ortum  
 Scirpis, & clarum genus, & potentum  
 Nomen auorum;

Conuulit large numerosa dextra  
 Dona; & ignauæ stimulos iuuenta  
 Addidit, siluas, & amica musis  
 Ocia præbens.

## CALENDAE MAII.

Matus adest ; da serua puer : sic sancta ueuistas

Instituie ; prisci sic docuere patres .

Iunge hederam uiolis ; myrtum subtexe ligustris ;

Alba uerecundis lilia pinge rosis .

Fundat inexhaustos mihi decolor indus odores :

Et fluat assyrio sparsa liquore coma .

Grandia fumoso spument chrystalla Lyæo :

Et bibat , in calices lapsa corona meos .

Post obitum non ulla mihi carchesia ponet

Aeacus . Infernis non uiret uua iugis .

Heu uanum mortale genus , quid gaudia differs ?

Falle diem : medijs mors uenit atra iocis .

## IN TVMVLVM LADISLAI REGIS.

Miraris niueis pendentia saxa columnis

Hospes , & hunc , acri qui sedet altus equo .

Quid si animos , roburq; ducis , præclarâq; nosse

Pectora , & inuictas dura per arma manus ?

Hic Capitolinis deiecit sedibus hostem :

Bisq; triumphata uictor ab urbe redit :

Italiamq; omnem bello concussit , & armis :

Intulit Hærusco signa tremenda mari .

Ne ue foret Latio tantum diademate felix ;

Ante suos uidit gallica scepra pedes .

Cumq; rebellantem pressisset pontibus Arnum ;

Mors uenit sextam claudere Olympiadem .

In nunc , regna para , fastusq; attolle superbos :

Mors etiam magnos obruit atra Deos .

EPIGRAMMATON

AD FEDERICVM REGEM.

Clausa quòd effossis erumpunt ossa sepulchris,  
 Et reserant ueteres puria saxa rogos.  
 Nimirum tanto capiunt sub principe manes  
 Viuere; & ad natus umbra uocata uenis.  
 Utq; decet, longo mansuras tempore sedes  
 Spondent, & regnis ocia lata tuis.  
 Quaeq; diu ambiguis tecum fortuna uagata est  
 Passibus; hic certa stat bene nixa rota.  
 Sume animos Federice: tuis hic meta periclis  
 Haeret: habent manes, & pia busta fidem.

A D N I N A M.

Sexcentis Nina da, precor, roganti  
 Sed tantum mihi basiationes:  
 Non quas dent bene filiae parenti;  
 Nec quas dent bene fratribus sorores:  
 Sed quas nupta rogata det marito;  
 Et quas det inueni puella caro.  
 Inuauit me mora longa basiorum;  
 Ne me tam cito deserat uoluptas.  
 Nolo marmora muta, nolo pictos  
 Dearum Nina basiare uultus:  
 Sed totam cupio tenere linguam,  
 Insertam humidulis meis labellis;  
 Hanc & sugere; morsuunculasq;  
 Molles adicere; & colamborum  
 In morem, teneros inire lusus.  
 Ac blandam simul excitare marmur.

Hæc sunt suauia dulciora melle  
 Hyblæo, & sicula liquore canna.  
 Hæc sola ambrosiæq; , nectarisq;  
 Succos fundere, sola habere possunt.  
 Quæ si contrigerim mihi; tuisq;  
 Admouere sinas manum papillis:  
 Quis tunc diuitias, quis aurum, & omnes  
 Absis me putet æstimare reges?  
 Iam non maluerim mihi beatus  
 Aurora, Venerisq; habere noctes:  
 Non Hebes thalamos beatiores:  
 Non, si deserat hæc suum maritum:  
 Non si me roget usquequaque: non si  
 Aeternam mihi spondeat iuuentam.

## DE NATALI ALIILII VATIS.

Musarum lux alma, meus cui thura quotannis,  
 Cui rite Alilius fundit in igne merum:  
 Accipe seruatos hyberno frigore flores;  
 Quæq; madent siculis annua liba faxis.  
 Quandoquidem magnum Latio, rarumq; dedisti  
 Pignus, & Aonijs non leue nomen aquis.  
 At tu, sic tristes nunquam experiare tenebras;  
 Sic Phœbi nitido semper honore mices:  
 Fausta, precor, longos tamen expectata per annos,  
 Alilioq; tuo concolor usque redi.

## AD FEDERICVM REGEM.

Hybernas tibi pampineis cum vitibus uvas  
 Mittimus, o regni gloria, bonosq; tui.

## EPIGRAMMATON

Præla uacant ; riget omnis ager ; spumantia tandem  
Musta silent ; mensis est tamen uua tuis .  
Iam pater Autumnus uernantia lilia mittet ;  
Talia si medio frigore bruma dedit .

## DE EXPEDITIONE AL- FONSI REGIS.

Venturos olim Romana ad moenia Turcas ,  
Dixerunt uates : credite , uera canunt .  
Scilicet Alfonso Turcas in bella trahentem  
Expectas fatis anxia Roma tuis .  
Pone metum , uincet ; sed te meliora manebunt  
Imperia ; Alfonso principe maior eris .

## IN TVMVLVM LAVRAE PVELLAE.

Et lacrymas etiam superi tibi Laura dedissent :  
Fas etiam superos , si , lacrymare , foret .  
Quod potuit tamen , auratas puer ille sagittas  
Fregit , & extinctas mœsta Erycina faces .  
Sed quamuis homines tangant tua fata Deosq̃ :  
Nulli flebilior , quàm mihi , uita iaces .  
Felices animæ , quibus us comes ipsa per umbras ;  
Et datur Elysium sic habitare nemus .

## DE PARTV NISAEAE CHE- RITEI CONIVGIS.

Dum parit , & longas iterat Nisæa querelas ;  
Sinditur incerta seditione polus .

*Pierides puerum, Charites optare puellam:*

*His uenus, ast illis docta Minerva fauet.*

*Astat amans Veneri Mauors, Phæbusq; Minerva;*

*Magnanimusq; æquus Iuppiter aure sedet:*

*Cum subito aurato surgit puer improbus arcu;*

*Et cælum notis territat omne minis.*

*Assensere metui superi. pater ipse Deorum*

*Risit; & Aonias iussit abire Deas.*

*Exultat palma Venus; & nascente puella*

*Augentur Charites, Cypria turba, Deæ.*

#### AD FEDERICVM REGEM.

*Edicto nuper cum tu Rex magne caueres,*

*Audaci nequis stringeret arma manu:*

*Deposuisse tuum uel primus diceris enses,*

*Et monstrasse palam primus inermis laeus.*

*Quid maius populis ue tuis Federice, uel urbi*

*Accidere huic nostræ per tua dona potest?*

*Post domitos hostes inter tot commoda pacis,*

*Contigit exemplis uiuere posse tuis.*

*Publica nimirum res tunc sibi constat, & æquum*

*Imperium: cum Rex, quod iubet, ipse facit.*

#### DE EMENDATIONE CATULLI

#### AD IOVIANVM.

*Doctus ab Elysijs redeas si ualle Catullus;*

*Ingratosq; trahat Lesbica sola choros:*

*Non tam mendosi mœrebit damna libelli;*

*Gestiet officio quàm Ioniane tuo.*

EPIGRAMMATON

Ille tibi amplexus, atque oscula grata referre;  
Mallet & hos numeros, quam meminisse suos.

DE BORCIA, ALEXANDRI  
PONTIFICIS FILIO.

Qui modo prostratos iactarat cornibus urfos,  
In latebras taurus concitus ecce fugit.  
Nec latebras putas esse satis sibi: Tybride toto  
Cingitur, & notis vix bene fidit aquis.  
Terruerat montes mugitibus: obuia nunc est,  
Et facilis cuius præda sine arie capi.  
Sed tamen id magnum; nuper potuisse uel urfos  
Sternere, nunc omnes posse timere feras.  
Ne tibi Roma noua desine spectacula pompæ;  
Amphitheatrales reddit arena iocos.

AD EVNDEM, DVM AB VRSINIS  
PREMERETVR.

O taure, præsens qui fugis periculum:  
(Nam te nec odio, tædio, ue tam bonas  
Spreuisse siluas, tam bonos putem lacus)  
Dic quis propinqua nubibus tibi iuga  
Molestus inuidet? iuga illa iam tuis  
Sudata cornibus, tuisq; prælijs  
Deuicta? quis saltus, & amnium uberes  
Cursus, torosq; marginum uirentium?  
Quis uda riuus præta? quis recondita  
Nemora? quis umbras sibilantium arborum



Male aduocatos abstulit tibi Deus?  
 Non amplius uidebis, ah miser, miser,  
 Amata regna; non uidebis amplius  
 Vos amores, non licebit, heu, tibi  
 Posthac cubanti sub genistulis tuis,  
 Molline fulco niueum amaraco latus,  
 Audire uoces ruminantium gregum;  
 Meridianum non inire somnulum.  
 Quæ nunc adibis, res quas? quæ petes loca  
 Miselle taure? quas subibis ilices?  
 Vbi myrica? ubi uirentis arbuti  
 Iucunda sedes? ubi salicta, & omnibus  
 Ehu iuuenca præferenda pascuis?  
 Iuuenca, solos quæ relicta ad aggeres  
 Padi sonantis, heu malum sororibus  
 Omen, dolentis inter orba populos  
 Te te requirit, te reflagitans suum,  
 Implet querelis nemus; & usque mugiens  
 Modo huc, modo illuc fuerit, amore perdita:  
 Omnia peragrat arua; lustrat omnia;  
 Num qua bisulcæ signa cernat ungula:  
 Querit per alta montium cacumina;  
 Querit per ima uallium cubilia,  
 Memor locorum, non tamen sui memor:  
 Te mane primo, te rubente uespere  
 Lugeat: nec illam Luna cum recurreret  
 Calo, nec atra noctis alma sidera  
 Videre dormientem. abire flumina,  
 Abire solem, abire cernit omnia;  
 At ipsa mœstam sola non abit domum,

## EPIGRAMMATON

Humi recumbens . strata sub nudo aethere .  
 Hanc & puella nemorum , & ipse corniger  
 Sylvanius aspicit ; hanc bubulcus intuens ,  
 Miser bubulcus , nec iuuare eam ualens ,  
 Tantum , quod unicum in malis refugium habet ,  
 Suspirat , ingemit , deum inuocat fidem ,  
 Iracus ursis , quòd coegerint procul  
 Abire siluis albulum iuueniculum ,  
 Et tam uenustam clamitare buculam .

## IN GEMMAM SVAM.

Hæc , mihi quæ roseos iussit sordere hiacynthos ,  
 Et nitet articulis unica gemma meis ;  
 Cuius in exiguo ductor stat troicus orbe ,  
 Anchisesq; senex , Ascaniusq; puer :  
 Quis credat ? ueteres inter neglecta ruinas ,  
 Et uili latuit semisepulta solo .  
 Tu tamen obrueras ; nec te sinuessa pudebat  
 Hoc decus heu terris oculuisse tuis .  
 Scilicet Aenean natumq; , patremq; gerentem ,  
 Ignibus ereptos obrueresq; Deos ?  
 Parcere debueras , cui iam pia flamma pepercit ;  
 Nec te tam turpi dedecorare nota .  
 Et dubitem Belgasq; feros , rigidosq; Britannos  
 Hac comite ignotos & penetrare sinus ?  
 Hac est Iliacos pietas spectata per ignes ;  
 Cum uerita est profugos ledere flamma deos .

## DE VENERE, ET MARTE.

Dum Venus armatum complectitur obuia Martem ;

Distrinxit teneram fibula adunca manum.  
 Sensit, & ante Iouem ridens ait emula Pallas:  
 Bella iterum gessit cum Diomede soror.

## DE ENDYMIONE, ET LVNA.

Spreuerat hirsutas pascentem Pana capellas  
 Candida nocturnis quæ Dea fertur equis.  
 At postquam niuæ conspexit munera lanæ;  
 Post habuit notas Encymionis oues.  
 Qui simul ac tristes somno inclinaret ocellos;  
 Mors hæc, mors, inquit, non mihi somnus erit.

## DE FERDINANDO IUNIORE.

Corniger æsculea Fœunus recubabat in umbra;  
 Cum prope latrantes sensit adesse canes.  
 Mox iuuenem superis similem, diuinæq; tela  
 Conspiciens, trepido sic mouet ora sono.  
 Seu Mars, siue alto Phœbus descendis Olympo;  
 Iam iam linquo omnes te ueniente feras.

DE POGGIO FLORENTINO  
HISTORICO.

Dum patriam laudat, damnat dum Poggius hostem;  
 Nec malus est ciuis, nec bonus historicus.

## DE BARTH. PLATINA.

Ingegenia, & mores, uitasq; obitusq; norasse  
 Pontificum; arguta lex fuit historia.  
 Tu tamen inclauæ tractas pulmenta culinae:  
 Hoc Platine est, ipsos pascere Pontifices.

EPIGRAMMATON.

DE DIANA, ET FERDI. II.

Errabat Diana suis immixta puellis;  
 Cum procul ecce mei conspicit ora Duclis;  
 Atq; ait: huc Nymphæ concedite; nanq; propinquas,  
 Qui regat in sævas certius arma feras.

DE MANE, ET VESPERE.

Sol iubet exoriens, Faunos, Dryadasq; puellas  
 Quærere, & herbofo ducere monte choros.  
 Declinis, nitreas suadet descendere ad undas,  
 Doridæq; , & lusus ò Galatææ tuos.  
 Causa patet: quia, sublimes cum tendit in arces,  
 Nos quoque per salus, & iuga summa rapit.  
 Cum uero hesperios petit ima Thetyos amnes  
 Exemplo ad fontes nos uocat ipse suo.  
 Hinc adeo natura hominum loca mane requirit  
 Ardua; cæruleis uespere gaudet aquis.

DE VULTURNO, ET PVE-  
 ROR REGIO.

Miramur tacitis Vulturnum currere lymphis,  
 Et tardos dura compede ferre pedes.  
 At magis occulto mirabimur urier igni,  
 Et puerum rota nocte uocare suum.  
 Tū ne etiam formose puer uaga flumina torques?  
 An fuerit reges perdomuisse parum?  
 Quine iam combure Deos dominoq; Deorum  
 Arma moue; & pulso da Ganimedæ merum.

clara

## In Quintium.

Clara tibi uideor scripsisse epigrammata Quinti.  
 Sunt, fateor: medio scripsimus illa die.  
 Tu latebras obscurus amas; quia lumine nullo,  
 Atque intempesta scribere nocte soles.

## De Mercurio, &amp; Amore.

Dum comes aligero Clenius iret Amori  
 Aliger; incauto subripuit facultas.  
 Deprenso tum fure, manum referebat ad arcum;  
 Sed non inuenta risit Amor pharetra.

## In Tumulum Annibalis.

Annibal huc uictas secum Carthaginis arces  
 Transtulit: hac ambos terra libyssa regit.

## De Venere, &amp; Iunone.

Confidit nimum iaculo dum pulcher Adonis;  
 Inguina setosus candida rupit aper.  
 Accurrit miseranda Venus. cum nuptia tonantis;  
 Quid gemit hac? nullo Mars meus ictus apro est.

## In Fabianum.

Esse tibi sapiens, & uir Fabiane uideris:  
 At mihi nec sapiens, nec Fabiane uir es.

## De Prætoře Præside Deside.

Ait nefastas esse nundinas prætor;  
 Fari recusat: quid nefastius dicas?

# EPIGRAMMATON

## Atramentum Scriptorium .

**Ferrum** putre situ spumanti feruet aceto,  
Mandet ut aeternis scripeta uoluminibus .  
Scilicet hoc illud , uatum uolitare per ora  
Hoc est , Pyramidas uincere Nile tuas .  
**Infelix** fatum : sanies rubiginis ergo  
Eripit inuiso nomina nostra rogo ?

## Ad Federicum Regem .

**Ne tibi non aliquid Iani misisse calendis**  
Arguar , aut latam non celebrasse diem ;  
**Mittimus** hibernis seruatas mensibus uias ;  
Insuper & faustas addimus ore preces ;  
**Ut tibi qui nitido cum sole renascitur annus ,**  
Felici redeat candidus usque pede .

## In Mancinum .

**Qui ferro fratres , stupro Mancine sorores**  
Fas uiolare putat ; quid putat esse nefas ?

## Tumulus maximillæ .

**Hic hic siste precor gradum uiator .**  
Hoc sub marmore Maximilla clausa est :  
**Quacum** frigiduli iacent amores ,  
Et lusus , Veneresq; gratiæq;  
Hanc illi miseræ seuera Clotho  
Pro dulci thalamo domum parauit .  
**Has** matri dedit , has patri querelas

Pro plausu, choreisq; nuptiarum.  
 Quid firmum tibi, quid putes uictor  
 Mansurum inuictabile, aut perenne?  
 Siquæ delicia iuuenulorum,  
 Et decus fuerat puellularum,  
 Nunc eben iacet ecce Maximilla,  
 Luctus perpetuus iuuenulorum,  
 Aeternæ & lacryma puellularum.

## De Mirabili Vrbe Venetiis.

Viderat hadriacis Venetam Neptunus in undis  
 Stare urbem, & toto ponere iura mari.  
 Nunc mihi tarpetas quantumuis Iuppiter arcus  
 Obijce, & illa tui mœnia Martis, ait.  
 Si Pelago Tybrim præfers; urbem aspice ueranque:  
 Illam homines dices, hanc posuisse Deos.

## De Alfonso Duce Calabria.

Alfonsus magnum dum traicit Apenninum;  
 Castraq; non solita primus in alpe locat:  
 Armorum sonitus, galeasq; arataq; tela  
 Siluarum dominae pertimere Deæ.  
 Nec minus occultas satyri petiere latebras,  
 Assueti imbelles ante uidere feras:  
 Spectaruntq; procul celsa de rupe silentes;  
 Agmina dum, & magnos cogeret ille duces.  
 Atque aliquis signa aspiciens, miratur, & inquit:  
 Imperium uobis urbis, & orbis erit.

De Innocentio VIII. Pontifice Max.

Innocuo priscos æquum est debere Quirites.  
Progenie exhaustam restituit patriam.

Ad Venerem.

Quid mihi te facilem blandis promittis ocellis,  
Si miserum sic post uris acerba Venus?  
Non decet hoc superos. aut te mihi fronte serena  
Concilia, aut toruo lumine bella moue.

De Galla.

Omnes, quos scripsi, uersus uult Galla uidere:  
Mittam ego, pro libris si mihi labra dabit.

De Vetustino.

mihi sepulchro prædium Vetustinus,  
Sed quod futuros non sequatur hæredes;  
Iraus æque mortuisq; uiuisq;  
Scribiq; curat grandibus notis, demens,  
Viginti in agro, in fronte ter pedes octo.  
Habitat sub urbe scandulis tribus reclusus;  
Ne pensione de grauetur, aut sumptu.  
Dormit grabato. quo nec ipse iam uellet  
Dormire cimex, nec lacerta, nec sorex.  
Cœnat per hortos alliumq; capasq;



Et salmagorum iure lividos caules :  
 Vel, siquid optat unctius sibi poni,  
 Piscatur ipsis in paludibus ranas:  
 Aut è cloaca colligit meras sordes,  
 Puerem palumbum, mortuum ve caponem  
 Et doliorum turbidam bibit facem,  
 Tanquam falernum consulare, uel chium,  
 Opimiana quod refunderint cellæ.  
 Nec iam pro festis hoc, sed idibus tantum  
 Sacrisq; potat ferculis calendarum.  
 Et mane ueste currit anxius raptæ  
 Ad architectos, marmorumq; sectores,  
 Ut de sepulchro conserat nouas lites.  
 Quos iam misellos pessimis modis mulctat;  
 Ducit, reducit, distrahit, rapit, uexat,  
 Per angiportus, uiculosq; cliuosq;  
 Et per riunas urbis, & per anfractus:  
 Mostrat theatra, porticusq; priscorum,  
 Arcusq; claris principum sacros armis;  
 Hinc & deorum templa, & obruptas thermas.  
 Et quicquid altis fornicum subest cliuis:  
 Nec iam fauissas linquit, & nigros manes.  
 Demum trecentis cum laboribus fractos.  
 Et estuantes pariter, & fame siccos  
 Vix officina post meridiem reddit  
 Iam feriata, uectigalibusq; adhuc clausa.  
 Culpat coronas; zophorumq; permutat:  
 Spiras reformat, & scapos columnarum:  
 Et nunc hetruscas, nunc corynthias manuulz  
 Nunc doricarum laudat ordinem tantum;

## EPIGRAMMATON

Cuētas, triglyphos, tēnias, thoros, plinthes.  
Quid cum columnis nunc tibi Verustine,  
Aut cum uoluta, ionicis ue puluinis?  
Dormi miselle; sat diu laborasti:  
Cœnare fessos & aliquando permitte.  
Aut, si sepulchri cura te coquit tanta,  
Cadauer istud uel gemonijs conde.

### In tumulum Neeræ.

Quæ uoces? Charicum. quæ circum pompa? Neeræ.  
Vnde odor hic? cineri thura ministrat Amor.  
Vnde pyra? ex pharetra. qui nam struxere? lepores.  
Ast hæc illa crymans quæ legit ossa? Venus.  
Fortunate lapis, tumuloq; beator omni;  
Tu regis in terris siquid honoris erat.

### De Hybla.

Hybla mei quondam dulcissima cura Marulli;  
Hybla suburbano nuper humata solo:  
Accipe quæ multo promuntur uerba dolore:  
Accipe de lacrymis humida ferta meis.  
Te rosa, te uiola, te mollis amaracus ornet:  
Te pia suspēso pondere uelet humus.  
Et tibi, quod raræ possunt sperare puellæ;  
Contingant uatis carmina docta tui.

### De Aufidio.

Dum caput Aufidio tractat Chirurgus, & ipsum  
Altilius exquirat, quo uideat cerebrum.

*Ingemite Aufidius ; quid me chirurgæ fatigas ?  
Cum subij rixam , non habui cerebrum .*

*Ad Alfonso .*

*Qui prius herculeæ sensu Leo uulnera clauæ ,  
Hic Alfonso tuos corruet ante pedes .*

*Quæq; uiræ nostras quercus passura secures ,  
De seret immundos fulmine tacta sues .*

*Victa dabit Bellona manus : pax arua reuifet  
Claudetur diuæ Marte sedente fores .*

*Tunc pia Parthenope latos tibi ducet honores .*

*Perfora , per uicos oia uulgus agee .*

*Sebethosq; pater fluujs metuendus hebruscis ,  
Aurea cæruleum tollet ad astra caput .*

*In Lydam .*

*Cum dixi medio tibi macram algere sub æstu ,  
Non dixi fluuium Lyda : quid ergo ? citem .*

*In Ollum .*

*Omnia facturum te dicis , nil facis Olle .*

*Nil mirum : leuius dicere , quàm facere est .*

*Ad Rufum .*

*Tanquàm prisca mihi , saxoq; inuenta uetusto ,  
Disticha Rufe soles sæpe referre tua .*

*Scultum adeo me Rufe putas ? ego tam mala credam  
Carmina Romano marmore posse legi ?*

## EPIGRAMMATON

Archemoro longos affingis Nestoris annos.  
Andromaches puerum Laomedonia uocas.  
Desine mentiri Pyliam, Phrygiamq; senectam.  
Sint uetera hæc alijs, mi noua semper erunt.

### De Cyparisso Pueri.

Flebat ad huc mærens ceruo Cyparissus adempto,  
Cum sua conspexit cortice membra regi.  
Delius exclamat: quid nostro silua dolore  
Crescis? Tu Daphnen, tu Cyparisson habes.

### De Harmosyne.

Hæc mosinen quisquis seu uir, seu foemina uidit,  
Deperiet: an ne oculos Aëtius unus habet.

### De Iucundo Architecto.

Iucundus geminos fecit tibi Sequana pontes:  
Iure tuum potes hunc dicere Pontificem.

### De Aenea, & Didone.

Immemor ah misera cur enses linquis Elise  
Nate dea? profugas non grauat ille rates.  
An ne parum fuerat causam dare mortis acerba,  
Ni ferrum fugiens tu quoque triste dares?  
Tolle precor tumidas tecum hoc, iam tolle per undas.  
Discessu, satis est, si perit illa tuo.

## In Cæcilianum.

Si tibi per genium fas est iurare Mineruæ,  
 Per Veneris flauas Cæciliane comas;  
 Nec in bar excipitur solis, nec cornua Phœbes,  
 Nec capitolini crura, caputq; patris:  
 Cur mihi tu uentrem, cur intestina deorum,  
 Hispana tactus religione, sonas?  
 Non pudeat heu cælum rebus fœdare pudendis?  
 An credis magnos hæc quoque habere deos?

## Ad Marinum Caracciolum.

O dulce ac lepidum Marine factum,  
 Dignum perpetuo ioco, atque risu,  
 Dignum uersiculis, facetijsq;  
 Necnon & salibus Marine nostris.  
 Ille maximus urbis Imperator  
 Cæsar Borgia, Borgia ille Cæsar,  
 Cæsar patris ocellus, & sororis,  
 Fratrum blanditiæ, quies, uoluptas,  
 Montis pupulus ille uaticani,  
 Ille inquam dominæ urbis inquinator,  
 Cæsar Borgia, Borgia ille Cæsar,  
 Cynadi patris impudica proles,  
 Mœchus ille sororis, atque adulter,  
 Fratrum pernicies, lues, sepulchrum,  
 Montis bellua tetra uaticani;  
 Quingentas modo qui uorauit urbes  
 Imbuens scelere, & malis rapinis,  
 Vrbes sub ducibus suis quietas,

PEIGRAMMATON

Quascunque aut Latium ferax uirorum,  
 Aut Campania pinguis, aut per alta  
 Diuisi iuga continet Sabini;  
 Hisq; ingessit Ariminum, Pisaurum,  
 Urbinum, Populoniãq; magnam,  
 Camertes pariter, Forumq; Lini  
 Corneliq; forum, Fauentiamq;  
 Et quantum Aemiliæ est, Hetruriaq;  
 Quantum circuitu hic & inde longo  
 Neptuni lauas æstuantis unda.

At nunc quis neget esse opus deorum?

Dum uecors animi impotente morbo,  
 Quæris plura, nec est potis misellus  
 Explere ingluuientem periculosam;  
 Ecce ecce euomit; ò Iouem facetum,  
 Ò pulchram Nemesim, ò uenusta fata.  
 Verum salicet id Marine, uerum est,  
 Quod dici solet, en fides probat nunc;  
 Fortunam si auide uorare pergas;  
 Eandem male concoquas, necesse est.  
 Ut iure euomere hunc putemus ipsum,  
 Qui tantum miser hausit oppidorum.

Ast id omne, quod hausit, oppidorum,  
 Quod quinque assiduis uorauit annis,  
 Imbutus scelere, & malis rapinis,  
 Scis quot euomit diebus? uno;  
 Ò lucem meam, ò Iouem facetum,  
 Ò pulchram Nemesim, ò uenusta fata,  
 Ò dulce, ac lepidum Marine factum.

## De Cæs. Borgia

Aur nihil, aut Cæsar uult dici Borgia: quid ni?  
Cum simul & Cæsar possit, & esse nihil.

## Ad Eundem,

Omnia uincebas: sperabas omnia Cæsar.  
Omnia deficiunt; incipis esse nihil.

## Dies Genialis.

Aureli perfunde meis unguenta capillis  
Tu super, & uernas sparge Nearchæ rosas,  
Sed prius æstiuum ramis defendite solem;  
Et uiridi mollem sternite fronde torum.  
Non plumæ, non piæta iuuant me stragula, nec quæ  
Pauonis uario sponda colore nitet.  
Larga coronata disponite pocula mensa;  
Satino & gelidas adsociate niues:  
Certatimq; leues potanti inducite somnos.  
Sic iuuaet ætatis ducere fila mea.  
An scimus miseri, quid lux uentura minetur?  
Vivamus. mortem fallere nemo potest.

## Ad Amicam.

Da mihi tu mea lux tot basia rapta petenti,  
Quos dederat uati Lesbia blanda suo.  
Sed quid pauca peto, petite si pauca Catullus  
Basia? pauca quidem, numerentur, erunt.  
Da mihi, quos calum stellas, quos litus arenas,  
Siluaq; quos frondes, gramina campus habet.

EPIGRAMMATON.

Aere quot uolucres, quot sunt & in æquore pisces;  
Quot noua cæcropiæ mella euentur apes.  
Hæc mihi si dederis, spernam mensasq; Deorum,  
Et Ganimedæa pocula sumpta manu.

Ad Bassum de Phyllide.

Cum de cathedra Basse surgeret nuper  
Mammosa Phyllis; tunica mollis, ut sæpe  
His accidit, qui obesulas habent clunes;  
Intrauit illuc, unde prodeunt auræ,  
Quæ de Sabæis messibus nihil spirant:  
Quod ut animaduertit dicaculus quidam;  
Vrbaniorem ut se faceret, ait ridens:  
Heus Phylli, quis nam mordicus tenet uestem?  
Vorabit hanc, ni præcaues. Ad hunc Phillis,  
Immo, inquit, ut scias, sibi labra abstergit:  
Accede pupe, basiare te nam uult.

Ad Vesbiam.

Aspice, quàm uarijs dstringar Vesbia curis.  
Vror, & heu nostro manat ab igne liquor.  
Sum Nilus, sumq; Etna simul: restringite flammam  
O lacrymæ, lacrymas ebibe flamma meas.

Ad Aeglen.

Si tibi sum Phœbus; si sum tibi Iupiter Aegle:  
Cur tu non Daphne sis mihi, non Danae?

Ad Pulicianum.

Ait nescio quis Pulicianus,



Ni pulex magis sit uocandus hic, quæ  
 Vnus grammaticus, sed his minutis  
 Vel longe inferior, minutiorq; est;  
 Diuinum sibi passerem Catulli  
 Haud quaquam bene passerem sonare;  
 Nec iam id esse, quod autument legentes,  
 sed quod uersiculis parum pudicis  
 Ludens innuat ipse Marialis:  
 Da mi basia, sed Catulliana:  
 Quæ si tor fuerint, quot ille dixit;  
 Donabo tibi passerem Catulli:  
 Ut sit, quod puero poeta possit  
 Post longas dare basiationes,  
 Quod saluo nequeat pudore dici.  
 Proh dū quam uasfer es Puliciane;  
 Solus qui bene calleas poetas.  
 Nimirum, & quod ab omnibus probeur,  
 Mutandam quoque suspicaris illud,  
 Quod nunc illepidumq; & infæcerum  
 Mendosis epigrammarum libellis  
 Insulse legit imperita turba:  
 Sic forsitan tener ausus est Catullus  
 Magno mittere passerem Maroni:  
 Cum sit simpliciusq; rectiusq;  
 Mitti, dicere, mentulam Maroni.  
 Sed quid uos Aganippides puella  
 Ridetis? meus hic Pulicianus  
 Tam bellum sibi passerem Catulli:  
 Intra uiscera habere concupiscit.

# EPIGRAMMATON

## De Eodem.

Vanas gigantum iras, & impetus graves  
 Miratur aliquis audiens mortalium;  
 Ausumq; calo vincula inferre irrita  
 Sæuum Typhoea, cum iugosum Pelion  
 Adderet Olympo. matre nec terra satium  
 Agnosceret sese; impium donec pater  
 Iræus ardenti igne substulit caput;  
 Ut par erat: nam quis petat sanus Deos?  
 At nunc quis hoc, quis hoc ferat mortalium?  
 Iners, pusillus, unus, heu pulex ciet  
 Turmas, cohortes, copias, manipulos  
 Muscarum; & altos scandere adparat toros  
 Heroum; opacis qui sub umbris arborum  
 Strati, ac perenni flore sub fulti caput,  
 Ducunt quietem perpetem, æternam, optimam;  
 Nec nostra curant dicta, vel facta amplius,  
 Ut qui beatos incolant tui locos;  
 Et nomen alte in arce sacrarim suum,  
 Functi periculis, & malis laboribus;  
 Cunctasq; fortunæ improbæ calcant minas,  
 Ne dum pusilli pulicis morsus leues.  
 At tu moleste, amare, uesane, impie  
 Pulex, inepti concitator agminis,  
 Quò proripis te? quò uocas muscarias  
 Istant phalanges? quò uolatiles globos  
 Impellis audax? i procul miser, miser,  
 I criminose maximam in malam crucem.  
 Haud fas quietas manium sedes Deum

Muscas subire, pulicumq; copias.  
 Nil hic negoci uel, uel pessimis  
 Tuis maniplis: quid moraris impie?  
 Abi profundam in noctem, & ultimum Chaos.  
 Speranda certe gloria hic nulla est tibi.  
 Quos dii probauere semel, hos semper probant.

## Acteon Marmoreus.

Viderat ideo ouidas in uertice diuas  
 Phryx Paris, & dixit, uincis utranque Venus.  
 At si, Gargaphijs quam nos male uidimus undis,  
 Vidisset, poterat dicere; cede Venus.

## Orpheo Respicienti.

Hoc fuit infelix, & adhuc heu respicis Orpheu,  
 Quod te, quod miseram perdidit Eurydicen.

## Echo Loquitur.

Vidi, arsi, fleui, tristemq; (heu fata) repulsam  
 Spreta tuli: sum nunc uox, sonus, aura, nihil.

## Eadem Iocatur.

Cum facie caream, quæris, cur dicar imago:  
 Cum tua uerba sequar: dic, ubi lingua mea est?

## In Malum Librum.

si sapi, hospes abi; miserum neu tange libellum.  
 Non hic Mæoniden, Virgilium ue leges,

EPIGRAMMATON

Sed fœdas Bauij chartas, & olentia Mœni  
Carmina, Romani dedecus eloquij.

Quid dubitas sacros incendia poscere lucos;  
Abnuerit liquidas si dare Phœbus aquas?

ACTII SYNCERI SANNAZARII  
NEAPOLITANI, VIRI PATRI  
CII, EPIGRAMMATON  
LIBER II.

CVM uehor pieta uacuus phaselo;  
Et modo septos iaculis echinos,  
Nunc bene hærentes scopulis laboro  
Vellere conchas:

Tange uocales studiosa chordas  
Musa; & auratum moderare plectrum:  
Pauca de multis referamus acta  
Regis amari.

Qualis herbofo spaciata campo  
Virgo, iam matris decus, & uoluptas,  
Necit è solis uiolis coronam,  
Cætera linquens:

Hic ubi ueras imitata turres  
Tot simul pinnis, niuesq; rectis,  
Rupe Mergillina sedens, propinquum  
Spectat in aquor,  
Adsit ex imo Galatea fundo,  
Nil timens sæuos Polyphæmi amores;  
Nec mihi durum refluxens canenti  
Obstrepas unda.

Sit licet magnus, trepidasq. turmas  
 Fregerit primis Federicus ausis;  
 Cum puer celsas penetravit alpes,  
 Saxaque Rheni:

Texerit latis pelagus carinis,  
 Dalmatium dites populatus urbes:  
 Senserit presso prope fulminantem  
 Ore Timaeus:

Cinxerit sacra meritum corona  
 Et caput; Gallos quoniam feroces  
 Contudit: totas renouavit ora ex  
 Fauibus urbes:

Nil tamen maius, nihil egit unquam  
 Fortius; quàm quòd titubante regno,  
 Cum sibi sceptrum, & diadema posset  
 Sumere tutus;

Coniugem caram, propriosq. natos  
 Liquit, & fidas lacrymas clientum,  
 Fratris heu pulsam sobolem secutus  
 Per mare vastum.

Ergo nunc illi moderator alti  
 Aetheris; cui sunt pia facta curæ;  
 Regium frontis decus, & negatos  
 Addit honores.

O' fides, rarum, placidumq. numen;  
 O' mihi nullis reticenda sacra;  
 Tete ego aeternum prece, uictusq.  
 Pionus ad orem.

De Andrea Matthæo  
Aquiuiuo .

Cernis , ut exulet patrijs Aquiuiuus in armis ;  
 Durâq; spumanti frena relaxet equo ?  
 Quis mites illum Permessi ausisse liquores  
 Credat , & imbelles excoluisse lyras ?  
 Consurgunt niueæ fulgenti in casside cristæ :  
 At clypeus toruo Gorgonis ore tumet .  
 Macte animo , rigidum Musas qui stringere ferrum ,  
 Qui Mariem doctos cogis amare choros .  
 Hæc ducis est uireus ; non uni insistere palmæ ;  
 Sed nomen factis quærere , & ingenijs .

In Bubonem .

Nam quis te inepte bubo tam stolidus furor  
 Adegit importunum inire prælium ,  
 Isto indecenti rostro , & alis luridis ?  
 Quid bellicosæ uolucris insulse asperos  
 Laccissis ungues ? de sine miser dum licet ;  
 Ne dormientis excites somnum tuo  
 Cum maximo ( ut par est ) malo , ac clade ultima .  
 Sed peruenire uis in ora uulgi ; & hæc  
 Via cupis scelestæ fieri notior ?  
 Non assequere ; nec profecto tam bono  
 Fruere fato . An hoc pudendo sanguine  
 Se tingat Aquila , fulminum & cali imme mor ?  
 Ponenda honestæ mortis hæc spes est tibi .

## Ad Matonem .

**V**t mandem uictura meis tua nomina cartis ;  
Diciſ amicitiam te Maſho uelle meam .

**E**t tibi ſemper in ore duces , quos Graius Homerus ,  
Quos noſter Latia uexit in aſtra tuba .

**D**umq; ego ſum tanti te iudice ; uenit ab horto  
Cum donis holitor biſ ue , ſemel ue tuus ,  
Scilicet aeterni prætium mihi grande daturus  
Nominis , & fidæ pignus amicitia .

**O** Maſho , quàm felix & amico , & uate reſertos es ,  
Quàm felix horto , muneribusq; tuis ;  
Si quod diſ genitis uix tot peperere labores ,  
Id tibi lactuæ , prototomiq; dabunt .

## De Patria Homeri .

**S**myrna, Rhodos, Colophō, Salamin, Ios, Argos, A-  
Cedite iam : cælum patria Maonide eſt . (thena .

## De Luna, &amp; Pane .

**E**ffudit longas tegeæa in rupe querelas  
Pan captus forma candida Luna tua .

**C**umq; leui calamos cera coniungeret, addit ;  
Prædata eſ ſenſus tu quoque canna meos .

## In Tumulum Amaranthæ .

**H**ic Amarantha iacet ; quæ , ſi ſas uera fateri ,  
Aut Veneri ſimilis , uel Venus ipſa fuit .

Ad Ferrandum Regem.

Ex ferro nomen tibi sit licet, aurea condis  
 Sæcula; nam sub te principe nemo metit.

De Summontii Pietate.

Excitat obstrictas tumulis Summontius umbras;  
 Impleat ut sanctæ munus amicitiae.  
 Vtq; prius uiuos, sic & post fata sodales  
 Obseruat; tristes & sedet ante rogos.  
 Nec tantum uiolas cineri, ac bene olentia ponit  
 Sæpta; sed & lacrimis irrigat ossa pijs.  
 Parua loquor: cultis reparat monumenta libellis;  
 Cum possint longam saxa timere diem.  
 At tu, uiuaci quæ fulcis nomina fama,  
 Poscenti gratas Musa repende uices:  
 Vt quoniam dulces optat sic uiuere amicos;  
 Viat, & in libris sit sacer ille meis.

De Venere, &amp; Diana.

Incultam aspiciens siluis Cytherea Dianam,  
 Risit, & , An tendes retia semper? ait.  
 Cui Dea casta: Feris cur non ego retia tendam;  
 Tendere si potuit uir tuus illa tibi?

Ad Aeglen.

Absentem quæris, præsentem despicias Aegle.  
 Non redamas; sed me uis in amore mori.



## De Venere, &amp; Priapo.

Traētabat clypeum Marti placitura Dione :  
 Sæuaq; feminea sumpserat arma manu .  
 Pone D ea , exclamat periulanti uoce , Priapus ;  
 Pone ; decent istas hæc magis arma manus .

## In Gelliam .

Quem tu nunc patruum , nunc patrem Gellia dicis ;  
 Hic tibi nec patruus Gellia , nec pater est .

## In Flaccum .

Non largitur opes , & uult epigrammata Flaccus .  
 Iure suo hæc poscit ; uult sibi uerba dari .

## De Peto Compatre .

Petus delicia tuæ Dione ;  
 Vni cui Charitum sales beatos ,  
 Cui fontes dederas facetiarum ,  
 Ac risus simul eleganter omnes ;  
 Petus mortuus est tuus Dione ,  
 Petus compatre usque ad astra notus .  
 Qui puro niuæ colore mentis  
 V incebat nitidissimos olores .  
 Cui de lacteolis tuis papillis  
 Donarunt uiolas iocusq; , Amorq; ,  
 Donauit teneram Thalia myrtum .  
 Mox promens citharam decentiorem ,  
 Versus addidit eruditiores .

O'sæu , nimium , malæq; Parcæ ,

## EPIGRAMMATON

Vestros non potuit tenere susos  
 Petus; qui rapidas domare tygres;  
 Qui duras potuit mouere quercus,  
 Vestras non potuit tholos morari.

Sic, sic occidis heu miselle Pete:  
 Nec te pierides tuæ, nec ipsa  
 Quæ te per Paphon, & Gnidon uirentem,  
 Per colles Amathuntios uocauit,  
 Fatis eripuerè tam malignus.

At non unanimes tui sodales,  
 Quos tu pectore tam pio colebas.  
 Quos tristes obitu tuo relinquis,  
 Hoc duro tibi defuere casu.  
 Quin me transligerim, ferosq; Celtas,  
 Lustrantem Morinum pigras paludes,  
 Dum quæro Oceani ultimos recessus;  
 Veris nuncius obruit querelis.  
 Ergo quid tibi tam uagus uiator,  
 Cui nec pulchra Neapolis, nec aliæ  
 Colles Pausilypi, nec ipse adesset  
 Sebethos pater, aut pater Vesæus;  
 Inferre exequiarum amice possem?  
 Rupem, quam uagus hinc, & inde Nereus  
 Alterna ueniens retundit unda,  
 Accessi; & procul angulo in supremo  
 Stans, supra pelagi alluentis æstus,  
 Manes terq; quaterq; conuocaui.  
 Hic fudi lacrymas amariores:  
 Hic uici gemitus uel unus omnes,  
 Omnes & simul omnium querelas.

Mox quamuis cineri tuo decentem  
 Pontanus tumulum pararit, ac te  
 Cognatus ueneretur inter umbras;  
 Quamuis & diuturnius sepulchrum,  
 Quod nec secula uincere ipsa possint,  
 Diuinis paret excitare charthis:  
 Nostrum non tibi qualecunque munus  
 Inter frigora, solitudinesq;  
 Cessauit; nec honore te supremo  
 Fraudari miser: hoc scit ipsa Thethis;  
 Scit late Oceani unda Gallicani.  
 Stant aræ tibi, stat uidenda nautis  
 Terrent tumuli pusilla moles;  
 Et buxus super, & dicata quercus.  
 Nam myrtum regio illa non habebat.  
 Quæ iussit pietas sacrare, ut esset  
 Naturæ tibi terminus sepulchrum.

Ignes Nocturni Romæ.

Aspicias, ut picti uultus imiterur olympi,  
 Certet & astriferos uincere Roma polos.  
 Scilicet hos Augusto tibi largitur honores;  
 Ne cupias magni tecta uidere Iouis.  
 Alta coronatæ iaectant incendia turres:  
 Et Vaticano fulmina monte tonant.  
 Dumq; palam tantos cupit ostentare paratus  
 Vrbs nimium in laudes ambitiosa suas:  
 Viuant astra, inquit, summo contenta Tonantes;  
 Pareat Augusto dum modo Roma suo.

# EPIGRAMMATON

## De Tyrannis, & Bruto.

**Cum** tot Tarquinius passim consurgere cernas ;  
Miraris, Brutum cur ferat Italia ?

### In Tumulum Pueri.

**Nate** patris, matrisq; amor, & suprema uoluptas,  
Accipe, quæ nobis te dare par fuerat.  
**Basta** eheu, tristesq; notas damus; inuida quando  
Mors imminaturo funere te rapuit.

### De Hercule, & Ganymede.

**Palluit** Alcides teneri Ganymedis amore :  
Et uetus amissi cesserat ador Hylæ.  
**Quid** linquet nobis puer hic? ait uxor; honores:  
Eripuit quondam; nunc rapit ecce uirum.

### In Vfentem Crapulatorem.

**Non** futuit, non prædicat, non irrumat Vfens:  
Ista olim: quid nunc? aut uomit, aut comedit.

### In Degenerantem.

**Nomen** aui, non facta refers: diceris ab illo  
Alter, sed iuuenis tu, precor; ille senex.

### De Ioue, & Cupidine.

**De** Veneris nato quæsta est Dictynna Tonanti,  
Quòd nimis ille puer promptus ad arma foret.  
**Tum** pater accito ostendens graue fulmen A mori,  
Hoc tibi sane fuer spicula franget, ait.

*Cui lascius Amor motis hæc reddidit alis:  
Quid si iterum posito fulmine Cycnus eris?*

In Riccium.

*Aegrotat sedis vitio, & male Riccius audit.  
Quid, si esset surditi Riccius auriculis?*

De Danae, & Ioue.

*Formosam Danaen munibat aenea turris:  
Et satis hoc nanus credidit esse pater.  
Indoluit, teneræ miseratus fata puellæ  
Iuppiter, & subito factus amator, ait.  
Ergo arcere potes natam diuisq; , uirisq;  
At si non arces imbribus; imber ero.*

De Lucio Grammatista.

*Noctes, & noctes iterat dum Lucius, illi  
Perpetuam noctem præbuit altus Arar.*

De Vulcano, & Venere.

*Horrida calicolis narrabat prælia Miuors,  
Seuâq; terribili capta trophæa manu:  
Quòd Venus audiret, doluit Vulcanus &, Heus tu  
Inquit, an exspectas, ut mea uincla canas?*

De Selpso.

*Miraris, liquidum cur non dissoluor in amnem,  
Cum nunquam siccas cogar habere genas.  
Miror ego, intenues potius non esse fauillas,  
Assidue carpant cum mea corda faces.*

## EPIGRAMMATON

*Scilicet ut misero possim superesse dolori;  
Sic lacrymis flammæ temperat acer amor.*

### De Hercule, & Ioue.

*Pendebat Phrygiæ Tirynthius ore ministri;  
Delicias magno dum facit ille Ioui.  
Tum pater, haud equidem faui fortissime, dixit,  
Formosum rapuit cum tibi Nais Hylan.*

### De Venere, & Pallade.

*Indureat thoraca humeris, galeamq; decoro  
Aptarat capiti, Marte iubente, Venus.  
Nil opus his, Sol, Diana, inquit; sumenda fuerunt,  
Cum uos ferratæ circuire plagæ.*

### Catonis Tumulus.

*Hic, ubi libertas, magni & iacet umbra Catonis;  
Quàm melius poterant Cæsaris ossa tegi.*

### De Venetorum Signis.

*Romanas Aquilæ postquam liquere cohortes;  
Magnanimus turmas ducit in arma Leo.*

### De Andrea Matthæo AQUIUI- uo Duce Hadriæ.

*Mæsta bituntinæ duxerunt ocia Nymphæ;  
Nec Faunis solitos exhibuere choros.  
Scilicet optato quicquid sine principe cernunt,  
Ingratum est, tantus principis urget amor*

Nec satis est, positis arcum spreuisse sagittis,  
 Questibus & totos continuasse dies.  
 Ast etiam nostris faciunt conuicia terris:  
 Et nos Syneras, Lotophagosq; uocant.  
 Vera loquor: diuæ ueniam date uera loquenti:  
 Non amor hic certe, sed magis inuidia est.

## De Thelesinæ Crinibus.

Dum nectit flauos auro Thelesina capillos;  
 Contraxit radio Phœbus, & erubuit.  
 Mox hæc ad superos: en auro iungitur aurum:  
 Hoc est mortales, hoc superare Deos.

## In Galeatium Caracciolum.

Hippolyten, Leden, Thelesinam diligis unus:  
 Dic mihi, quid tota restat in urbe boni?

## In Theatrum Campanum.

Dicite semidei, siluarum numina, Panes,  
 Et si qua aduentu es Nympha fugata meo:  
 Cui licuit tantas sexorum euertere moles,  
 Quas iam dissectas uix nemora alta tegunt?  
 His ne olim sueta est cuneis campana iuuentus  
 Amphitheatrales læta uidere iocos?  
 Nunc ubi tot plaususq; hominum, uocesq; canoræ,  
 Tot risus, tot iam gaudia, tot facies?  
 Scilicet, heu fati leges, rapit omnia tempus;  
 Et quæ sustulerat, deprimit ipsa dies.

EPIGRAMMATON

De Fonte Mergillines.

Est mihi riuo vitreus perreni

Fons, arenosum prope litus; unde

Sæpe discedens sibi nautæ rores

Haurit amicos.

Vnicus nostris scæter ille ripis,

Montis immenso sitiente tractu,

Vitifer qua Pausilypus uadosum ex-

Currit in æquor.

Hunc ego uitta redimitus alba,

Floræ, & æstiuis ueneror coronis;

Cum timent amnes, & hiulca sæuam

Arua leonem.

Antequam festæ redeant calendæ

Fortis Augusti, superantq; patri

Quattuor luces; mihi tempus omni

Dulcius æuo.

Bis mihi sanctum, mihi bis uocandum.

Bis celebrandum potiore cultu,

Duplici uoto, geminâq; semper

Thuris acerra.

Nanque ab extremo properans eoo,

Hac die primum mihi usgienti

Phœbus illuxit, pariterq; dias

Hausimus auras.

Hac & insigni peragenda ritu

Sacra solennes ueniunt ad aras.

Nazari unde omnēs tituli, meæq;

Nomina gentis:



Nazari uastas cohibentis undas  
 Aequoris, sauosq; donantis æstus,  
 Quicquid & uani truculentæ iussit  
 Ira Neronis.

○ decus cali, simul & tuorum,  
 Rite quem parua ueneramur æde;  
 Cui frequentandas populis futuris  
 Ponimus aras:

Si mihi primos generis parentes,  
 Si mihi lucem pariter didisti:  
 Huc age; & fontem tibi dedicatum  
 Sæpe reuise.

Diuo Nazario.

Natali quòd Diue tuo lucem editus hausi;  
 Quòd tua nascenti lux mihi prima fuit:  
 Aëtius hoc riguo paruum cum fonte sacellum  
 Dedico; tu nutu fac rata uota tuo.  
 Ut quæ sextiles lux uenerit ante calendas  
 Quarta, sic hic generi bis celebranda meo;  
 Et quòd solennes reuocat tua festa per aras;  
 Et quòd natalem contingit esse meum.

De Lauro, ad Neritiorum  
 Ducem.

Illæ deum lætis olim gestata triumphis  
 Claraq; Phœbææ laurus honore come,  
 Iam pridem male culta, nouos emittere ramos,  
 Iam pridem bacas edere desierat.  
 Nunc lacrymis adiuta tuis reuirescit; & omne

## EPIGRAMMATON

*Frondiserum spirans implet odore nemus .  
Sed nec eam lacrymæ tantum iuuere perennes ;  
Quantum mansuro carmine quod colitur .  
Hoc debent Aquiniue Duces tibi , debet & ipse  
Phæbus ; nam per te laurea silua uiret .*

### In Tumulum Cottæ Veronensis .

*Sperabas tibi docta nouum Verona Catullum :  
Experta es duros bis uiduata deos ,  
Nulla animum posthac res erigat ; optima quando  
Prima rapit celeri Parca inimicam manu .  
Quæ tamen ut uidit morientis frigida Cottæ  
Ora ; suum fassa est crimen , & erubuit .*

### In Picentem medicum .

*Quòd noctu latras , quòd fellas olfacis unus ;  
Da ueniam Picens , hoc canis est uitium  
Sed quia tu Cynicus uis dici , & Clinicus idem ;  
Esse idem poteris Merdicus , & Medicus .*

### De Ferdinando Iuniore .

*Si merita audieris Ferrandi ; Ne Ætora credas :  
Si numeres annos ; dixeris Antilochem .*

*Tumulus , in quo ploratur  
Filius unicus .*

*Cur heu lætitiã , falso dixere parentes ?  
Tristitiã qui me dicere debuerant .*

Natus eras miseræ lux unica matris , ocellus  
 Vnicus ; hunc Lachesis noxia subripuit .  
 I nunc , uel Nioben confer mihi ; cuius habet fors  
 Hoc melius ; fieri saxea quòd potuit .

## In Picturam.

Anna parens , cui caelestem sperare nepotem  
 Contigit , intactæ uirginis Anna parens :  
 Ut tandem te te meliori in sede locares ,  
 Credibile est artes edidicisse nouas .  
 Scilicet obscœnæ semper conuicia turbæ ,  
 Et scelera antiqui perpetiar domini ?  
 Vix hæc ; & medicas inuadis protinus artes :  
 Nec mora , iam cæcis lumina restituis .  
 Accurrunt ægri ; complentur compita rhedis ;  
 Occupat angustas sedula turba uias .  
 Ecce in quo piæta es , paries excinditur ; & te  
 Accipit hospitio nata benigna pio .  
 Nimirum sapiis Anna ; hoc contulit ipsa senectus ;  
 Haud aliter poteras hac caruisse domo .

## De Iunone, &amp; Ganymede.

Iusserat Iliacum mensis adstare ministrum  
 Iuppiter : at coniux , Quis mihi miscet , ait ?  
 Ille uerecundis libat chrystalla labellis :  
 Cui Dea ; Amatori de puer ista tuo .

## In Catonis Laudem .

*Quæ tegit exinctum cum libertate Catonem ,  
Insultat tumulis Cæsar arena tuis .*

## De Homero in latinum uerso .

*Quid semprem de uate sacro contenditis urbes ?  
Ecce potest ciuem dicere Roma suum .  
At uos aut nostrum , si fas , auferte Maronem ;  
Aut alium uobis quærite Mæoniden .*

## In Tumulum Assanii .

*Tu , qui disiectos artus , inhumataq; furtim  
Assanii occulto membra refers tumulo ;  
Macte animi pietate , tamen nihil irrita busti  
Gloria tam claros afferet ad cineres :  
Quandoquidem uoluit potius sic sparsa iacere ,  
Quàm cadere ad tristes nobilis umbra rogos .  
Nunc late exigui fines egressa sepulchri ,  
Eorum fama uerberat Oceanum .  
Contempsit dulcemq; animam , floremq; iuuentæ ;  
Sanguine ut agnato dedecus elueret .  
Cumq; hausit sæui stricto latus ense tyranni ;  
Laudem obitu statuit quærare , non tumulum .  
Quodq; magis mirere ; hilari , ridensq; cruentos  
Carnificis cultos cernere sustinuit .  
Disimulet patriam ; taceat nomenq; genusq; :  
Qui facit hoc , dicit se Lacedæmonium .*

## In Tumulum Caudolæ.

Heu quæ te rigidi rapuit uis effera fati ;  
 Quis matri miseræ tot perperit lacrymas  
 Flos ueterum Caudola uirum ? tibi mœsta sepulcrum  
 Illa dedit ; tristes Aëtius hoc titulos ;  
 Hos titulos ; qui te nigras descendere ad umbras ,  
 Obduci stygia non patientur aqua .  
 Tempora miretur qui uis sua : talis Achilles ,  
 Talis , cum caderet , martius Hector erat .  
 I precor , i millos non durature per annos ,  
 Nestoreos qui iam uiuere dignus eras .

## De Ioue, &amp; Amore

Iuppiter infraëtos iactat dum sæpe gigantes :  
 Et sibi seruati dat decus omne poli :  
 Sic est , inquit Amor ; nanque hoc mugire solebas  
 Tunc quoque , cum torua fronte iuuenicus eras .

## Hymnus Ad D. Nazarium.

Nazari heu quis me tibi ad hanc supremâ  
 Littoris ripam , quis ad hos putasset  
 Tethyos fluctus , quis ad has daturum  
 Thura paludes ?  
 Post tot emensos pelago labores ,  
 Tot pererratos populos , sub ipso  
 Fine terrarum datur ecce amicum

EPIGRAMMATON

Cernere numen .

Ergo in extremis pater alme terris  
 Barbaræ norruunt tua sacra gentes ,  
 Quæ laus dextrum Liger æstuosis  
 Obijcit undis .

Iamq; & Aulercos genus acre , & ipsos  
 Cernis ad te Lexouios citato  
 Essedo , & picta uolitare flauos  
 Puppe Britannos .

O mihi semper geniale cœli  
 Sydus , o famæ decus omne nostræ ,  
 Auctor o idem mihi gentis , & spi-  
 Rabilis auræ .

Se tibi debet proauorum origo , &  
 Sanguinis si sunt decora ulla nostri :  
 Debet & præsens genus , & futurum ,  
 Debet & hæc lux

Sacra ; quæ magnum mihi prima solem  
 Obtulit nascenti , & inane aperti  
 Aeris , pulchrosq; micantis æthra  
 Tot simul ignes .

Hinc tuis per me dare grata templis  
 Munera , hinc natalicias coronas  
 Annuis sœuenit sociare fertis ,  
 Dum fuit hæc fors .

Nunc in ignotis uagor ecce campis ,  
 Regis heu cari exilium securus ;  
 Dum fides , & fas , & amor , Piusq;  
 Me rapit ardor .

I puer , buxum nemore è propinquo

Collige, & siquas tibi litus offert  
 Quercuum frondes; celebrare mastum  
 Sic iuuat annum.

O' ubi dulces patriæ recessus  
 Abluis sebeihe loca illa myrto  
 Consita; ò, qui Pausilypi uirentes  
 Dei mihi citros,  
 Quà tuum lambens maris unda fontem  
 Margines parui minuit sacelli,  
 Nostrum opus; quo se recreet quotannis  
 Leta iuuenius.

Quæ tibi sacris operata arenis,  
 Frondibus remos, celeresq; cymbas  
 Ornat; & forsàn mea nunc, ut olim,  
 Dona requirit.

Heu pater, cur heu mihi ad institutos  
 Non licet iam iam properare cursus?  
 Cur uetor templis, & adesse ludis  
 Rite dicatis?

Sit satis uentos tolerasse, & imbres,  
 Ac minas fatorum, hominumq; fraudes:  
 Da pater tecto salientem auito  
 Cernere fumum.

### De Amore Fugitiuo.

Queritat huc illuc raptum sibi Cypria natum:  
 Ille sed ad nostri pectoris ima latee.  
 Me miserum, quid agam? durus puer, aspera mater;  
 Et magnum in me ius altera, & alter habent.

*Si calem ; uideo , quantus Deus ossa peruret :*

*Sin prodam ; merito durior hostis erit.*

*Adde, quod hæc non est, quæ natum ad flagra reposcat,  
sed quæ de nostro bella cruore uelit.*

*Ergo istic fugitiue late ; sed parcius ure :*

*Haud alio poteris tutior esse loco .*

*De Camilla Scalampa*

*Mediolanensi .*

*Fumantem ambustis olim Phaetontæ quadrigis*

*Excipit rapidis fluctibus Eridanus .*

*Ecce recens Ticine tibi de sole trophæum*

*Erigit auratis culta Camilla comis.*

*Nam Deus ille tuis ausus concurrere ripis ,*

*Maioris numem sensit adesse Deæ .*

*O' fatum fluuiorum : ergo noua fabula uestris*

*Semper erunt Nymphis aut pater ; aut Phaeton .*

*De Violante Grappina*

*Femina Præclaris.*

*Vnde mihi has uiolas affers puer ? accipe mater :*

*Quando aliud calida de niue nil potui .*

*De niue tu calida uiolas ? perstrinxit ocellos*

*Candor ; & ecce, niuem quod puto , pectus erat .*

*Mira refers : sed tela ubi sunt illa aurea ? habebam*

*Cum legerem uiolas ; nunc Violantis habet .*



## De Morinna .

Sit spectanda comis ; sit pulchro corpore tota ;  
 Sit Venus , & blandas spiret ab ore rosas ;  
 Aoniasq; Deas , ipsam quoque Pallada uincat  
 Ingenio ; & dulci pectore mella fluant ;  
 Dum tamen ire mihi noctem Morinna quietas ,  
 Et sinat arbitrijs libera iura mei .  
 Arsimus ; & primos miseri defleximus ignes :  
 Hoc satis : extremo turpe in amore mori .

## Ad Animum suum .

Arstisti ; & miseras consumpsit flamma medullas ;  
 Aridaq; in cineres ossa abiire leues :  
 Fleuisti ; roremq; oculi fudere perennem ;  
 Sebethus lacrymis creuit & ipse tuis :  
 Ardendi , flendiq; igitur quæ tanta cupido est ?  
 O anime , exequias disce timere tuas ;  
 Ne ue iterum tua danna , iterum tuâ funera quæras :  
 Sirenum scopulos præteruisse iuuat .

## De Cassandra Marchesia .

Desine formosæ dotes numerare puellæ ;  
 Desine iam extinctas sollicitare faces .  
 Nã dum sæpe comas , frontemq; , humerosq; manusq;  
 Commemoras ; proprios extruis ipse rogos .  
 Dumq; oculis Cassandra , animo Cassandra recurset ;

EPIGRAMMATON

Cassandra heu mentis us habet omne tuae.  
 Blandus amor tacitis subresit in ossa uenenis.  
 Sic sibi uel fatum quilibet esse potest.

Hymnus Diuo Gaudio.

Gaudete cœtus uirginum  
 Plenas habentes lampadas.  
 Sponsus sacras ad nuntias  
 Venit repente: surgite,  
 Venit serenus lucifer,  
 Nocturna pellens sidera:  
 Optata lux solennibus  
 Adest dicata gaudijs,  
**L**ux clara, qua fugans nigram  
 Mundi sator caliginem,  
 Vestri latere gloriam  
 Patris diu non passus est;  
**Q**ua Gaudiose segmina,  
 Tot inreperta seculis  
 suis uidenda ciuibus  
 Diues retexit urnula.  
**O** ter beate & amplius  
 Lapis pusille, qui tuo  
 Tantum uerendum præsulis  
 Sinu recondis puluerem.  
**Præsul** sed ò beatior,  
 Clara decus Neapolis,  
 Tuæ benignus patriæ  
 Fer Gaudiose gaudia.

Ad sita fides, & ueritas;  
 Ad sit probata castitas:  
 Morbos, famem, pericula  
 Tuis repelle mœnibus.

Ergo tibi sit gloria  
 Inseperata Trinitas,  
 Verbum, Paterq;, & Spiritus,  
 Qui condidistis omnia.

De Eodem ad Vesperas.

Audiat surgens pariter, cadensq;  
 Sol tuas laudes, meritosq; honores,  
 Urbis ò nostræ cœlum, tuæq;  
 Gloria gentis.

Audiat cœlum, mare, terra, & aer,  
 Annuos ritus tibi dum nouamus,  
 Dum damus flammis adolenda sacris  
 Thura per aras.

Huc ades festa redimite fronde,  
 Cœlitum plausus, choreasq; relinquens;  
 Et tuam sedem, tua Gaudiose  
 Ossa reuise;

Ossa, quæ longa tumuli sub umbra  
 Abdita, ignaras latuere gentes;  
 Nocte mox pulsa redeunt apertas  
 Lucis in auras.

Hic dies nobis celebrer, precamur,  
 Lætior semper redeat, nec ullos

EPIGRAMMATON

Hostium motus ferat, aut maligni  
Sideris æstus.

Da tuis longam uenerande pacem  
Ciuiibus, da perpetuos honores,  
Da bonam mentem, superiq; plenos  
Luminis haustus.

Iusta poscentes animos benignus  
Adiuua; iniustos moderare sensus.  
Sensiat per te paruiffe castis  
Aethera uotis.

Laus tibi cali pater, atque princeps,  
Omnium rector simul & creator;  
Quem fides ueri studiosa trinum  
Credit, & unum.

Ad Diuum Nazarium.

Diue, cui uasti metuenda ponti  
Vis, & iratæ famulantur undæ;  
Quem per & spumas gradientē, & æstus  
Nautæ uocauit,

Ah miser pœnas pelago daturus,  
Cum niger circum streperet procellis  
Auster, & turbata minax feriret  
Sidera fluctus:

Te, mihi sanctum, patriumq; numen,  
Te canam, gentis columen latinæ,  
Auream prolem patris Africani,  
Perpetuæq;

Matri heu uulnus graue, dum relictus

Tybridis ripis, Italoq; cælo,  
Sponte trans Rhætos iter, & niuosas

Arripis alpes,

Laete depulsus, uelut ille, primi

Quem rapit cursus generosus ardor,

Pullus, & matrem fugit, & rapaces

Transilit amnes.

Mox & ad Rhenum, horribilesq; tendis

Treuerum gentes animosus hospes,

Morte festinans capere inuidendæ

Præmia palmae.

Hic, ubi è caræ gremio parentis,

Iam necis magnæ comitem futurum,

Excipis celsum pater, & salubri

Perluis unda.

Perluis totas, mora nulla, & urbes:

Vndique exhaustis properatur agris:

Barbaros gaudent Dryidæ sacrorum

Ponere ritus.

Nazari nomen, meritiq; famam

Audijs, siquem Liger in remotis

Occulit ripis, refugo ue inundat

Sequana cursu.

Te neque iniusti rabies Neronis,

Impios iam iam minitantis ignes,

Non per exertos Anolinus urgens

Terruit enses.

Iam uoluptatum, gelidæq; uictor

Mortis, & lapsi reparator orbis

Diceris, milesq; peræque Iberis

# EPIGRAMMATON

Notus, & Indis.

Ergo speratum genitor triumphum,  
Et parum factis meruisse calum est.  
Aureum uultu iubar, & coruscus  
Fundis honores.

Salve Io magni noua lux olympi,  
Cui per extensas operosa terras  
Templa tot surgunt, calidisq; fumant  
Ignibus aræ.

Nos tibi hac grata scopulorum in umbra  
Rite paruis adiculam columnis  
Ponimus: nos perpetuo sacramus  
Munere fontem.

Accipe æstiuam, noua ferta, citrum, &  
Virgines lauros, gracilesq; myrtos,  
Quosq; Mergillina tulit propinquo  
Littore odores.

O mibi longos liceat per annos  
Hic sacra, & festos renouare ludos,  
Et tuum castis sine fraude uotis  
Poscere numen.

De Ferdinando Haualo  
Piscariæ Príncipe.

Admoueant iterum cælo si castra gigantes  
Hoc duce, quo Ligurum gloria fracta iacet:  
Cum Marte Enceladus, cum Phæbo signa Typhoeus  
Conferet, ipse Haualus cum Ioue bella geret.

## In Nolam Urbem .

Infensum Musis nomen , male grata petenti  
 Virgilio optatam Nola negavit aquam .  
 Noluit hæc eadem Iouiano rustica uati  
 Hospitium paruae contribuuisse moræ .  
 Iccirco nimirum hoc dicta es nomine Nola ,  
 Nolueris magnis quod placuisse uiris .  
 At tibi pro scelere hoc cœnosos fusa per agros  
 Exhaustit populos siyx uiolenta tuos .  
 Iamq; quid ò nullis abolenda infamia sæclis  
 Imprecer ? & cælum desit , & unda tibi .

## In Lygdamum.

Quæris Lydame , musca cur uoceris ?  
 Nam musca es , mihi crede , tam molesta ,  
 Quàm nec sunt culices , grauesq; fuci ,  
 Quàm nec uermiculiq; , cimicesq; .  
 Vnum te tamen arceat necesse est ,  
 Turdelæ auxilium cacantis , ut te  
 Non muscaria , miluūq; caudæ ,  
 Non alæ accipitrum potentiorum  
 Auertant , abigantq; sæuientem .

ACTII SYNCERI SANNAZARII  
NEAPOLITANI, VIRI PATRI  
CII, EPIGRAMMATON  
LIBER III.

MARIAE CARLONIAE  
GRAPPINAE.

ROPAGO *Formosae arboris*

*Formosa uirgo, quae uagos*

**P** *Inter orta Cupidines,*

*Veris lilia uincis,*

*Rosasq; molles, & croci*

*Pulchre rubentis igneum*

*Florem, & uuidulas comas*

*Halantis hyacinthi:*

**Redisti auitos ad lares,**

*Felicem ocellulis tuis*

*Keditura Neapolim,*

*Caro adnixa marito:*

**Redisti ad optatos choros**

*Aequalium, & probos sinus*

*Matris, ac bene cognitum*

*Fratriis dulcis amorem.*

**Quis ò, quis hunc albo mihi**

*Signet diem lapillulos?*

*Quis Sabaea calentibus*

*Addat munera flammis?*

**Vocanda Musarum cohors.**

*Huc huc benigna; & abditam*



Barbiton cape, myrteis  
 Frontem uincta coronis  
 Thalia: quid dignum tuo  
 Promis fauore? quid bonæ  
 Voce, uel fidibus student  
 Respondere sorores.

Sed esse quid lætum Deæ  
 Hic absque amoribus potest?  
 Non mouet Chione suis  
 Non me Lyda papillis.

Procul faceffant hinc malæ,  
 Sæcli pudor, libidines.  
 Mi sæ est, minuat graues  
 Si Garlonia curas.

Iuuenta cur me tam cito  
 Ludendo inepta deseris?  
 Hec erat facies nouis  
 Non fraudanda libellis.

### Ad Cassandram.

Quarta Charis, decima es mihi Pieris, altera Cypris,  
 Cassandra una choris addita diua tribus.

### Se fidem seruaturum

Si post fata nouos animas errare per artus  
 Vera docent Samij dogmata nota senis;  
 Nec pote mens eadem mutari, seu ferus altis  
 Erret aper siluis, seu uaga canteat auis:

*Ipsē ego (mens quoniam est uni seruire puellæ)  
Exurgam mastis rurtur ab exequijs.*

*Ad Federicum.*

*Litibus abstinui semper; mihi testis Apollo est,  
Et Musæ, & studijs ocia grata meis.  
Nunc me nescio quis per tristia iurgia uersat  
Scotius, & rauci cogit ad arma fori,  
Es fateor magnus pulsis Rex inclyte Gallis.  
Pelle-etiam Scotos, & mihi maior eris.*

*Ad Eunum.*

*Quicquid erat tripodum Comis, Delphisq; petisti;  
Discere fortunam dum cupis Eune tuam.  
At deus, Extabis supra Regesq; Ducesq;  
Veridico tandem rettulit ore tibi.  
Tu tamen hinc uanos sumpsisti Gracule fastus:  
Iam magni dominus, iam pater, orbis eras.  
Ecce crucem ascendis. non te deus Eune sefellis:  
Omnia sunt crepidis inferiora tuis.*

*Ad Porciam Branciam, &  
Isabellam Sororem.*

*Porcia & Isabella, uenustæ pignora matris,  
Dicite, quis uestras non amet illecebras?  
Tu quoque dic, tali cum sis dignissima partu,  
Quis Leonora tuo nolit ab igne mori?*

Natarum illecebris, matris simul ignibus uri

Qui cupit; is mortis flagrat amore sua.

Vita uale: in lucro est perijisse: sed hoc reliquum, mors


Quod sinus, est ipsis uix satis exequijs.

FINIS.

R E G I S T R V M.

A B C D E F G H I K L M N.

Omnes sunt Quaterniones.



AL

DVS

















